









268

=.1679.=

et cunctis


7



ROSARIVM  
Siue  
PSALTERIVM  
Beatae Virginis  
MARIAE  
à T. W. A. editum.

*Cui accessere pia  
exercitia varia.*

ANTVERPIÆ,  
Apud Joannem Keerbergium  
ANNO M. DCIII








P R Æ F A T I O A D  
P I V M C A T H O L I C V M .

*Varias annotationes in Rosarium Beatissimæ Vir-  
ginis M A R I Æ & alia sequentia Exercitia:  
Itemque causas illa hoc modo componendi & im-  
primendi, & utilitates aliquas hinc emergen-  
tes complectens.*



Q U O N I A M vnaquæque  
res ex proprij seu vsita-  
ti sui nominis explica-  
tione clarius innotes-  
cit, in primis aduertend-  
um hîc est, Rosarium (quod pro-  
priè locû, quo rosæ vel nascuntur vel  
seruantur, significat) in hoc nostro  
instituto accipi pro peculiari orandi  
formula, quam religiosus Pater S. Do-  
minicus circa annum humanæ salutis  
millesimû ducentessimum, vel (vt ali-  
qui putant) sacerdos quidam nomine  
† 2 Petrus

P R Æ F A T I O A D

Petrus Ambianus (qui supra centum annos alterum præcessit) ex quibusdā Orationis Dominicæ, Salutationis Angelicæ, & Symboli Apostolici recitationibus sæpius repetitis instituit: vnà cū præcipuis quibusdā fidei Mysteriis interea meditandis, in Dei & Beatissimæ Virginis Dei genitricis honorē, ex quinario numero instar rosæ (quæ quinque habet folia) compositam: quæ propterea v̄sitatissima apud omnes Christianos appellatione ROSARIUM B. VIRGINIS MARIAE nuncupatur. Quod quidē nomē nunc latius nunc strictius accipitur. Late sumptū continet quindecim Decades? hoc est, quindecies Orationem Dominicā, & quindecies decies Angelicam Salutationem, (in quavis nimirum Decade decem) & ter Symbolum Apostolorum: habetque quindecim Mysteria, inter earundem orationum recitationem meditanda. Hoc idem aliàs vocatur. P S A L T E R I U M  
B. V I R-

B. VIRGINIS, quia tot habet eiusdem virginis salutationes, quot sunt Psalmi in Psalterio Davidico. Stricté vero acceptum ( *ordinariè intelligitur, ùm alicui pro Pœnitentiâ, Indulgentiâ, aliâve simili de causa recitandum præscribitur* ) quinque tantum complectitur Decades, nimirum quinquies Orationem Dominicam, & quinquagies Angelicam Salutationem cum vno Symbolo: Adeoque in magno Rosario ( siue Psalterio ) B. Virginis tria continentur parua Rosaria. Hæc autem tribus rosarum generibus, Albis, Rubris, & Damascenis assimilantur. Nam sicut tres isti colores, tres animorum affectiones, gaudium, dolorem, & gloriam præsentare solent: ita hæc tria Rosaria, tria Mysteriorum genera, gaudiosa, dolorosa, & gloriosa continent, & deuotis mentibus meditanda proponunt. Hanc ergo Deum ac B. Virginem inuocandi formam ita omnium Christi fidelium vsui accommodauit

P R Æ F A T I O A D

primus Rosarij Institutor, vt & indo-  
ctæ plebi necessarium auxilium, &  
doctissimis quibusque vtilissimū exer-  
citium existeret, tam ad otiosas ac no-  
xias mentis distractiones in earundem  
orationum frequenti repetitione me-  
lius euitandas, quàm ad fructuosam  
mentis elevationē siue meditationem  
faciendā de præcipuis Christianæ fidei  
Mysterijs; quæ videlicet & latissimū  
Christi Domini in hūc mundū ingres-  
sum, & tristē eiusdem hinc egressum,  
& gloriosos vtriusq; effectus denotāt.

In primo enim Rosaria hæc quin-  
que diligenti meditatione ruminan-  
da proponuntur Mysteria Gaudiosa.  
1. Quomodo Archægelus Gabriel an-  
nunciavit Beatissimæ Virgini, quòd  
ipsa Filium Dei in vtero suo concipe-  
ret. 2. Quomodo eadem sacra Virgo  
visitauit cognatā suam Elizabetham  
prægnantem. 3. Natiuitas Christi Do-  
mini Nostri, cum eiusdē Circuncisio-  
ne, & quomodo Magi eum adoraue-  
runt.

rūt. 4. Purificatio purissimæ Virginis  
cum Præsentatione Domini in Tem-  
plo. 5. Inuentio eiusdē Domini nostri  
in eodem Templo, cum iam duodecim  
annos natus, triduo fuisset amissus.

In secundo item Rosario ad similē  
meditationē accōmodantur hæc quin-  
que Mysteria Dolorosa. 1. Agonia Do-  
mini nostri orātis in horto Gethsema-  
ni. 2. Eiusdē Domini nostri immanis-  
sima flagellatio, cū aliis plurimis & cō-  
tumeliosis iniurijs. 3. Coronatio ip-  
sius cū spinis, & condemnatio ad mor-  
tem. 4. Quomodo idem Dominus no-  
ster suam portauerit Crucem. 5. Eius-  
dem pijsimi Redemptoris nostri. Cru-  
cifixio, & in Cruce expiratio.

In tertio denique Rosario alia quin-  
que sequuntur meditatio Gloriosa My-  
steria. 1. Resurrectio Domini nostri.  
2. Ascensio eius in celos. 3. Aduen-  
tus Spiritus Sancti in signis visibili-  
bus. 4. Dormitio sacre Virginis, &  
tam animæ quàm corporis eius in

PRÆFATIO AD

cælos Assumptio . 5. Gloriosissima  
eiusdem Virginis in cælis Coronatio.

Hæc olim in genere ita ordinata  
esse, notissima testatur traditio, & cō-  
tinua Christiani populi praxis, per  
quadringentos ad minùs vel quingen-  
tos annos, hoc est, à tempore S. Domi-  
nici, vel antea. Eiusdem quoque anti-  
quitatis & authoritatis esse videtur  
precariorum globulorū vsus, ad præ-  
scriptum orationum numerum obser-  
uandum introductus, uti ex eadē pra-  
xi clarè constat. Neque sanè dubitare  
quis potest, datas simul fuisse aliquas  
instructiones, tum ad altissima hæc  
Mysteria magis in particulari cogno-  
scenda, tum ad eadem sic cognita me-  
moriter retinenda. Quomodo enim  
meditabitur quis de re aliqua, nisi &  
eius particularem notitiam & ex-  
actam memoriam teneat? Verum cum  
istæ particulares instructiones nullibi  
(ut videtur) iam extent, & precario-  
rum item globulorum copia Catho-  
licis

licis inter Hæreticos degentibus defit ; vt vtrique defectui remedium abhiberet quidam sacerdos ( in Turre Londinēſi pro fide vinc̄tus, An. 1584. & tam libris quàm precarij globulis deſtitutus ) in quindecim præfatis Myſteriis tot annotauit particularia puncta, quot videret ſufficere, & vt vnicuique Decadi) iuxta ordinariam & vſitatiffimam praxim) ſuum reſpondeat Myſterium, & ſingulis Orationibus Dominicis, Angelicis ſalutationibus, & Symbolis, ſingulæ partes applicentur : vnde & numerus orationum in integro Roſario ſine globulis exactè obſeruetur ; & meditando materia copioſior, & expeditior ſuppeditetur, ac demū mentis interea euagationes meliùs intur orandum vitentur. Iſtud autem priuatum exercitium licet valde impolitum, ( non enim ad prælum ab Authore deſtinatum fuit, ſed raptim transcriptum, & familiari amico donatum ) ita tamen

P R A E F A T I O A D

quibusdam gratum fuit, & non inutile iudicatū, vt statim in scio authore imprimi, & plurimis cōmunicari curarēt. Adeoq; cū in manus meas (qui mentem authoris paulo melius cognoui) tandem peruenisset, illud in multis locis corrigendum duxi, & in eam quam voluit author formam redactum, ac Imaginibus ornatum, denuo in lucem edendū. Eritque alijs non dubito meliora cogitantibus, hoc ipsum recu- dendi locus relictus, quod equidem vt fiat, exopto. Scio enim quā adhuc sit informe, & quasi abortiuū opusculū, de excellentissimo subiecto tenuissi- mē tractans. Nec mirum, cū nihil ferē sit simul inuentum, & perfectū. Quare si hoc ipsum luculentius ab alio per- tractum deinceps videro, illi sanē non inuidebo, sed magnas potius gratias de me & omnibus promerebitur.

Hac spe fretus propter argumenti similitudinem seu potius vicinitatem) addidi etiam C O R O N A M eiusdem

B. V I R -



B. VIRGINIS ab eodem S. Domini-  
co (vel illius aliquo discipulo) primi-  
tus institutam, ac à præfato Sacerdo-  
te, consimili recitandi formula com-  
positam, nunc primum impressam, &  
similibus picturis decoratam. Cuius &  
nominis rationem, vsum, fructumque  
si quæras, sic paucis accipe.

CORONA B. VIRGINIS dicitur,  
quia totidē continet salutationes An-  
gelicas, quot annos ipsa B. VIRGO vi-  
xisse putatur in hoc mundo, antequam  
in cælis coronaretur, nimirum sexa-  
ginta tres. Diuidetur verò in septem  
partes, quarum sex sunt Decades, (sin-  
gulæ enim vnam Orationē Domini-  
cam & decem salutationes Angelicas  
complectuntur) septima tantum ter-  
nario completur numero salutationū  
Angelicarū, cum Oratione Domini-  
ca præmissa, & Symbolo in fine adiun-  
cto. Pro istarum autem precationum  
vtiliori recitatione, mentisque inter  
recitandum eleuatione, tota summa-

tim B. Virginis vita, ex sacrarum Scripturarum, & antiquorum Patrū testimonijs collecta, ordine historico ab iis quæ salutarē illius Conceptionē præcesserunt, vsque ad gloriosam eiusdem Coronationem, pro meditationis materia ita proponitur, vt in quantū fieri potuerit, & singulis partibus huius Coronæ, certa capita sanctissimæ Virginis vitæ, & singulis Orationibus Dominicis, Angelicis salutationibus, & Symbolo particularia puncta apte respondeant. Itaque in prima parte proponuntur ea meditanda, quæ ad præparandum sacratissimæ Virginis aduentum, priusquā nasceretur, spectant. In secunda, quæ pertinent ad eius Natiuitatem, & puellarem educationem. In tertia, qualiter sanctissimæ Trinitati in Filij Dei Incarnatione & Natiuitate, ipsa cooperata est. In quarta, quomodo gaudiorum & dolorum Filij sui per maiorem vitæ suæ partem particeps facta Est. In quinta,

quinta, quàm singulariter in Filij sui Passione & morte illi est compassa. In sexta, reliqua vitæ eius pars, mors, & in cælos Assumptio. In septima demùm parte, eiusdem gloriosissimæ Virginis, supra Sanctorum omnium Angelorum choros, Exaltatio & Coronatio consideranda, & per sedulam meditationem expendenda venit.

Cùm autem Christi Domini Corona seu Gloria longissimè omnium sanctorum, etiam Matris suæ, gloriam infinitis gradibus superet, aliud quoddam Exercitium seu modus orandi & meditandi, qui **CORONA DOMINI** noncupatur, prætermitti non debuit. Ideoque illa etiã hîc additur, non tamen dignitatis suæ, sed temporis ordine posita. Est enim instituta à sancto quodã Eremita Camaldulensi, & à Leone decimo alijsq; Pontificibus approbata, & Indulgentijs varijsque priuilegijs stabilita, circa annum Domini millesimum

P R Æ F A T I O   A D

quingentesimum , decimum-quin-  
tum. Consistit hæc CORONA extri-  
ginta tribus Orationibus Dominicis,  
(iuxta antiquum numerum, quibus  
Dominus noster in carne mortali Ver-  
satus, sibi nobisque immortalem in  
cælis meruit coronam) & quatuor  
salutationibus Angelicis, ac vno Sym-  
bolo. Et ista in quatuor partes diui-  
ditur, quarum tres priores Decades  
sunt, quia in vnaquaque decies reci-  
tatur Oratio Dominica, & semel An-  
gelica salutatio. In quarta verò ter  
solum repetitur Oratio Dominica, &  
semel Angelica salutatio, cum Sym-  
bolo semel in fine. His quoque singu-  
lis recitandis, singuli meditationis ar-  
tuli, sicut in supradictis, accommo-  
dantur. In prima vtique parte reco-  
litur Aduentus D O M I N I nostri in  
hunc mundum. In secunda, Conuer-  
satio eius inter homines, pro nostra  
omnium salutaris instructione. In ter-  
tia, Exitus eius de hoc mundo per-  
acer-

acerbissimam Mortem, pro redemptione nostra toleratam. Et in quarta, Gloriosissimus ipse post mortem triumphus.

Acessit demum & aliud breue Rosarium quindecim Orationum Dominicarum totidemque salutationum Angelicarum, cum vno Symbolo, in memoriam septem dolorum & octo gaudiorum præcipuorum eiusdem B. Virginis. Quod Rosarium quicumque per anni spatium quotidie recitauerit, tot in integro anno complebit Orationes Dominicas, & Angelicas salutationes, quot plagas DOMINVM nostrum pro nobis vna die sustinuisse, reuelatum esse fertur sanctæ Brigittæ.

Et hæc de ijs, quæ in hoc opusculo continentur, me satis præfatum esse arbitrarer, nisi scirem vnum vel alterum dubium moueri posse contra huiusmodi orandi modum, quæ sub huius præfatiunculæ finem soluenda perquam necessarium putavi.

Primum

P R A E F A T I O   A D

Primum dubiū est: Qua authoritate, quoque pio exemplo, ista orationum numeratio nitatur? Respondeo eam niti non solum authoritate & generali obseruatione totius Ecclesie, à quadringentis vel quingentis annis, (quæ Catholicis omnibus abundè sufficere debet, quoniam tam vniuersalis totius Ecclesie praxis non potest esse erronea. *1. Cor. 11. 1. Tim. 3. D. August. in Psalm 118. vers. 43. & Lactan. lib. 4. cap. 28. de diu. Insti*) sed etiam sacrarum litterarum testimonijs, & ipsius Christi Domini, & plurimorum veterum Sanctorum exemplis frequens earundem precationum, ac sanctarum laudum, ad certum numerum repetitio commendatur & roboratur. Verbi gratia: *Isaias in Prophetia sua, Cap. 6. & S. Ioannis in Apocalypsi. Cap. 4.* testantur, quòd Sancta Seraphim, & quatuor animalia (seu quatuor Euangelistæ) non cessant die ac nocte, dicentia: SANCTVS, SANCTVS, SANCTVS, Dominus Deus omni-

omnipotens, qui erat, & qui est, & qui venturus est. Quam eandem formam Deum laudandi & confitendi in personis trinum, & in essentia vnum, obseruat continuò Ecclesia, tam in Cantico T E D E V M, quàm in sacrosanctæ Missæ præfatione. Item Regius Propheta (*Psal. 118.*) preces laudesque sacras septies in die Deo obtulit. Quam normam Ecclesia quoque tenet in septem Horis Canonicis. Saluator etiam in horto Gethsemani pridie Passionis suæ ter eandem repetit orationem, vti exactè notant Euangelistæ. (*Mt. 26 Mar 14. Luc. 22.*) Iubet quoque idem Saluator noster *Luc. 11* orationem continuare, & in illa perseverare. Quod sanè fieri non potest, præsertim ab indoctis, nisi eadem sæpius repetatur oratio. S. quoque Bartholomæus Apostolus (*testante Abate*) centies quavis die Deum oravit. Idem S. Macharius Aegyptiacus multis annis præstitit.

Simi-

P R A E F A T I O   A D

Similiter & S. Paulus Eremita, *vt refert*  
*Zozom. lib. 6. cap. 29. Hist. Eccl.* trecen-  
ties singulis diebus Dominum orauit.  
Ad quem numerum iustè seruandum,  
totidem lapillos in sinu suo reposuit,  
& inde post quamlibet orationem  
vnum reiecit, vt sic omnibus eiectis,  
numerum illum consuetarum precum  
completum esse cognosceret. Eodem  
planè modo, quo iam populus Chri-  
stianus certum orationum numerum  
sibi proponit, & vsu precariorum glo-  
bularum obseruat: sicut etiam vel in  
obseruandis particularibus Mysterio-  
rum punctis in hoc libro dispositis, vel  
alijs multis modis præstari possit.

Aliud dubium est; Quo pacto hic  
modus orandi, simulque de prædictis  
fidei Mysterijs meditandi, attentio-  
nem adiuuet, vel ad orationis fru-  
ctum conducat, cum potiùs vtrumque  
impedire videatur, mentem orantis  
trahendo in alias cogitationes, longè  
ab orationum recitandarum sensu, &  
verbo-



verborum genuina significatione, differentes & alienas. Ad huius dubij solutionem aduertendum est: *Secundùm D. Thomam 2. 2. q. 83. art. 12.* triplicem esse in oratione vocali attentionem, & triplicem etiam orationis fructum. Vna attentio est ad verba, ne quis in eis erret, sed vt integre ea proferat. Altera, ad sensum verborum literalem vel spirituales. Tertia, ad finem propter quem oramus, qui debet esse gloria Dei, nostra vel aliorum salus, vel quid aliud, ad gloriam Dei spectans. Primus autem fructus orationis est mereri, secundus impetrare, tertius mentem spiritualiter & præfentialiter reficere. Respondeo igitur, ad omnes tres effectus necessariam esse primam attentionem, eatenus vt accedens ad orandum, saltem intendat eam habere. Si verò postea ex fragilitate fiat mentis euagatio, non propterea tollitur orationis fructus, sed ex virtute prioris intentiones potest oratio

---

PRÆFATIO AD

---

oratio habere effectum suum. Idem etiam dicendum est de secunda attentione, si semel ( ab iis qui lingua sibi cognita orant ) adhibita deficiat. Sed inter hanc & priorem attentionem hoc est discrimen, quòd hæc, licet utilis sit, si ab intelligentibus adhibeatur, tamen simpliciter necessaria non est ad orationis fructum, neque in initio orationis, neque in progressu. Lingua enim ignota orantes eam habere non possunt, & tamen utiliter orant secundum omnes Doctores. Tertia denique attentio, qua mens in Deum & alia bona spiritualia fertur, est maximè necessaria. Hanc autem omnes ( etiam in ignota lingua precantes ) habere possunt: & quandoque in tanta abundantia, ut aliarum rerum omnium obliuiscantur. Et hæc defectum, in alijs duabus attentionibus contingentem, abundè compensat: & quantum in hac vita fieri potest, spiritualem mentis refectionem perficit.

Et

Et quamuis hac attentione cessante, cessat simul mentis resectio, tamen non propterea cessant alij duo effectus. Cum enim citra voluntarium orantis consensum, pondere infirmitatis humanæ, mens ad inferiora deprimitur, non statim desinit oratio esse meritoria, vel impetratiua: multo que minus pro peccato reputanda est quælibet inter orandum mentis euagatio, sed illa sola, quam de re vana, aut noxia, vel voluntarie quis ingruentem admiserit, vel ex proposito acciuerit, *vt docent Sanctus Thomas & Caietanus ( loco citato) & ante eos S. Hugo Victorinus lib. de modo orandi.* 2. Non ergo mentem à debita attentione distrahit modus orandi in hoc opusculo propositus, neque fructus orationis impedit, sicut obiectio supponit: sed è contrà ad malas euagationes vitandas plurimum valet. Quinimo alias multas adducit utilitates, quarum aliquæ hic recenseri possunt.

PRÆFATIO AD

In primis enim mens orantis hoc modo in optimam attentionem maximeque necessariam dirigitur, ut de Deo eiusque immensis beneficijs melius cogitet, si modò illa cognoscant. Qui verò minus in Christiana doctrina instituti sunt, multa hinc particularia, eademque valde necessaria, addiscant: qua semel cognoscentes, non possumus ea non admirari. Admiratio autem faciet attentius per meditationem inquirere. Meditatio demum maiorem pariet notitiam. Ita inuicem cognitio & meditatio se iuant & excitant. Nam sicut meditatio sine cognitione est erronea, ita cognitio sine meditatione est arida & infructuosa, sed utræque simul mentem diuino amore accendunt, spirituali refectione pascunt, in gratiarum actionem erumpere cogunt, & desiderium excitant ad Dei gloriam promouendam, & suam aliorumque salutem procurandam.

Ex

Ex hac etiam varietate & copia Myfteriorum facile erit deuotis mentibus, ſibi pro quacunq; occasione oblata, puncta aliqua eligere, de quibus in orationibus fruſtuofè meditentur. Demum, per diligentem Imaginum hîc ſculptarum inſpectionem & ponderationem, quilibet altius conſideret, & mente ruminet diuina opera & beneficia in illis repræſentata; & fortius fortaffe ex viſu moueri & commoueri queat, quàm ex ſola lectione moueretur.

Hac igitur deuotionis exercitatione ſi qui vti voluerint, dubitandum non eſt, quin pro laboris mercede maximum virtutis & pietatis fruſtum ſint percepturi. Vos ſaltem humaniſſimi in Chriſto I E S V tyrones, commilitones mei, quibus meliora adiumenta præſtò non ſunt, hoc vti mini. Et dignamini eos, qui, vt vobis ſeruirent, hoc opuſculum

P R Æ F A T I O .

lum ediderunt, Domino nostro Iesu  
Christo, eiusdemque sacratissimæ  
matri Mariæ Virgini, ac omnibus  
Sanctis inter alios amicos vestros cõ-  
mendare. A M E N .

*S. Kalend. Iulij. 1599.*

*Vester in Christo totus,*

T. W. B.



Primum Rosarium B. Virginis

MARIE : albæ Rosæ assimilatum, quin-  
que continens Mysteria gaudiosa .

In nomine Patris , & Filij , ✝ &  
Spiritus Sancti. Amen.



MNE quodcumq; facis (anima  
mea) in verbo aut in opere, In  
nomine Domini nostri I E S V  
Christi, in gloriam Dei facito.  
Mihi autem absit gloriari, nisi in Cruce  
Domini nostri I E S V Christi.

A

1. *Mysterium gaudiosum.*

## 1. PATER NOSTER.



*Annunciat Archangelus Gabriel*  
*B. Virgini MARIÆ Incarnationem Christi.*

**S**anctissima Trinitas vnus Deus omnipotens, iustus & misericors, præuidens totum genus humanum, ex altissimo dignitatis gradu in summam calamitatem ac infinitam miseriam collapsurum, Iustitiam nimirum originalem, gratiam, virtutes, dona, dotesque præclarissimas, per diuini præcepti præuaricationem perditurum; e contra vero peccatum, mortem, Demonis tyrannidem, & damnationem æternam incursum: nec inde subleuari, aut in pristinum statum, vlla hominis vel Angeli, alteriusue puræ creaturæ virtutē, seu viribus, restitui posse; ex summo (qui diuinæ bonitati maximè conuenit) amore, decernit; vt Filius Dei) secunda eiusdem benedictæ Trinitatis persona) humanam naturam assumat, mortem subeat, peccata mundi tollat, & humanum genus sanguine suo redimat: eosque omnes quibus hoc sublimissimum pretium ritè applicatum fuerit, abluat, iustificet, sanctificet, & ad æternam (ad quam primùm creati fuimus) vitam perducât.

1. *Aue Maria.*

Hunc Dei & hominū Mediatorē promittit misericordissimus Dominus, cū peccantibus pœnam denuntians simul prædiceret, Semen mulieris tandem contriturum caput serpentis.

2. *Aue Maria.*

Eandē Redemptoris promissionem renouat pijsimus Deus Patriarchæ Abrahamo, dicens: In semine tuo benedicentur omnes Gentes.

3. *Aue Maria.*

Rursum hunc ipsum Redemptorem promittit Deus Dauidi regi, dicens: De fructu lumborum tuorum ponam super sedem tuam, & stabiliam thronū Regni eius vsque in sempiternum.

4. *Aue Maria.*

Transactis ab initio mūdi annis quasi 4000. Archāgelus Gabriel missus à Deo ad immaculatissimam Virginē Mariam, eam salutatur dicens; AVE GRATIA PLENA, DOMINVS TECVM: BENEDICTA TV IN MVLIERIBVS.

5. *Aue Maria.*

Audiens hæc humilima Virgo turbatur in sermone isto, & cogitat sub silentio in corde suo, qualis sit ista salutatio; nihil enim minus expectabat, quam tantas de se audire laudes.

6. *Aue Maria.*

Ait ei Angelus: Ne timeas M A R I A ,  
inuenisti enim gratiã apud Deum ; ecce  
conciplies in vtero , & paries filium , &  
vocabis nomen eius I E S V M .

7. *Aue Maria.*

Quærit tunc ab Angelo prudentissima  
Virgo: Quomodo fiet istud , quoniam  
virum (*inquit*) non cognosco? *perpetuam  
enim vouerat Virginitatem.*

8. *Aue Maria.*

Respondet Angelus: Spiritus Sanctus  
superueniet in te, & Virtus Altissimi ob-  
umbrabit tibi. Ideoque quod nascetur ex  
te, Sanctum, vocabitur Filius Dei.

9. *Aue Maria.*

Et ecce Elizabeth cognata tua, ipsa  
concepit filium in senectute sua, & hic  
mensis sextus est illi quæ vocatur sterilis:  
quia non erit impossibile apud Deum  
omne verbum.

10. *Aue Maria.*

Assentit B. Virgo dicens: Ecce Ancilla  
Domini, fiat mihi secundum verbum  
tuum. Statimque V E R B U M C A R O  
F A C T V M E S T, & habitauit in no-  
bis, Deus & homo in vna diuina per-  
sona.

## 5. MYSTERIUM GAUDIOSVM.



## 5. PATER NOSTER.

*Visitat B. Virgo* MARIA  
*Elizabetham.*

**V**irgo humilima, quæ modo nunciũ ad se Archangelum à Deo de Coelis missum recepit; quæ ab eodẽ Archangelo gratia plena salutata est; quæ Dei Filium vnigenitum Christũ Dominum, mundi Redemptorẽ, in virgineo vtero iam cõcepit, Deique Mater effecta est, & omniũ in cœlis & in terris creaturarum Regina constituta: hæc ipsa, tot tantisque modis ad excelssimum dignitatis gradum euecta, quò sublimiũs exaltatur, eò submissiũs se gerens, congruum sibi officiũ esse iudicat, vt ipsa iunior, cognatam suam seniore, iam sex mensibus pregnantẽ Elizabetham visitet. Adeoq; nec propriã intuens præminentẽ dignitatẽ, nec cognatẽ suẽ dedignã tenuitatẽ, nec itineris longitudinẽ aut asperitatem metuẽs, nec quibusuis rebus alijs (quẽ ipsam remorari possent) perterrita vel præpedita, exurgẽs iter suscipit in montana cum festinatione, in ciuitatem Iuda quẽ vocatur Hebrõ. Hic ergo debes (anima mea) simul mirari tantam in Matre Dei & humilitatem, & summam in virgine magnanimitatẽ, quæ nihil sibi in officijs pijs vel indignum vel arduum cogitat.

1. *Aue Maria.*

Ingressa sanctissima Virgo ciuitatē, in domum se confert Zachariæ; Ibi que humanissimè salutat cognatā suā Elizabethā, illi congratatur In conceptionem filij.

2. *Aue Maria.*

Vt primū audit Elizabeth salutatio- nem Marię, exultat infans in vtero eius: præsentit enim ipse aduentum Saluatoris, eodemque momento sanctificatur & Spiritu Sancto repletur.

3. *Aue Maria.*

Repleta quoque Spiritu Sancto Elizabeth, exclamat voce magna dicens: **BENEDICTA TV IN MVLIBVS, ET BENEDICTVS FRVCTVS VENTRIS TVI.**

4. *Aue Maria.*

Insper admirans Elizabeth tantā in vna Beatissimæ Virginis persona, cum summa dignitate humilitatem, Et vnde hoc mihi (*inquit*) vt veniat Mater Domini mei ad me!

5. *Aue Maria.*

Omnē verò à se repeliens laudem humilima Virgo, & Deo illam tribuens, ipsum cum cantico laudat, dicens: **MAGNIFICAT ANIMA MEA DOMINVM: ET EXVLTAVIT SPIRITVS MEVS, IN DEO SALVTARI MEO.**

.6 *Aue Maria.*

Elizabeth parit filium: audientes vero vicini & cognati eius, quod ita magnificauit Dominus misericordiam suam cum illa, congratulantur ei.

.7. *Aue Maria.*

Die octaua circumciditur infans, alijs autem volentibus vocare eum nomine patris sui Zachariam, instat mater vt vocetur IOANNES, tandem pater scribit: IOANNES EST NOME N E I V S

8. *Aue Maria.*

Apertum est ilico os Zachariæ (quiam decem mensibus mutus fuerat, quia non creditur verbis Angeli, quod vxor eius pareret filium), & repletus Spiritu Sancto prophetat, dicens: BENEDICTVS DOMINVS DEVS ISRAEL: QVIA VISITAVIT. & C.

9. *Aue Maria.*

Mirantur omnes qui hæc vident & audiunt in cordibus suis, dicentes: Quis putas, puer iste erit? Etenim manus Domini erat cum illo.

10. *Aue Maria.*

Intemerata Virgo valedicens cognata suæ redit indè domū versus postridiè circumcisionis pueri; vt videtur; mansit enim cum cognata quasi tribus mensibus, & hac die Ecclesia celebrat festum Visitationis.



M. de Vos inuent.  
Ioan. Collaert sculpsit.

3. PATER NOSTER.



*Natiuitatis Domini nostri**I E S V C h r i s t i .*

**P**ost Beatissimæ Virginis à visitatione cognatæ suæ reditum, videns Ioseph vir eius eam gravidam, quam nouit castissimam, plurimum obstupescit, dubius valdè in hoc casu quid agat. Ex vna enim parte Legem timet, si sponsæ suæ aliundè, & nō ex ipso grauidæ cohabitaret: ex altera vero parte tam piam, tam castam, tam puram, & inculpatam, in omnibus agnoscit Virginis vitam, vt nullo modo eam traducere, vel in leuissimam suspicionem vocare audiat. Ipsamet autem verecundissima Virgo, hoc tantum Mysterium nemini, ne sponso quidem charissimo, indicare præsumit. Quare Ioseph, vir sanctus & iustus, vt hac se perplexitate liberet, statuit eam occultè dimittere. Verùm hæc eo cogitante, Ecce Angelus Domini apparens ei in somnis, dicit: Ioseph fili David, noli timere accipere *M A R I A M* coniugem tuam: Quod enim in ea natum est, de Spiritu Sancto est. Pariet autem Filium, & vocabis nomen eius *I E S V M*. Ipse enim saluum faciet populum suum à peccatis eorum.

1. *Aue Maria.*

Iuxta edictū Cæsaris (vt describerētur singuli in ciuitate sua) ascendit Ioseph cum Maria coniūge sua Virgine pregnante, de Galilæa in Bethleem iuda ciuitatem Dauid, eò quòd erant ambo de domo & familia Dauid.

2. *Aue Maria.*

Vbi propter paupertatem suā, & plurimorum tunc temporis concursum, non inuenientes locum in diuersorio, hospitantur (vt possunt) in stabulo

3. *Aue Maria.*

Parit ibi sacra Virgo Dei suumq; Filiū vnigenitū, pannis eum inuoluit & reclinat in præsepio iuxta bouem & asinū; vt ipsorū spiritu vitali calefiat, qui cunctis creaturis suum esse dat & conseruat.

4. *Aue Maria.*

Apparens Angelus pastoribus ait: Nolite timere: ecce enim Euangelizo vobis gaudiū magnū, quod erit omni populo; quia Natus est vobis hodie SALVATOR qui est Christus Dñs, in ciuitate Dauid.

5. *Aue Maria.*

Et subito facta est cum Angelo multitudo militiæ cęlestis, laudantiū Deum & dicentium: GLORIA IN ALTISSIMIS DEO; & in terra pax hominibus bonæ voluntatis.

6. *Aue Maria.*

Visitant confestim pastores Infantē in praesepio, glorificantes Deum in omnibus quae audierant & viderant. Maria autem conseruat haec omnia conferens in corde suo.

7. *Aue Maria.*

Die octaua circūciditur puer, & vocatur nomen eius I E S V S: (hoc est S A L V A T O R) quod vocatū est ab Angelo, priusquam in utero conciperetur.

8. *Aue Maria.*

Tres Magi (Reges vel Principes) cognoscentes per apparitionē praefulgentis stellae iam natum esse Regem Iudeorum, ab Oriente veniunt Ierosolymam, ut eum adorent.

9. *Aue Maria.*

Audiens haec Herodes Rex turbatur, & omnis Ierosolyma cum illo: hi tamen audiunt Magi à Principibus Sacerdotū Christum secundum Scripturas nasci debere in Bethleem.

10. *Aue Maria.*

Euntes ergo Magi Bethleem versus iterū vident stellam, eiusque ductu domum ingressi, proni adorant Infantem, & munera ei offerunt, Aurum, Thus, & Myrrham.

4. *Mysterium gaudiosum.*

M. de Vos inuunt.

Ioan. Collaert sculp.

4. PATER NOSTER.

*Purificatio B. Virginis & præ-  
sentatio Christi.*

**H**erodes Rex expectat reditū trium Magorum. Illis enim Ierosolyma discedentibus mandauerat, vt diligenter puerum quærerent: cumque ipsum inuenissent renunciarent ei, vt & ille (scz) veniens adoraret eum. Sic enim predebat impius Hypocrita, cupiens Christum in cunabulis occidere. Magi verò admoniti à Deo, per Angelum in somnis, ne redirent ad Herodem, per aliam viam reuersi sunt in regionem suam. Interea Virgo immaculatissima, nulla licet indigeret purificatione, nec ad legis illius cæremoniam teneretur, aliarum nihilominus Matrum consuetudinem obseruatura ad iter se accingit, paratque iuxta (imò & suprà) eundem Moyfi legem oblationem suam, par turturum, & duos pullos columbarum; vtrorumque enim binos offert (quamuis alterutrum sufficisset (ob mysticas quas habent (vt docet Doctor Angelicus) significationes. Nam turtur, qui est solitarius, secretas deuotat suspirantium lachrimas: columba verò, quæ est gregalis, publicas significat Ecclesiæ orationes.

1. *Aue Maria.*

Ascendit Virgo Mater Ierosolymā, deferens eò filium suū cum oblatione, comitante eam & adiuuante Ioseph viro suo, putatiuo patre I E S U.

2. *Aue Maria.*

Præsentat Deo in Templo sacratissima Virgo filium suum, iuxta legis præscriptiōem, die quadragesima ab ipsius Natiuitate.

3. *Aue Maria.*

Simeō senex venerabilis, homo iustus & timoratus, responsū iam acceperat à Spiritu Sancto non visurum se mortem, nisi prius videret C H R I S T U M D o m i n i . I . M E S S I A M promissum.

4. *Aue Maria.*

Cum inducunt ergo puerum I E S U M parentes eius, vt sitant eum Dominus venit in Templū (speciali Dei instinctu ductus) sanctus iste senex Simeon.

5. *Aue Maria.*

Accipit venerandus senex à Matre Virgine Infantem I E S U M in vlnas suas, summoque gaudio repletur cor eius, & tacitus spiritu exultat.

6. *Aue Maria.*

Mox vt præ gaudio loqui possit, benedicit Deū cum cantico, dicens: **N V N C DIMITTIS SERVVM TVVM DOMINE, SECVNDVM VERBVM TVVM IN PACE. QVIA VIDERVNT OCVLI MEI, SALVTARE TVVM.**

7. *Aue Maria.*

Mirantibus Maria & Ioseph super his quæ dicuntur de puero, benedicit eis Simeon & ait Matri: Ecce positus est hic in ruinam, & in resurrectionē multorum in Israel, & in signū cui contradicetur.

8. *Aue Maria.*

Addit porrò Simeon alloquens Matri: Et tuam ipsius animam pertransibit gladius, vt reuelentur ex multis cordibus cogitationes.

9. *Aue Maria.*

Religiosa etiam vidua nomine Anna eadē hora superueniens confitetur Domino: & prophetat de puero isto omnibus qui expectant redemptionem Israel.

10. *Aue Maria.*

Vt perfecerunt omnia secundū legem Dei, domum se recipiunt incolumes & in pace: Herode nihil adhuc suspicante hunc esse puerum quem tantopere timet, & perdere cogitat.

2. *Mysterium gaudiosum.*

## 2. PATER NOSTER.



*Inuentio Saluatoris in Templo,**cum triduo fuisset amissus.*

**H**erodes Rex, videns tandē se illum esse à Magis (ad ipsum non redeuntibus) iratus valdē, missis satellitibus occidit omnes pueros in Bethlehem & in omnibus finibus eius, à bimatu & infra, numero quatuordecim millia (nec suo inter cæteros parcēs filio) qui omnes speciali priuilegio, martyrij coronas cōsequuntur. Interea Ioseph admonitus ab Angelo in somnis, accipit Puerū & Matrem eius, nocteque secedēs fugit in Ægyptū. Ita impletum est illud Isaie vaticinium:

DOMINVS ASCENDET SVPER NVBEM LEVEM, ET INGREDIETVR ÆGYPTVM, ET COMMOVEBUNTVR SIMVLACHRA ÆGYPTI A FACIE EIVS, ET COR ÆGYPTI TABESCET IN MEDIO EIVS. Deportato enim Christo à virgine sua Matre in Ægyptū, omnia ibi Idolorū simulachra corruunt. Manentque ibidem Sanctissimi profugi vsque ab obitum Herodis (spatio circiter sexennij) Quo mortuo redeunt in terrā Israel, sed timentes Archelaum, filiū eius & successorem regnantē in Iudeā, habitant in Nazareth ciuitate Galilææ, vnde Christus vulgò NAZARÆVS vocatur.

1. *Aue Maria.*

I E S V S annos natus duodecim ascendit cum parentibus Ierofolymam, iuxta annuam ipsorū consuetudinem, ad diem festum Paschatis celebrandum.

2. *Aue Maria.*

Consummatis diebus festis, cæterisq; domū redeuntibus manet puer I E S V S Ierofolymis, nescientibus hoc parentibus eius.

3. *Aue Maria.*

Existimantes I E S V M esse in comitatu, iter diei peragunt parentes eius: vesperi illum quærunter inter cognatos & notos, sed non inveniunt.

4. *Aue Maria.*

Manè surgentes die sequenti reuertuntur Ierofolymam, ibi eum sollicitè requirunt.

5. *Aue Maria.*

Post triduum inveniunt puerum I E S V M in Templo sedentem in medio Doctorum, audientem eos & interrogantem.

6. *Aue Maria.*

Mirantur obstupefacti omnes, qui puerum audiunt, super prudentia & responsis eius.

7. *Aue Maria.*

Ait autem Mater eius ad illum: Fili, quid fecisti nobis sic? ecce Pater tuus & ego dolentes quærebamus te.

8. *Aue Maria.*

Ait I E S V S ad illos: Quid est quod me quærebatis? nesciebatis quia in his quæ Patris mei sunt, oportet me esse?

9. *Aue Maria.*

Descendit tunc I E S V S cum parentibus suis, venit Nazareth, & est illis subditus.

10. *Aue Maria.*

Mater sanctissima hæc omnia conseruat alta mente reposita, sedulo de eis meditans in corde suo.

Cæpit IESVS facere et docere.



CREDO IN DEVM PATREM.

**Æ**terna Dei Sapiētia cum sit Dominus omnium, formam tamen serui accipiens faber habetur vulgò, & fabri filius, ac prorsus illiteratus, ad annū vsque ætatis suæ trigessimū. Quo tempore Matri valedicit, iam non ampliùs cum illa in eadem familia habitaturus. Moxque à Ioanne Baptizatus pergit in desertum. Vbi cum quadraginta diebus & quadraginta noctibus ab omni cibo corporali abstinens ieiunasset tribus præcipuis modis à Dæmone tentatur, victor in omnibus euadēs hoste prostrato, & in verbo eius fugato, Deinde Discipulos vocat; quibuscum inuitatus ad nuptias in Cana Galileæ ad Matris instantiam aquam conuertit in vinum. Ioanne autē in carcerē misso palā prædicat Dominus penitentiā omnibus necessariam ad regnum Cælorum (quod nunc appropinquare docet (consequendum. Tum ex Discipulis) nocturna præmissa oratione) Duodecim elegit Apostolos. Sacramentum Baptismi instituit in remissionem peccatorum (cuius figura tantum præcessit Baptisma Ioannis) Exemplo simul & verbo veræ iustitiæ opera docet, summa beatitudinis mercede bene operantibus proposita.

Et licet propterea eum oderint, & variè persecuti fuerint Principes sacerdotum, Scribæ, Pharisæi, Sadducæi, Herodiani, ceterique omnes impij atque ingrati; ipse nihilominus cunctis benefacere perseuerat; miraculis doctrinam suam confirmat; errores ipsorum confutat; peccata arguit & reprehendit; captiosas & maleuolas interrogationes prudentissimè soluit; calumnias, etiam secretas cordium cogitationes, diuinissimè detegit; à furiosa eorundem violentia sæpe declinat, idque aliquoties miraculosè. Tandem post huiusmodi, per triennium & amplius, impensam operam, cum coram tribus Apostolis transfiguratus quoque fuisset (aliquod gloriæ suæ specimen illis ostendens) gloriosè intrat ciuitatem Ierusalem asino insidens, Discipulis ac turba triumphum agentibus, vestimenta quoque & ramos palmarum aliarumque arborum sternentibus in via, omnes eum vt Regem suum recipiunt ingenti cum gaudio, etiam pueri acclamantes: O S A N N A FILIO DAVID, Benedictus qui venit in nomine Domini, Osanna in altissimis, O Rex Israel.

Secundum Rosarium B. Virgi-  
nis MARIÆ: Rosæ rubeæ assimilatum:  
quinque continens Myste-  
ria dolorosa.

*In nomine Patris, & Filij, ✠ &  
Spiritus Sancti. Amen.*



**A** Bsit mihi gloriari, nisi in Cru-  
ce Domini Nostri IESU Chri-  
sti: qui humiliavit semetipsum,  
factus obediens vsq; ad mor-  
tem, mortem autem Crucis.

B

1. *Mysterium dolorosum.*



1. PATER NOSTER.



*Agonia Saluatoris orantis in  
horto Gethsemani.*

**D**ominus Saluator noster post esum  
Agni paschalis cū duodecim Apo-  
stolis, pridie Passionis suæ, surgens à cæ-  
na deponit vestimenta sua; & linteo præ-  
cinctus mittit aquam in peluim, pedes  
omnium Apostolorū lauat statimq; re-  
cumbens, humilitatē & vitæ puritatem  
hortatus, instituit ministratq; sanctissi-  
mum Corporis & Sanguinis sui Sacra-  
mentū, & (*secundum ordinem Melchisedech*)  
Noui Testamenti Sacrificium, sub spe-  
ciebus panis & vini: simulque instituit  
sanctū Sacrorum Ordinum Sacramen-  
tum, mandando Apostolis (eorumque  
pariter successoribus) illud ipsum facere,  
id est, Corpus & Sanguinem suū confe-  
crare, & offerre, donec ipse veniat iudi-  
caturus mundum. Exit tunc Iudas foras.  
Dominus verò cæteros diuinissimè in-  
struit & consolatur; Patrem inuocat;  
Spiritus Sanctum (alium illis futurum  
Paraclerum) promittit, & egressus cum  
vndecim intrat in hortum Gethsemani  
trans torrentem Cedron, locum Iudæ  
cognitum, frequenter enim IESVS con-  
uenerat illuc cum Discipulis suis.

1. *Aue Maria.*

Ingressus Dominus I E S V S in hortum Gethsemani dicit Discipulis suis: Sedete hic donec vadam illuc & orem.

2. *Aue Maria.*

Progressus paululum, coram Petro Iacobo & Ioanne cæpit I E S V S pauere & tædere: aitque illis, Tristis est anima mea vsque ad mortem: Sustinete hic & vigilate mecum.

3. *Aue Maria.*

Auulsus etiam ab his tribus, quantum est iactus lapidis, procidit in faciem suam super terram, & orat dicens: P A T E R M I si possibile est, transeat à me Calix iste, veruntamen non mea voluntas, sed tua fiat.

4. *Aue Maria.*

Surgens venit ad Discipulos, & inuenit eos dormiètes, aitque Petro: Simon dormis? Non potuisti vna hora vigilare mecum? Vigilate, & orate, vt non intretis in tentationem.

5. *Aue Maria.*

Iterum abit Dominus ab eis, & orat vt ante: P A T E R M I, si possibile est, transfer à me Calicem istum, sed non quod ego volo, sed quod tu vis.

6. *Aue Maria.*

Reuersus denuò inuenit Discipulos dormientes, erant enim oculi eorum grauati, & ignorant quid ei respondeant. Sed & Dominus ipse nunc filet.

7. *Aue Maria.*

Rursum abit & orat tertio eundem sermonem, dicens: PATER MI, si non potest transire Calix iste nisi vt bibam illui, fiat voluntas tua.

8. *Aue Maria.*

Apparet illi Angelus (vel in trina, vel saltem in vltima oratione) de cælo confortans eum. O quanta humilitas? Dominus à seruo ad agonem animatur.

9. *Aue Maria.*

Dum in Agonia prolixius orat, factus est SVDOR BIVS SICVT GVTTÆ SANGVINIS decurrentis in terram.

10. *Aue Maria.*

Venit tertio ad Discipulos & ait illis: Dormite iam & requiescite (Pauloꝝ post) Sufficit, Venit hora: Ecce, filius hominis tradetur in manus peccatorum; Surgite, eamus; Ecce, qui me tradet propè est.

## 2. MYSTERIUM DOLOROSUM.



## 2. PATER NOSTER.

*Apprehenditur Christus: crudelissimè tractatur. & flagellatur.*

**A**Dhuc loquente Salvatore nostro venit Iudas Iscariotes, vnus de Duodecim, & cum illo turba multa cum laternis, facibus, gladijs, & fustibus. Cæteros verò antecedēs Iudas, & ad IESVM accedens, Ave inquit Rabbi osculatur eum, & ad liçtores recedit. Qui omnes ad vocem IESV dicentes, EGO SVM, abeuntes retrorsum cadunt in terram. Surgentes verò (Deo ità permittente) manus iniiciunt in IESVM: Petrus gladio auriculam Malchi dextram amputat; quam statim Dominus restituit, & sanat; iubetque Petrum mittere gladium suum in vaginam; asserens esse Patris voluntatem, vt modò patiatur pro humano genere; alioqui se posse multas legiones Angelorū propugnatores habere, si illud magis conueniret diuinæ bonitati, & hominum saluti. Tunc Discipuli omnes relicto Domino fugiunt. Percusso enim Pastore disperguntur oues gregis.

1. *Aue Maria.*

I E S V S ligatus ducitur ad Annam; deinde ad Caiphā; Interrogatur de Discipulis & de doctrina: falso accusatur, & a ministro Pontificis percutitur in facie.

2. *Aue Maria.*

Caiphas religiosè I E S V M adiurat, ut dicat: An sit C H R I S T V S F I L I V S D E I V I V I ? Respondens quòd sit, iudicatur blasphemus & reus mortis. Ac per totam noctem indignissimè tractatur.

3. *Aue Maria.*

Vilissimi serui, modò in faciè Domini conspuunt, modo pugnis & palmis eum cedunt, modò velatis oculis colaphos ei incutiunt, dicentes: Prophetiza nobis Christe, quis est qui te percussit?

4. *Aue Maria.*

Interea Petrus ter Dominū negat, sed gallo canente, & I E S V eum respiciente, egressus foras fleuit amarè. Principes vero sacerdotum Scribæ & seniores populi consilio inuito, I E S V M mortis reū iudicāt.

5. *Aue Maria.*

Manè summi Sacerdotes cum vniuerso concilio tradunt I E S V M Pontio Pilato Præsidi, & Cæsaris ibi locū tenenti. *Videns tum Iudas, I E S V M à Iudeis morti iudicatum, abiens laqueo se suspendit.*

o *Aue Maria.*

Interroganti Pilato de causa eius respondet: Si non esset hic malefactor, nō tibi tradidissimus eum. Accipite eū vos (*inquit*) & iudicate, vrgent vero ipsi vt Crucifigatur.

7. *Aue Maria.*

Tandem de tribus eum accusant, quōd gentē subuerteret; censum Cæsari dare prohiberet; & se Regem diceret: ad duo priora (*vti friuola*) nihil respondet, se autem Regem profitetur, sed regnum suum non esse de hoc mundo.

8. *Aue Maria.*

Audiēs Pilatus Christum Galileum esse mittit eum ad Herodem: à quo illusus, & veste alba indutus vti stultus (tamen innoxius) remittitur.

9. *Aue Maria.*


Proponit populo Pilatus, vt vel Barabbā vel IESVM petant liberandū, petunt illi Barabbam; offert illis & IESVM; sed clamant simul omnes: Tolle huic, & mitte nobis Barabbam.

10. *Aue Maria.*

Cupiēs Præses (salua Christi vita) Iudeos placare, facit IESVM dirissimè flagellari, donec à vertice ad plantas non maneat in eo sanitas, (*Plagis inflictis*) vt Sanctæ Brigittæ reuelatiō esse fertur. 5590.

B 5

## 3. MYSTERIUM DOLOROSVM.



## 3. PATER NOSTER.



*Coronatur Dominus spinis &  
condemnatur ad Crucem.*

**P**ost dirā & ignominiosissimam Domini Nostri flagellationem, ducunt eum milites in atrium prætorij: vbi (tanquā ad ludicrum spectaculū) vniuersa conuocata cohorte, non solum Christo Domino, sed etiam toti Iudæorum Nationi (cuius Rex reputatur) insultantes, & vsurpatum Regium nomen irridentes, chlamydem coccineā (*seu purpurā aut purpuree similem*) nudo corpori proprijs iterū vestibus spoliato, & copioso vndiq; ebulliēte sanguine, circūdant. Tū de horrēdis acutissimisque spinis **CORONAM** plectentes, tenerrimo & sacratissimo capiti eius imponunt. Et ne quid desit, quod vel dolorem vel ludibrium augeat, arundinem ponunt in manu eius dextra. Tum hisce quasi regalibus (*purpura, corona, & sceptro*) insignitum in sublimi sede collocant, vnoq; genu flexo scurrili voce ipsum totius mūdi Dominū salutant: **AVE REX IUDÆORVM**: simulq; spurcissimi illuso res faciem eius conspuunt, ac palmis & pugnis eum diuerberant: sicuti nocte precedenti fecerant Iudæi.

1. *Aue Maria.*

Tum arundine de manu Dñi aliquoties erepta, spinas altiùs & fortiùs capiti eius impingūt, vndè plus adhuc sacri sanguinis erūpit, & super totū corpus defluit.

2. *Aue Maria.*

Pilatus falsò sibi persuadēs, tali spectaculo Iudēos moueri posse, vt cruciatibus contumelijsque illatis, tantoq; sanguine effuso satiati, desinant mortē eius expectere **I E S V M** rursus ad eos adducit.

3. *Aue Maria.*

**I E S V M** ergo purpura inducū, spinis coronatū, arundinē in dextera tenentem, totoque corpore miserrimè lacerato, & proprio sanguine perfuso, ostendit Pilatus, dicitque Iudēis: **E C C E H O M O.**

4. *Aue Maria.*

Pontifices verò & tota turba Iudēorū instar canum rapidorū & tigriū, acriùs clamitant, **C R V C E F I G E, C R V C E F I G E e u m,** *Quasi dicant, Modò quidem tu bene capisti, sed perge, Crucifige, talis enim flagellatio rectè conuenit crucifigendo.*

5. *Aue Maria.*

Tāta feritate cōmotus Præses indignatus ait: Accipe eum vos & crucifigite, ego enim non inuenio in eo causam, correctum ergo dimittam; replicant illi, **Debere eum mori, & debere crucifigi.**

6. *Aue Maria.*

Vidētes Iudēi nulla importunitate posse Pilatū induci, vt Christū crucifigat, Cæsaris timorē ei incuriūt clamātes: Si hunc dimittis, non es amicus Cæsaris, omnis enim qui se Regē facit, cōtradicit Cæsari.

7. *Aue Maria.*

Sedet iterū Pilatus pro tribunali iā paratus Christum, licēt innocentissimum tūbique pro tali cognitū, potius morti tradere, quam vt se apud Cæsarem vel in leuissimam suspicionem vocari sustineat.

8. *Aue Maria.*

Iterū ergo IESVM iudēis ostendens, illisque exprobrās ait: *Ecce rex vester:* illi autē clamāt *Tolle, Tolle, Crucifige eum* Pilatus adhuc: *Regem vestrum crucifigam?* respondēt Pōtiffices: *Nō habemus Regē nisi Cæsarē.*

9. *Aue Maria.*

Vidēs Pilatus se nihil proficere, lauans manus corā populo dicit: *Innocens ego sum à sanguine Iusti huius, vos videritis:* respondēs vniuersus populus clamat: *Sāguis eius super nos & super filios nostros*

10. *Aue Maria.*

Demū Pilatus nō rationibus nec accusationibus, sed timore Cæsaris & clamoribus populi victus, sententiam de tribunali fert huiusmodi: **I E S V S Nazarenus**  
 *Rex Iudeorum Cruci affixus mortem subito.*

## 4. MYSTERIUM DOLOROSVM.



M. de Vos inuent. Ioan. Collart sculp.

## 4. PATER NOSTER.

*Portat IESVS suam Crucem  
Caluariam versus.*

**I**ESVM iam ad mortē Crucis cōdemna-  
tum abducunt milites à loco iudicij in  
atrium: vbi vt prius ipsi illudunt, iniurias  
antē illatas repetunt, quibus & nouas  
plagas superaddūt. Dum enim purpurea  
veste eum exuant, ex vulneribus (quibus  
cōgelato iam cruore fortiter inheret) eam  
extrahant, & vestimētis suis illū induāt,  
itā totum corpus affligunt, vt excoriari  
potius quàm vestem mutare videatur:  
CORONAM verò spineā non auferunt,  
sed ad maiorem tūm ignominiā, tūm af-  
flictionem, eam capiti impressam relin-  
quunt, ne fortē vel nō appareat omninō  
Rex esse, vel in Cruce pendenti puluinus  
ei deesse possit, in quo caput suū reclinet.  
Tum truculentissimam & ponderosam  
CRUCEM (interea paratam) in humeros  
IESV imponunt portandā, cuius vel solo  
visu grauissimē torquetur mitissimus  
Dominus, multoque magis tam ingentis  
trabis pondere: veruntamē super omnia  
eum affligit peccatorum nostrorum (pro  
quibus hæc omnia patitur) hereditario,  
& persertim nostræ ingrati-  
tudo.

1. *Aue Maria.*

Exit ergo IESVS è ciuitate gemens sub CRUCE icelera nostra, viam, quà pergit, sanguine signans, vt qui (sua quoq; sublata in humeris cruce) ipsum sequi velint, à recto tramite non aberrent.

2. *Aue Maria.*

Occurrit ei in via Mater eius mœstissima, suã quoq; per summam compassionem portans crucem: cuius ex conspectu nouus adhuc Saluatori nascitur dolor, & propassio.

3. *Aue Maria.*

Fessus nimis & totus debilis Dominus noster, post tantum laborem, dolorem, & sanguinis effusionē, pronus sub CRUCE in terram corruit, quasi mox moriturus.

4. *Aue Maria.*

Milites omni reiecta commiseratione & humanitate, Dominū nostrum humili prostratū cędunt, trahunt, impellunt, pedibusq; non surgentem conculcant. Ipse vt *vermis & non homo, opprobrium hominum, & abiectio plebis*, omnia m̄tissimè sustinet.

5. *Aue Maria.*

Verum ne moriatur in via antea quàm cruci figatur, prętereuntem quendam Simonem Cyrenęum CRUCEM pro Christo portare cogunt, per reliquum quod restat itineris.

6. *Aue Maria.*

Mulieres quædam videntes IESVM tam indigna pati, qui nulli nocuus, multis verò beneficus fuerat, eum ex pio gratoque affectu plangunt & lamentantur.

7. *Aue Maria.*

Conuersus ad illas IESVS ait ; Filiæ Ierusalem, nolite flere super me, sed super vos ipsas flete, & super filios vestros, quoniam dies venient, in quibus miserabiliores erunt omnes Incolæ Ierusalem quàm nunc me esse putatis.

8. *Aue Maria.*

Deuotissima quædam mulier nomine VERONICA, sudarium ei porrigit, quo faciem tergat sudore & sanguine perfusam, facis manibus percussam, ac impuris saluis conspersam.

9. *Aue Maria.*

Reddit illud Dominus eidem matronæ non maculatum (quod expectaretur) sed cū desiderabili sui ipsius (præ filiis hominū speciosi) in ipso impressa imagine.

10. *Aue Maria.*

Venit mox Saluator CALVARIVM, locū execrabile, cadaueribus & ossibus mortuorū plenū, in quo non nisi insignes malefactores crucifigi solent. Illic præcatur mul-  
ti ex sanctis Patribus sepultum fuisse Adamum primum hominem.

5. *Mysterium dolorosum.*

5. PATER NOSTER.



*Crucifixio* DOMINI NOSTRI  
IESV CHRISTI, & *mors eius in Cruce.*

**C**Vm ad CALVARIÆ verticē peruē-  
tū est, pro vino dulci & delectabili  
(quale marentibus & morte pleētendis ad  
cordis leuamen & virium & refollicationem mor-  
ris erat præbere) pijsimo Domino vinum  
acidū myrrha & felle permixtū offerunt,  
quod cū gustasset noluit bibere. Deindē  
illius iterū auellūt vestes, tali cū furore &  
immanitate, vt vulneribus recrudescēti-  
bus nouū adhuc extrahant sanguinē, to-  
tumq; nudū (nē filiū quidē ad regendam  
quācunq; corporis partē ei relinquētes)  
in rigidā Crucem proijciunt, manus eius  
tenerrimas ad longitudinem CRVCIS vi  
magna trahentes, vnā post alterā crassis  
& obtusis clavis, per venas, neruos, & of-  
sicula, crebris malleorū ictibus Cruci af-  
figunt, eodemque modo vtrumque pe-  
dem: & nequid ignominię tāto cruciatui  
desit, inter duos latrones quasi omnibus  
sceleratiorem collocant, & titulum super  
caput eius apponunt, nomen, patriam, &  
causam mortis continentem, Hebraicē,  
Græcē, & Latinē scriptum: IESVS NA-  
ZARENVS REX IVDÆORVM, & sic  
Crucem erigentes in foramen (ad hoc in  
petra incisum) impingunt.

1. *Aue Maria.*

Quanto cum cruciatu cūcta nunc corporis membra concutiuntur, piè hic meditari liceat: Itēque quāti sacri sanguinis riuuli, ex quatuor hisce vnlneribus de excelsa cruce ad terram vsque effluunt.

2. *Aue Maria.*

Quantus item Christo dolor sit, audire quā plurimos etiā vilissimos homunciones summis blasphemijs se impetere. pro quibus, omnibus nūc pendet in *Cruce*.

2. *Aue Maria.*

Perfectissimā etiam charitatē Domini tui hic contemplare, qui pro ipsis crucifixoribus orat, dicens: P A T E R D I M I T T E I L L I S , N O N E N I M S C I V N T Q V I D F A C I V N T .

4. *Aue Maria.*

Summam quoq; benignitatē eius erga pænitentes meditare, qualattoni secum pendenti (*blasphemū socium corripienti, ipsum Dominum confitenti, defendenti, & deprecanti.*) plus quā petit promittit, dicens. H O D I E M E C V M E R S I N P A R A D I S O .

5. *Aue Maria.*

Confidera insuper, amorem illum quo dulcissimam Matrem & dilectū discipulū sibi mutuò comendat, dicens Matri: M V L I E R E C C E F I L I V S T V V S , & discipulo: E C C E M A T E R T V A .

6. *Aue Maria.*

Factis tenebris Christus (*vt homo*) seipsum Deo sacrificiū offert, summū interea perpeffus dolorē, quē tandē voce magna declarat, ELI, ELI, LAMASABATHANI?  
*i. Deus meus, Deus meus, vt quid dereliquisti me?*

7. *Aue Maria.*

Exhaustus ferè Dominus, tãra sanguinis effusione, multoq; magis de vniuersis saluãdis hominibus anxius, vtrūque vna voce exprimit, dicēs: SIT IO, quasi dicat,  
*sicut quidem caro mea potum, sicut verò Spiritus meus salutem animarum.*

8. *Aue Maria.*

Ex spongia hyfopo inuoluta, bibit Dñs acetum sibi arūdine porrectum, & dicit;  
 CONSUMMATVM EST, & hoc nimirum quod restabat vaticiniū, & quidquid prætereà me passurum prædictum vnquam fuerat.

9. *Aue Maria.*

Qui modò clamabat se derelictū à Deo (*secundum partem sensitiuam*) tamē in Patris sui protectione semper esse, hac voce declarat, PATER IN MANVS TVAS COMMENDO SPIRITVM MEVM.

10. *Aue Maria.*

Mortē preueniēs, cū possit adhuc diutius viuere, sponte tradit spiritum. *Illud sic adimplēs quòd antea dixerat, Animam meam nemo tollit à me, sed ego pono eam à meipso.*

*Erit sepulchrum eius gloriosum.*



C R E D O I N D E V M .

**D**V M admirabile hoc adimpletum est æternæ Sapientiæ Decretum, vt FILIVS DEI in CRUCE pro humani generis Redemptione moreretur, ad tam stupendū mysterium contestandū, edidit simul eadem Dei Virtus alia multa miracula, Iudeis & Gentibus conspicua. Pendente enim in CRUCE omnium creaturarum Cōditore, inprimis ipse sol suū detrahit lumen, fiuntq; (per ipsius eclipsim) densissimæ tenebræ ab hora sexta vsque ad nonā, idque in plenilunio. Tum sponte (antequā natura cogat) animam suam ponit. Eodemque temporis momento velum Templi scinditur in duas partes à summo vsque deorsum. Terra mouetur. Petræ rumpuntur. Monumenta aperiuntur, & (post Christi resurrectionē) multa corpora Sanctorum qui dormierunt, apparent multis in sancta ciuitate. Cetero & milites, qui modò eū crucifixerūt, statim post mortē confitentur coram omni populo, Quòd verè Filius Dei sit iste. Turbæ etiā Iudeorū reuertūtur percutientes pectora sua. Aperiente quodam milite latus IESV (iā mortui) cū lancea, exit sanguis & aqua. Ioseph ab Arimathia, nobilis senator & discipulus Christi, sed hætenus occultus propter metū Iudeorū, audacter nunc adiens Pilatum petit corpus IESV.

& de CRUCE deponit. Cui in hoc pijs-  
 simo opere se sociū adiungit alius Iudeorū  
 Princeps Nicodemus nomine (qui nocte  
 aliquando I E S V M accesserat, non ausus  
 id palam facere) mixturam afferens myr-  
 rhæ & aloës, quasi libras centum. Quæ  
 omnia supra vniuersæ nature cursum di-  
 uinitus facta, ad confirmanda corda fide-  
 liū, ab ipsis Euangelistis sacris mandan-  
 tur litteris. Quibus & illud meritò adiu-  
 ngi debet, quòd Beatissima VIRGO MA-  
 GER, cum iam Filij sui corpus deplorans  
 accipit in vlnas, nihil tamen indecorum,  
 nihil summa modestia, inuicta fortitudi-  
 ne & heroicissima virtute indignū admit-  
 tit; sed & ipsa operam suam in sepelien-  
 do dilectissimo filio deuote impendit. Ita  
 post tot tantosque cruciatus & ignomi-  
 nias, tandem Sacrosanctum corpus aro-  
 matibus conditum, & pretiosa syndone  
 inuolutum, honorificè reponunt in mo-  
 numento nouo in petra exciso, in quo  
 nōdum quisquam positus erat, aduoluto  
 ad ostium saxo magno, quod etiam Iudei  
 permissu Pilati obliquant, & custodibus  
 muniūt, ne fortè (*inquiunt*) veniant disci-  
 puli eius, & furentur eum, & dicant ple-  
 bi, Surrexit à Mortuis.

Tertium Rosarium B. Virginis  
 MARIÆ, Damascenæ rosæ assimilatum,  
 quinq; continens Mysteria gloriosa.

*In nomine Patris, & Filij, ✠ &  
 Spiritus Sancti. Amen.*



**D**ominus Noster I E S V S Chri-  
 stus factus est obediens vsque  
 ad mortem, mortem autem  
 C R V C I S. Propter quod &  
 Deus exaltauit illum, & donauit illi no-  
 men, quod est super omne nomen.

1. *Mysterium gloriosum.*

## 1. PATER NOSTER.



*Resurrectio Domini nostri*

IESV CHRISTI.

**S** Anctissima semperq; gloriosa anima Christi Domini Nostri, corpore suo in Cruce relicto, statim ad inferos, id est, ad Limbum sanctorum veteris Testamenti Patrum descendit: quorum animas, huc usque ibi in tenebris captiuas, clarissima luce & immensa letitia ac gaudio replet, illi sq; optatissimam beatitudinem (quæ in Dei visione consistit) impertit, illud ibi facto præstans, quod latroni promiserat illis verbis: *Hodie mecum eris in paradiso*. Tertia vero die, tempore antelucano, idem Dominus noster corpore rediuiuus & gloriosus prodit de sepulchro, adhuc clauso & signato. Mox verò Angelus de cælo descendens, & lapidem reuoluens ab ostio monumenti, super eum sedet. Cuius ex aspectu, pariterque ex terræ motu eodem momento facto, exterriti custodes, fugiunt in ciuitatem, annunciantes Principibus sacerdotum & Senioribus populi, quæ facta sunt, Sed postea accepta ab illis copiosa pecunia, dicunt (sicut erant ab iisdem Iudæis edocti) Discipulos Christi nocte venientes corpus eius, ipsi dormientibus, furatos esse.

1. *Aue Maria.*

Primum apparet Dominus pijsſimæ Matri, ſoli ſemper lucernę ardenti, ad cōſolationē; Poſtea alijs ad firmandā fidem, *vt congruum putatur, cū ipſe ſingulis pro meritis largiatur.*

2. *Aue Maria.*

Feminis Dominum vncturis dicit Angelus eum reſurrexiſſe, currēs Magdalena hoc narrat Apoſtoliſ, quibuſcum ad ſepulchrum redeunti, & cæteriſ reſceſſiſ, ſoli manēti & ploranti, apparet I E S V S, eamque remittit ad Apoſtoliſ.

3. *Aue Maria.*

Iterum Magdalenæ, & alijs duabus domum reuertentibuſ apparenſ I E S V S, Auete, *inquit*, nolite timere: Ite, nunciate fratribuſ meiſ, vt eant in Galilęam, ibi me videbunt.

4. *Aue Maria.*

Apparet eadem die Petro, ad confirmandam illi fidem. Forte & Ioanni ad conſolationem: *ipſe enim, poſt viſum ſepulchrum, Dominum reſurrexiſſe credidit.*

5. *Aue Maria.*

Apparet item Iacobo iuſto (qui dicitur frater Domini) (vt veriſimile eſt eadē die. Fertur enim eū nihil guſtaſſe à quo biberat de Calice Domini, donec Chriſtum videret reſurrexiſſe à mortuiſ.

6. *Aue Maria.*

Eadem die apparet Cleophæ , & alteri Discipulo euntibus in Emaus, de eo colloquentibus, sed ipsum resurrexisse non credentibus; donec vt peregrinus inuitatus, agnoscitur in fractione panis.

7. *Aue Maria.*

Apparet eadē die decem Apostolis, cōgregatis in vna domo ianuis clausis, solo Thoma absente, qui illis non credit Dominum verè resurrexisse testantibus.

8. *Aue Maria.*

Octaua die apparet iterum Apostolis, & dicit Thomæ: Infer digitum tuum huc, & mitte manum tuā, in latus meū, & noli esse incredulus, sed fidelis. Exclamat ille: DOMINVS MEVS, ET DEVS MEVS.

9. *Aue Maria.*

Apparet iterum IESVS Petro, Iacobo, Iohanni, Thomæ, Nathanaël, & duobus alijs, ad mare Tyberiadis. Cōstituit ibi Petrum Ecclesię suę supremum Pastore, mortem-que Crucis illi subeundam prædicit.

10. *Aue Maria.*

Apparēs quoq; in mōte Thabor, mādāt Apostolis Officiū docēdi, & in Ecclesiā recipiēdi omnes Gētes; se semper illi affuturum promittēs, vsq; ad consummationē seculi. Hic verisimile est, quingentis fratribus visum esse; de quo S. Paulus scribit. 1. Cor. 15.

2. *Mysterium gloriosum.*

2. PATER NOSTER.

*Ascensio Domini nostri*

IESV CHRISTI.

**Q**uoties quibusq; personis Dominus Noster IESVS CHRISTVS, inter Resurrectionem suam & Ascensionē, præter apparitiones iam dictas apparuit, omnibus mortalibus ignotū est. Non est tamē dubitandum eum multoties apparuisse Beatissimæ Virgini Matri suæ, hanc consolationem præ omnibus alijs optime merenti. Quin etiam dilectis suis famulis, Enoch & Eliæ (adhuc in carne mortali viuentibus) aliquoties eum apparuisse in dubiè creditur. Quòd etiam sapius Apostolis suis apparuerit, ac familiariter cum illis versatus fuerit, non solùm antiquissimi Patres, sed & sacra Scripturæ apertè testatur, affirmantes eum post Passionem suā per dies quadraginta illis apparuisse, & locutum esse de regno Dei, *id est, de Ecclesia, rebusq; in illa agendis*, plenamque potestatem Ecclesiam suam ex totius orbis terrarum Gentibus cōgregandi, regendi, & ad finem vsque seculi continuandi, & conseruandi illis tradidisse, & ad hæc omnia præstanda Spiritū sanctū promississe. Beatis interim animabus ex Limboeductis, ipsum quocūq; iret comitatibus.

1. *Aue Maria.*

Demum quadragesima die post Resurrectionem, apparens Dominus Apostolis (*iam Hierosolymã ex Galilea reuersis*) præcipit vt non discedãt inde, donec induantur virtute ex alto.

2. *Aue Maria.*

Dicit porrò eos testes fore Passionis, Resurrectionis, & per ipsum Remissionis peccatorũ in Hierusalem, & in omni Iudeã, & Samaria, & vsque ad vltimum terrã.

3. *Aue Maria.*

In monte Oliueti DOMINVS iam ascensus in Cælum, pro vltima in terris Valedictione, elevantis manibus suis benedicit eis, gratiam suam (*sicut saepe fecerat*) signo externo impertiens.

4. *Aue Maria.*

Data hac benedictione, rectã in Cælum ascendit Dominus IESVS, multis eum videntibus, donec nubes ingressus ab oculis eorum abscondatur.

5. *Aue Maria.*

Dumque intuentur eum in Cælũ euntem, Ecce duo Angeli (*in virorum forma*) astant iuxta illos in vestibus albis.

6. *Aue Maria.*

Dicunt autē Angeli: Viri Galilei, quid hīc itatis aspicientes in Cælū? Hic IESVS qui assumptus est à vobis, sic veniet quē admodum vidistis eum euntē in Cælum.

7. *Aue Maria.*

Adorant fideles IESVM in Cælis iam regnantem, & reuertuntur Hierosolymā cum gaudio magno; gratias illi agentes, pro immensīs suis beneficijs collatis, & ad animarum salutem præparatis.

8. *Aue Maria.*

Intrant Apostoli cū MARIA MATRE IESV, alijsque fidelibus, in vnum cœnaculum, & vnanimiter perseuerāt in oratione; omnes simul numero ferè centum & viginti.

9. *Aue Maria.*

Petrus ibi, vt Antistes & illius collegij Primas, cæteris denuntiat eligendum esse alium Apostolum, in locum de quo cecidit Iudas.

10. *Aue Maria.*

Statutis duobus Ioseph (qui vocatur Barsabas (& Matthia, orant Deum vt dirigendo sortem ostendat, quem ex his elegerit ad Apostolatam. Cadit fors super Matthiam, & annumeratur cum vndecim Apostolis.

3. *Mysterium gloriosum.*

3. PATER NOSTER.



*Aduentus Spiritus Sancti in  
die Pentecostes.*

**C**Um sanctissima Virgo Dei genetrix plena gratia, & omnes Apostoli nō solum iustificati, sed etiā multiplici præditi potestate (vt *Dæmonia eiiciendi, infirmos curandi, Euangelium prædicandi, peccata remittendi, aliāq; multa faciendi*) & alij fideles iusti & pii simul cōgregati, decē continuis diebus perseuerarent orātes, pro aduentu Spiritus sancti illis promissi: quanto magis debemus nos peccatores, vasa fictilia & valde infirma, orationi & obsecrationi pœnitentiæ agentes incumbere, vt vel gratiam iustificantem, vel acceptæ augmentum, consequamur. Hic autem (anima mea) ideo debeas esse diligentior, quā in alijs Mysterijs meditandis, quoniam tuus hic cōsensus, tua cooperatio, ad sanctificationē tuā omnino requiritur, quæ in creatione, redemptione, ac vocatione tua, nihil prorsus diuinū opus vel promouere vel impedire poteras: nunc verò nisi hanc tibi oblatam gratiam libere & voluntariē acceptaueris, idemque cooperata fueris, non modò cælestem gloriam nō consequeris, sed etiam maiorem tibi, pro tantis contemptis beneficijs, damnationem acquires & accumulabis.

1. *Aue Maria.*

Decima ab Ascensione die hora tertia (ab ortu solis) factus repente de Cælo sonus, tanquam aduenientis spiritus vehementis, replet totam domum in qua fideles resident orantes.

2. *Aue Maria.*

Apparent autem illis dispersitæ linguæ tanquam ignis, sedentque supra singulos eorum.

3. *Aue Maria.*

Replentur omnes Spiritu sancto, recipientes abundantissimam septem eius Donorum gratiam: nempe, Sapientiæ, Intellectus, Consilij, Fortitudinis, Scientiæ, Pietatis, & Timoris Domini.

4. *Aue Maria.*

Facta autem hac voce conuenit multitudo, & mente confusa mirantur omnes, quoniam audit vnusquisque lingua sua Apostolos loquentes Magnalia Dei.

5. *Aue Maria.*

Aliqui iridentes dicunt: Musto pleni sunt isti. Petrus prædicat IESVM CRUCIFIXVM à morte resurrexisse, in Cælum ascendisse, ac inde Spiritum sanctum misisse: & tria millia hominum conuertuntur & baptizantur.

6. *Aue Maria.*

Apostoli miraculis doctrinam suam confirmantes, iubentur sub graui pœna, ne omnino loquantur de I E S V C R V C I F I X O ; sed respondent, Se debere Deum potius audire, quàm homines.

7. *Aue Maria.*

Ananias & Saphira propter sacrilegiũ verbo Petri cadunt mortui, alij curantur ab Apostolis ; etiam per vmbra[m] Petri. Ipsi verò in carcerẽ coniecti per Angelũ liberantur, & iterũ docent in Templo.

8. *Aue Maria.*

Rursus apprehensi, arguũtur quòd cõtra præceptũ docuissent in N O M I N E I E S V : Respondet, Deo obediendũ esse magis, quàm hominibus ; & flagellis cæsi, gaudet se pro hoc nomine contumeliam pati.

9. *Aue Maria.*

Stephanus) cũ sex alijs) ordinatur Diaconus ; prædicat Christum ; accusatur de blasphemia ; & lapidatur ; sed in Cælis coronatur ; & plurimi per ipsius mortem & orationes conuertuntur.

10. *Aue Maria.*

Apostoli cõficiunt Symbolũ fidei, & in varias mundi regiones eunt prædicatũ Euangeliũ. Saulus, antea insignis persecutor, conuersus & factus Apostolus, per vniuersum ferè orbẽ, prædicat Christum.

4. *Mysterium gloriosum.*

## 4. PATER NOSTER.

*Assumptio Dei paræ Virginis  
in Cælum.*

**D**Vm Apostoli pro tradita sibi potestate Christi Euangeliū prædicarēt, singuli præcipuè in hisce orbis Terrarum partibus: Petrus primū in Iudæa, tū in Syria, postremò & præsertim in Italia, Andreas in Achaia: Iacobus maior in Hispania: Ioānes in Asia: Thomas in India: Iacobus minor in Ierusalē: Philippus in Phrygia: Bartholom. in Scythia: Matthæus in Æthiopia: Simon in Persia: Thaddæus in Mesopotamia: Mathias in Palæstina: Paulus in vniuerso quasi orbe: vbiq; Domino cooperāte & sermonē cōfirmāte sequētib; signis: totaq; Ecclesia omniū virtutū splēdore vigeret: Beatissima Virgo MARIA Dei Mater, licet adeò rerū diuinarū tam infusa quā experimentalī abundaret sciētia, vt ipsos Euāgelistas plurima edocuerit Mysteria, sibi præ alijs omnibus cognita & perspecta; tamen cū femina sit, & omniū creaturarū humilima & modestissima, neque palā prædicat, neque cum multis versatur, sed in privato statu Virginitatē perpetuā cæterasq; virtutes obseruās, optimā illam contēplatinam vitæ partem persequitur, quā ab infantia elegerat, dedicerat, & diligenter exercuerat.

1. *Aue Maria.*

Mūdanis ergo curis liberrima Deipara virgo. diuinis meditationibus assidue vacat, procurante illi omnia ad vitam necessaria Ioanne Apostolo, cui à Domino in Cruce commendata fuerat.

2. *Aue Maria.*

Post quindecim annos ab Ascensione Domini, diuinitus reuelatur Virgini Matri, quòd iam mortis debitum soluens, ad gloriosissimam Filij sui fruitionē in Cælos perueniet.

3. *Aue Maria.*

Supplex tunc petit Dei Mater eundē Dominum Filium suum, vt dignetur ei Apostolorum suorum conspectum præstare, antequam ex hac vita decedat.

4. *Aue Maria.*

Vniuersi Apostoli momento tēporis in sublime elati, conueniunt Hierosolymis ad Virginē Visitandā, exceptis S. Iacobo iam pro Christi gloria occiso) & Thoma, qui speciali Dei prouidentia paulo tardius accedit.

5. *Aue Maria.*

Congregatis itaque Apostolis, alijsque Apostolicis viris, in manus Dei sanctissimum tradit spiritum; ingenti eam cælestium agminum circumfulgente lumine, & in Cælos euolantem, comitante.

6. *Aue Maria.*

Sacrum verò corpus, quod ineffabili modo Deum in utero conceperat, Angelica simul & Apostolica cū Psalmodia (*suauiſſima Harmonia*) Ghetſemani deponitur in loculo honorifico.

7. *Aue Maria.*

Quo in loco permanet per tres integros dies, Chorus illi Angelorū Psalmos, Hymnos, & Cantica spiritualia canentiū, & Deum in Matre sua laudantium.

8. *Aue Maria.*

Post tres dies, Angelorū cantu cessante, venit Thomas Apostolus, qui deuotissimo flagrans desiderio, sacrum corpus Virginis videndi & venerandi, illud sibi licere à Coapostolis obnixè petit.

9. *Aue Maria.*

Volentes ergo cæteri Apostoli hanc Thomæ præstare gratiam, loculum apertunt: sed præterquam sancti funeris lintea, ibidem dulcissimè redolentia, aliud nihil inueniunt.

10. *Aue Maria.*

Neque aliud iudicare possunt tot tantique oculati testes, quàm immaculatum Virginis corpus incorruptum in Cælum singulari priuilegio assumptum esse, & hoc ipsum tam speciali Dei prouidentia sibi declaratum.

5. *Mysterium gaudiosum.*

## 5. PATER NOSTER.



*Coronatio gloriosissimæ Virginis  
Deiparæ Cælorum Reginae.*

**R**estituuntur Apostoli in regiones illas vnde delati erant, à quibus sicut & ab alijs Apostolicis viris, cū Beatissimæ Virginis dormitio, & in cælos Assumptio, vbique terrarū annuntiata fuerit, cœpit indies illud eiusdem DEI MATRIS magis magisq; adimpleri vaticinium, de se dicentis: **EX HOC BEATAM ME DICENT OMNES GENERATIONES:** tota quippe deinceps Christi Ecclesia per orbem terrarum diffusa, solemnissimè celebrat nō solum sacratissimæ eius animæ de terris in cælos migrationē (sicut aliorum Sanctorum) verū etiam eiusdem Virginis corporis Resurrectionem, Assumptionem, & Glorificationem in cælo ipso empyrio, vbi iam clara perfecta & omnibus modis absoluta Dei visione in summo beatitudinis post filium suum gradu fruitur, augustissima Cælorum & omniū Beatorum Regina constituta: & diademe illo ornata, de quo præcessit figura, dum Salomon in occursum matris progressus, & sibi à dextris, in Throno condescere faciens, ait: *Pete (quæ volueris) mater mea: neque enim fas est vt auertam faciem tuam.*

1. *Aue Maria.*

Coronatur Regina Sanctorum coniugum, aliorumq; Confessorū, & sanctorum Angelorum, quia in maritali statu virginalem obseruans puritatem, diuina nihilominus prole exstitit fecunda.

2. *Aue Maria.*

Coronatur Regina Sanctarū Viduarū, & Archāgelorum; quia & Archangelum recepit nuncium vt Dei Filiū cōciperet, & Filio simul ac coniuge orbata, Virgo, Mater & Vidua fuit omniū afflictissima.

3. *Aue Maria.*

Coronatur Regina Virginum, & Angelicorum Principatum, quia tantum ceteris omnibus virginali puritate præluxit, quantum Regina suis subditis dignitate præminet.

4. *Aue Maria.*

Coronatur Regina omniū Religiosorum, & Angelicarū Potestatum, quia per virginitatis votum, ordinariā conceptionis viam excludens, concepit ex Spiritu sancto, humani generis Redemptorem.

5. *Aue Maria.*

Coronatur Regina Euangelistarum, & Angelicarum Virtutum, quia ipsos Euāgelistas multa diuina Arcana docuit, postquam Deum (*qui solus per se miracula facit*) in vtero concepit, & mundo edidit.

6. *Aue Maria.*

Coronatur Regina Episcoporum, & Angelicarum Dominationum, quia ipsum celestem panem toti mundo praeiuit, dum per suum specialem consensum S. Trinitatis de VERBO incarnatio decretum confirmauit.

7. *Aue Maria.*

Coronatur Regina SS. Patriarcharum, & Thronorum; quia verum Deum hominem Virgo semper existens concepit, & nouem mensibus in utero unum & eundem Dei & suum Filium portauit.

8. *Aue Maria.*

Coronatur Regina Prophetarum, & Sanctorum Cherubin; quoniam omnia Mysteria illis reuelata perfectissime cognouit, imò plura (*Matris priuilegio*) quam quaeuis alia creatura, in se persensit.

9. *Aue Maria.*

Coronatur denique Regina SS. Martyrum, Apostolorum, & ardentium Seraphin; quoniam illos omnes longè superauit in ardentissima charitate, qua ipsi alios omnes Dei famulos praecipue excellunt.

10. *Aue Maria.*

Quae ergo omnibus tum hominum tum Angelorum Ordinibus gratia praeluxit, ipsa dem gloria praefulgens, ab excellentissimo Filio Mater, excellentissima ceterarum omnium creaturarum, Regina coronatur.

*Omne iudicium dedit Filio: quia Filius Hominis est.*



CREDO IN DEVM.

**G**ratias nunc & semper age (anima mea) Benedictissimæ Trinitati, vni trinoque æterno Deo, qui te secundum sui ipsius creauit Imaginem, vt illi seruiens cæleste ipsius regnum hæreditates, eiusque; beatifica visione in æternum fruereris; quique ad te redimendam, sibi-que reconciliandam, cum per peccatum inimica ei facta esses, vnicum misit Dei Filium, qui humanam assumens carnem, ex Virgine natus, plurimas maximasque per totam vitam tribulationes, & tandem acerbissimam, modisque omnibus longè ignominiosissimã, in Cruce passus est mortem, pro tua redemptione; Tertia die Resurrexit, pro tua iustificatione; quadragesima verò sequenti die in cælos Ascendit, pro tua glorificatione, qui etiam die a b Ascensione decima, *i. in die Pentecostes*, Spiritum Sanctum, Tertiam eiusdem superbenedictæ Trinitatis Personam (*qui à Patre Filioque procedit, consubstantialis, coequalis, & coæternus Deus*) de cælis in terram misit, vt tibi hæc (quam tam carè comparauerat) applicetur medicina. Huius etenim Spiritus Sancti gratia (quam tu nullo modo mereripoteris) te ouem perditam in ouile suum

suum reduxit, Ecclesiæ suæ Catholicæ  
 adiunxit, adeoque multorū Sacramen-  
 torum ac sanctorum Charismatum, om-  
 niumque meritorum, atque orationum  
 conseruorum tuorū in hoc seculo, item-  
 que omnium cælestium ciuium, ipsius  
 etiam cælorū Regiæ participem fecit,  
 à peccatis te abluens & sanctificans. Qui  
 etiam Redemptor tuus, te denuo relap-  
 sam & sæpissime peccantem nō permisit  
 hucusque in peccatis tuis mori, (sicut iu-  
 stissimè cōmerita es) sed per gratiā suam,  
 & peccatorū tibi veniam & sanctifica-  
 tionē pollicetur, modò ipsa eam ample-  
 cti volueris, etiam hoc ipso momento,  
 nisi tu eius gratiam à te repellas, ac de-  
 mum, si modò in finem vsque in Dei  
 obsequio perseueraueris, tibi (anima  
 mea) breui post exitum, & tui gra-  
 tia, etiam corpori meo, in ge-  
 nerali iudicio (cū omnis  
 caro resurget) inestimabilem dabit gloriæ  
 coronam, & vi-  
 tam æternā.  
 Amen.

Corona B. Mariæ Virginis in-  
comparabilis: Cum particularibus pun-  
ctis in eius recitatione meditandis.

*In nomine Patris, & Filij, ✠ &  
Spiritus Sancti. Amen.*



**R**ecogita (anima mea) Passio-  
nem Domini Nostri IESU  
Christi & Compassionē Bea-  
tissimæ Virginis Matris: Illis  
& tu compatere, vt cum eis glorificeris.

D

*In sudore vultus tui, vesceris pane tuo.*



*M. de Vos invent.  
I. Collart sculp.*

1. PATER NOSTER.



*Privilegia quædam incomparabilis Virginis ante Natiuitatem.*

**E** Adem Dei SAPIENTIA, quæ ante omnia secula ad redimendum genus humanū à captiuitate peccati & damnationis (*in quam per delictum Adami omnes cecidimus*) MESSIAM. I. CHRISTVM Dominum nostrū definito tēpore incarnandū, & in hunc mundum venturū ordinauit: simul etiā decreuit VIRGINEM quandam paulo ante nascituram, alijs omnibus creaturis etiam Angelicis, gratiâ, puritate, & sanctitate præcellentem; quæ & eiusdem Redemptoris Mater sit futura, & eidem cooperando tantum nobis (multo quæ plus) prodesset, quàm Eua, occasionem peccandi Adamo præbendo, nocituram præuidit. Vnde licet vehementer quidem nobis vir vnus & mulier vna nocere, per vnum nihilominus virum & mulierem vnam omnia restaurantur, nec sine magno fœnore gratiarum. Excedit enim damni æstimationem beneficij magnitudo, dum clementissimus Deus quod quassatum est nō cōfringens, sed in melius omnino reficiens, pro terrestri Adamo dedit nobis Christum Redemptorē, & pro veteri Eua, Dei Matrem.

1. *Aue Maria.*

Hanc singularem virginem promittit misericors Deus statim post humani generis lapsum, denuncians inimicitias fore inter mulierem & serpentem, sed ipsam tandem contrituram caput serpentis.

2. *Aue Maria.*

Prima femina etiã post peccatũ (*cũ iam esset mater morientium*) vocatur Eua, *i. mater viuentium*, in figura Beatæ huius Virginis, quæ futura est mater Dei, Authoris vitæ.

3. *Aue Maria.*

Præfiguratur quoque per Saram, Rachælem, Annam, Elizabetham, aliasque diu steriles, sed tandem insignes matres: hæc enim omnium insignissima, semper permanens Virgo, Deum pariet & hominem, creatura suum Creatorem.

4. *Aue Maria.*

Hanc eiusdem sacræ Virginis fœcunditatem significant rubus Moyfi, virga Aaronis, vellus Gedeonis, Arca fœderis, speculũ sine macula, hortus conclusus, & aliæ multæ veteres Testamenti vmbra.

5. *Aue Maria.*

Propter alias autẽ præcellentes in omni genere virtutũ, præfiguratur hæc Virgo per Rebeccam, Mariam Moyfi sororem, Deboram, Iael, Iudith, Esther, aliasque personas & res plurimas.

6. *Aue Maria.*

Eandem sacratissimam Virginem clarissimè prænunciant Prophetæ: Egredietur Virga de radice Iesse; Virgo concipiet & pariet Filium; Femina circumdabit virum; & id genus alia.

7. *Aue Maria.*

Egregiè & apertè describitur hæc singularis Dei sponsa in Canticis; Liliū inter spinas; Tota pulchra, in qua macula non est; Pulchra vt Luna; Electa vt Sol, Stella maris, &c.

8. *Aue Maria.*

De hac quoque mirabili virgine Sybillæ (Dei apud Gentiles prophetissæ) ita canūt: *Tam redit & Virgo, redeunt Saturnia regna: Tam noua progenies calo demittitur alto, Chara Dei soboles.*

9. *Aue Maria.*

Concipit Anna Ioachimi vxor diuino munere, post viginti annorum sterilitatem, hanc toties promissam, præfiguratam, ac prænuntiatam Virginem, Dei Matrem præelectam.

10. *Aue Maria.*

Hæc, vnà cum animæ infusione (ne vnquam peccati rea, Dei inimica, iræ filia, & Dæmonis serua existat) ab originali labe (singulari priuilegio) à multis piè putatur præseruata, & Spiritus sancti gratia repleta.

*Quæ est ista quæ progreditur quasi aurora consurgens.*



*M. de Vos inuent.*

*Ioan. Collaert sculp.*

2 . PATER NOSTER .

*Natiuitatis B. Virginis, & vita  
eius vsque ad desponsationem.*

**S**icut aurora noctis fugans tenebras, præter illam quã mundo affert lucem maiorem instare prænunciat: sic Saluatoris ortum (qui est lux vera illuminãs omnem hominem venientem in hunc mundum) diuina ordinatione præcedit rutilãs illa aurora, clarissima virgo **MARIA**, & veri illius luminis per excellentissimas suas virtutes prænuncia, & per singularem gratiam eiusdem Mater futura. Hęc enim est illa singularis Dei **SPONSA**, quę multis retro seculis, Regijs suis patribus est repromissa; Mysticis præfigurata miraculis; & Oraculis pronuntiata prophetis; Quę ex benedicto Patriarcharum semine, & præclaro Prophetarum germine, ac sacra Sacerdotali stirpe, generosa quoque Regali progenie, inclyta virtutis Dei Virga, insignis **VIRGO** processit sine macula. Quę omni splendore purissimæ sanctitatis sic debuit præfulgere, quoniam ipsum totius sanctissimæ Generositatis fontem & florem, principium & finem, meruit germinare.

1. *Aue Maria.*

Vocatur hæc Virgo M A R I A. i. Mare amaritudinis, Myrrha maris, Doctrina & Domina maris, & Exaltata, quo vno nomine varia notantur illi euentura, læta, tristia, & gloriosa.

2. *Aue Maria.*

Cùm primùm (*ad rationis vsum perueniens*) de Deo audit, serio de immenso illo Numine cogitans, illique se consecrans, totã vitã in eius obsequio, sine vlla vel leuissima offensa, transigere firmissimè proponit.

3. *Aue Maria.*

Triennis præsentatur à parentibus in Templo, vbi illud promptissimi ad perpetuum Dei obsequium animi specimen præbet, quòd ipsamet, nullius hominis ope nixa, quindecim Templi gradus strenuè ascendit.

4. *Aue Maria.*

A prima luce ad horam diei tertiam diuinis Officijs incumbit. Inde ad sextam opera tractat manualia. Mox à cibo (parcissimè sumpto) lectioni sacræ reliquum diei tempus sedulò impendit.

5. *Aue Maria.*

Omnes quidem in ea elucent virtutes, sed præcipuè humilitas, obedientia, prudentia, modestia, grauitas: item fides, spes, charitas, & mundi contemptus.

6 *Aue Maria.*

Virginittatis verò virtutē, mūdo hactenus incognitā, non modò vnicè colit, sed etiā ad eā perpetuò seruandā, voto se obstringit; & ne quid perfectioni suæ desit, paupertatis & obediētię vota superaddit.

7. *Aue Maria.*

Est hæc inter pudicas pudicissima, inter bonas optima, inter sapientes sapientissima, & sola inter omnes ipsam religiosi status perfectionem plenè assecuta.

8. *Aue Maria.*

Ad eam etiā diuini consilij cognitionē pertingit, vt inter alia mysteria, ipsi diuinitus reuelata, Deū intelligat ex Virgine nasciturum, & mundum per mortem Crucis redempturum.

9. *Aue Maria.*

Nihil nunc prius in votis habet, quàm vt **REDEMPTOREM** illum aliquando videat, eiusque Augustissimæ **M A T R I V I R G I N I** humilimum famulatum præstare sibi liceat.

10. *Aue Maria.*

Cura Sacerdotum despondetur sacra Virgo, Ioseph pio iuueni. Cui cū illa suum de Virginitate perpetuò seruanda nunciet votum, mox ille diuino instinctu & huic assentit, & simile ipse votū continentię emittit.

*Fecit mihi magna qui potens est.*



3. PATER NOSTER.



*Annunciatio, cum alijs Myſterijs,  
uſque ad Purificationem.*

**C**ompletis omnibus quæ aduentum **MESSIÆ** præcedere debebāt, mittit superbenedicta Trinitas legatum suum Archangelum Gabriëlem ad **MARIAM** Virginem, tribus præcipuè (vt videtur) de causis. Primum, vt illi ex parte Dei omnipotentis, Cæli terreq; & omniū quæ in eis sunt conditoris, annunciet, quòd ipsa Filium Dei, hoc est, **ÆTERNI PATRIS VERBUM**, secundam eiusdem Sanctissimæ Trinitatis personā, **MESSIAM** iam diu promissum, humani generis Redemptorem, in suo utero cōcipiet, & mundo pariet: Deinde, vt eiusdē Virginis, ad hoc ineffabile opus perficiendū, assensum postulet; sine quo diuina Sapiencia id ipsum complere noluit. Tertio, vt Angelico toti mundo innotescat testimonio, hoc quod nunc affertur, tam Angelis quàm hominibus gaudium magnum. Hodie enim Angeli **CAPVT** recipiunt, per quod ruinas sociorū sibi in humano genere replēdas vident. Homines verò **REDEMPTOREM** suscipiunt, per quem totum suum genus à Dæmonis tyrannide liberandum agnoscunt.

1. *Aue Maria.*

Ingressus Angelus ad Virginē, toto corde orationi intentā, ita eam salutat: AVE GRATIA PLENA, DOMINVS TECVM, BENEDICTA TV IN MVLIERIBVS. Turbatur illa huiusmodi sermone, quo se audit tantis laudibus extolli.

2. *Aue Maria.*

Ait ei Angelus: Ne timeas MARIA, inuenisti enim gratiam apud Deum. Ecce concipies & paries filium, & vocabis nomen eius IESVM. Hic erit magnus, & Filius Altissimi vocabitur.

3. *Aue Maria.*

Quærit prudens Virgo (*cum iam perpetuam vouerat Virginitatem*) quo nam modo filium concipiet? respondet Angelus: Spiritus sanctus superueniet in te, & virtus Altissimi obumbrabit tibi.

4. *Aue Maria.*

Respondente Virgine: ECCE ANCILLA DOMINI, FIAT MIHI SECUNDVM VERBUM TVVM. Filius Dei fit Filius hominis, & ipsa sacra Virgo, Dei Mater.

5. *Aue Maria.*

Visitat mox Virgo prægnans Elizabetham quoque prægnantem, Exultat in vtero Baptista Christum præsentem persentiens. Et exclamat Elizabetha, tantam Dei Matris humilitatem Admirans.

6. *Aue Maria.*

Post tres Menses domū redit sanctissima Virgo : Quam Ioseph pręgnantē videns, anxius quid agat, ab Angelo discit, eam de Spiritu sancto concepisse. Et sic ei vt antea cohabitāt, & necessaria parat.

7. *Aue Maria.*

Iuxta edictum Cęsarīs, ascēdit Ioseph cum Maria Bethleem. Ibi nascitur Christus Dominus. Reponitur in pręsepio. Angeli canunt. Pastores Infantē visitant. Et Deum laudibus efferunt.

8. *Aue Maria.*

Octaua die circūciditur puer, & vocatur nomen eius IESVS, nomen quod est super omne nomen. Verē oleum effusum nomen istud. Deus enim dando nobis SALVATOREM, quasi totam in nos effundit suam largitatem.

9. *Aue Maria.*

Magi vidētes stellā fulgentē & peregrinam veniunt Hierosolymā, Regem quęrentes Iudeorum : Bethleem hunc inveniunt, supplicesque adorant, & munera ei offerunt, Aurum, Thus, & Myrrham.

10. *Aue Maria.*

Virgo purissima Purificationis ceremoniam (ad eam non obligata) obseruat, Filium in Templo pręsentat: quem Simeon lætus in vlnas suscipit, Deū laudat, & matrem de futuris doloribus pręmonet.

*Virgula ex aromatibus myrrhae et thuris.*



*Del. de Vos. auct. J. J. Collaert sculp.*

4. PATER NOSTER.

*Præcipuæ tribulationes & consolationes sacre Virginis, à Purificatione vsque ad Passionem Christi.*

**D**V M Herodes Christū in cunabulis occidere quærit, iubetur Ioseph ab Angelo, sibi in somnis apparente, vt in Ægyptū cum Puerō & Matre eius fugiat. Qui confestim surgens, & eadē nocte secedens, in Ægyptū transit. Vbi ad suam & Filij vitā sustentandā, aliquid sacra Virgo acquirit colo & acu, aliquid pius Ioseph sua arte fabrili lignaria, de reliquo elemosynā recipiunt ab incolis, quantū paupertati suæ sufficiat. Habentes enim alimēta & quibus tegantur, his cōtentissimi viuūt. Etenim tā in exilio isto Ægyptiaco, quā ante & post illud, in hac sancta familia cū summa pace, sanctissima semper viget cōsentio. Quelibet enim persona se summè humilians, ceteris vult esse longè inferior. IESVS cū sit Cæli & Terrę Dñs, patri tamen putatiuo, pariterque Virgini Matri, subditus degit. Virgo Mater dū Filiū nutrit & curat, eundē simul Deū suum agnoscit, & maritum vt Dñm & caput suū honorat. Ioseph quoq; dum vtrumq; in rebus agendis dirigit & iuuat, Filiū tamen vti Cælorum Regē, & Matrem eorundē Reginā, supplex semperveneratur.

1. *Aue Maria.*

Mortuo Herode Ioseph. (iussus ab Angelo in somnis) redit cū Puero & Matre eius in terrā Israël. Sed timentes Archelaum filium Herodis regnantē in Iudæa, habitant in ciuitate Nazareth Galileæ.

2. *Aue Maria.*

Iesus annos natus duodecim manet post Pascha Hierosolymis in scijs parentibus. Qui putātes eum esse in comitatu, ibi non inuentū, tristes Hierosolymam reuertuntur ipsum queritantes.

3. *Aue Maria.*

Post triduū inueniunt eum in Templo sedentem in medio Doctorū, eos audientem & interrogantem. Tum Matri causam absentix petenti respondet; Oportere se esse in his quæ Patris sui sunt.

4. *Aue Maria.*

Anno ætatis suæ trigésimo valedicit Dominus Matri suæ, iam non ampliùs cū ea habitaturus. Breuique post (vt videtur) Ioseph mortem obit, & cohabitatur Virgo vidua alijs cognatis.

5. *Aue Maria.*

Baptizatur Dñs à Ioanne. Ieiunat quadraginta diebus in deserto. Vocat Discipulos. Et post anni circulū inuitatus cum Discipulis ad nuptias, Matre eum rogante, conuertit aquam in vinum.

6. *Aue Maria.*

Diuinas Filij conciones pia Mater deuotissimè audit. Miracula etiam videt. Varios hominum affectus obseruat. Et de omnibus assiduè meditatatur.

7. *Aue Maria.*

Deuotione accensa quèdam mulier, ex sermone Domini, in illius pariterque Matris laudes prorumpens, clara voce interpellàs ait: Beatus venter qui te portauit, & vbera quæ suxisti.

8. *Aue Maria.*

Dñs (*maiozem addens laudem*) responder: Quinimo, beati qui audiūt verbū Dei, & custodiunt illud, *quasi dicat*: Beata quidem quæ me genuit & nutriuit; *sic sola beata Mater mea*, sed beatiores, qui Dei verbum audiūt, & custodiūt; & *sic beatissima Mater*


9. *Aue Maria.* (mea.

Videns Mater multa hominum millia Filiū suum sequi & admirari, aliosq; non paucos ipsius mortem machinari, ipsa in omnibus æquabilis persistit, maiora his in vtroque genere futura cognoscens.

10. *Aue Maria.*

Dum turba & Discipuli Dñm Hierosolymā ingredientem gloriosè suscipiunt, & Regem salutant, sola Virgo de Passione meditatatur, quā paucis post diebus subiturus est idem suus & Dei Filius.

*Tuam ipsius animam pertransibit gladius.*



5. PATER NOSTER.



*Compassio B. Virginis, in Passione  
Dei sui que Filij.*

**Q** Vale omnium virtutum Sacrarium fuerit Beatissima virgo, tum in tota vita, tum maximè Christo Domino moriente, omnibus innotescit. Præ cæteris verò virtutibus in illa nunc præluceat (*que aliarum omnium Domina & Regina est*) ardentissima charitas. Quam neque multorū in Filium suum immane odiū, neq; nequissimi Iudæ proditio, neq; totius Iudaici populi (imò totius mundi) ingratitudo, quouis modo labefactare minuerève possit; sed ecōtra omnino his ipsis de causis, huius erga omnes adaucta charitas in immensum crescit. Quo enim longiùs peccatores à sua aberrare salute videt, eo magis pijsima Virgo ipsorum omnium salutem fitit. Ideoq; & doloris gladium suam ipsius animā pertransituum parui facit, & quia nec mors sua (*quā obire parata est*) humano generi redimendo sufficiat, Filio suo vnico, longè optimo & charissimo, non parcens, (*sicut nec Pater celestis eidem parcat, nec ipsemet sibi Filius*) eum pro nobis vltro ad omnem illam offert Passionem & Mortem, quam ab eo strictissima Dei Iustitia pro vniuerso mundo exigit tolerandam.

1. *Aue Maria.*

Orante Domino in horto Gethsemani, Mater eius domi orans spiritu videt, & mox à discipulis fugientibus audit, Filiū suum ab hostibus captū esse, funibus vinctum, & ad Annā & Chaiphā ductum.

2. *Aue Maria.*

Videt porrò spiritu, quod & manè audit, Filiū suū falsò esse accusatū, à vilissimis ministris cęsum, varie illusum, per totam noctem crudelissimè tractatum, & à Iudæorū concilio reū mortis iudicatum.

3. *Aue Maria.*

Manè intelligit Filiū suum Pilato esse traditū; ad Herodē quoq; missum, indeq; remissum; postea miserrimè flagellatum, spinis coronatum, & tandem Pilati sententia ad mortē Crucis condemnatum.

4. *Aue Maria.*

Exiens tunc afflictissima Mater cū Ioanne & alijs occurrit Filio, sacro suo sanguine per totum corpus perfuso, spineam coronam in capite, & Crucem in humeris, portantī.

5. *Aue Maria.*

Videt ibi Filiū suū sub Cruce (*præ corporis nimia imbecillitate*) pronum in terram cadentē, nec ita tamen mori permissum. Alius enim, ne ipse in via nondū crucifixus moriatur, Crucē pro illo ferre cogitur.

6. *Aue Maria.*

Vidit mox Filium suū totum nudum, rigida Crucis per manus & pedes clavis confixum, in altum erigi, & sacratissimū sanguinem ex quatuor illis vulneribus (instar tot fluminum) in terram vsque effluentem.

7. *Aue Maria.*

Audit tum Filium suum pro ipsum crucifigentibus & blasphemantibus orare; latroni pœnitenti paradisum promittere; & se afflictissimam Matrem, ac dilectum Discipulum, sibi mutuò commendare.

8. *Aue Maria.*

Audit tandē Filium suum querentē, Se omni solito Dei solatio esse destitutum; Siti oppressum; Omnia consummata esse affirmantem; & spiritū suū in manus Patris commendantem.

9. *Aue Maria.*

Nouum adhuc videt mœstissima Mater in latere Filij læcea militis infligi vulnus, vnde nouissimus vnà cū aqua effluit sanguis. Nec tamen discedit, donec sacrum Corpus de Cruce deponi videat.

10. *Aue Maria.*

Accipit demū corpus emortuum & exangue in vlnas suas: Quod cū aliquandiu cōtemplata sit, ab ea rursus aufertur, in sepulchro reconditur, obseratur, & à militibus, ne inde tollatur, custoditur.

*Conseruat omnia verba hæc conferens in corde suo.*



6. PATER NOSTER.

*Acta B. Virginis à Resurrectione  
Christi ad suam Mortem & Assumptionem.*

**P**Eracto sacratissime Passionis Christi mysterio, dū alij huc alij illuc, prout diuersissimè afficiuntur, cursitant, & plerique omnes de Domini Resurrectione vel plurimum hæsitant, vel penitus desperant, sola intemerata virgo firmissimè credit, & nullatenus dubitat, ipsum tertia die resurrecturum à mortuis. Vnde cubiculū ingressa, mox vt vulnera Filij ac Domini sui, cæteraque iam exacta mysteria, & tormēta ab illo tolerata, paululum lamentata est, finem tandem tragico isti actui apud se imponit, & quæ nunc à Filio suo geruntur, mente considerat. Ad sepulchrum ergo se conuertit, ibi Deum suum adorat; carnem quippe humanam licet inanimatam, tamen Diuinitati perpetuo coniunctam; ab omni etiam corruptione liberam, moxque resuscitandā & glorificandam, contemplatur. Tum in infernū respiciens, Filiū eundemque Deū suum intuetur, in limbo fugatis tenebris resplendentem; deuicta morte triumphantem; captiuitate soluta captiuos liberantem; & ipsum limbum sua diuina præsentia, Paradisum efficientem.

1. *Aue Maria.*

Die tertia Dominus noster rediuius & gloriosus apparet dulcissimæ Matri. Hoc ei primùm impertiens gaudium, quæ & illi tam natura quàm gratia coniunctissima, & in eius Passione plus omnibus est compassa.

2. *Aue Maria.*

Ascendenti in cælos Filio, & ad Patris dexteram sedenti, tanto plus omnibus congaudet virgo Mater, quanto est ipsa cæteris fidelibus fide certior, spe firmior, & charitate feruentior, omniq̃e virtute perfectior.

3. *Aue Maria.*

In festo Pentecostes replentur omnes fideles Spiritu sancto: sed abundantissime illa, quæ quãto erat antea gratia plenior, eo est eiusdẽ semper augendæ capacior.

4. *Aue Maria.*

Reliquũ vitæ, mundanis deinceps curis liberrima, & diuinis officijs ac laudibus magis magisq̃; attenta, cum deuotissimis personis transigit.

5. *Aue Maria.*

Appropinquante hora, qua Dei Mater ad Filium suum est transitura, adsunt ei Apostoli (diuina virtute ex varijs mundi regionibus Hierosolymã adducti) alijque multi Apostolici viri.

6. *Aue Maria.*

Tantis ergo astantibus Ecclesiæ Prælatibus, vnà cum cœlestium spirituum agminibus Deum ac Deiparam laudantibus, ipsa summa cùm suauitate in manus Dei sanctissimum tradit spiritum.

7. *Aue Maria.*

Sacrū verò corpus deponunt Apostoli in loculo honorifico Gethsemani. Vbi Angelorū chori toto triduo suauissimos Cantus, Hymnos, Psalmosque concinūt.

8. *Aue Maria.*

Post tres dies, Angelico cessante cantu, venit Thomas Apostolus, qui deuotissimo flagrās desiderio sanctissimæ virginis corpus videndi & venerandi, illud sibi licere à coapostolis obnixè petit.

9. *Aue Maria.*

Volentes igitur cæteri Apostoli hanc Thomæ præstare gratiã, loculū aperiunt: sacrum verò corpus non inueniunt, sed linteamina solummodò, quibus inuolutum fuerat, dulcissimo odore fragrantia.

10. *Aue Maria.*

Hoc obstupefacti miraculo tot tantique oculati testes indubiè iudicant, quòd qui ex virgineo corpore carnem accepit, illud ipsum incorruptū à mortuis suscitauit, in cœlos assumpsit & glorificauit.

Eia ergo ADVOCATA nostra, illos tuos  
 misericordes oculos ad nos conuerte.



PATER NOSTER .



*Coronatio Gloriosa Dei Matris,  
& singularis eius honor in cælis, & in terris.*

**T**anta cum sit cuiusvis Sancti gloria, ut nullius vel lingua eam dicere, vel mens cogitare aut intelligere possit, (*nec enim oculus vidit, nec auris audiuit, nec in cor hominis ascendit, quæ præparavit Deus diligentibus eum*) quanto minus comprehendi aut concipi à quovis queat celsissima Dei genetricis gloria super omnes Angelorum choros exaltate? Sed num propterea omnino tacebimus? Numquid de ipsa vel cogitare cessabimus, quia nostrum longissime superat & sensum & intellectum? Nequaquam. Imò de eo ipso gaudeamus, quòd nunquam pijs mèribus materia deficiet laudis, ubi nunquam sufficiet copia laudatoris. Quibus ergo possumus, Dei Matrem cum Filio regnantem, collaudemus vocibus, quæ omnes fidelium generationes beatam, dicunt, devotè colunt, religiosè honorant, assidue prædicant, fructuose invocant, obsecrant, implorant, ut pro ipsis oret, & à Filio suo quæ salutaria sint iure Matris impetret. Duo enim illi semper adsunt: velle, & posse, succurrere miseris. Ipsa enim Mater est misericordiae, Mater gratiae, Mater vitæ, Mater gloriæ, Mater omnis & solius boni.

1. *Aue Maria.*

Coronatur gloriosissima Dei Mater Regina beatorum Confessorum, Viduarum, & Virginum : Item Angelorum, Archangelorum, & Principatum.

2. *Aue Maria.*

Coronatur Regina Sanctorum omnium Religiosorum; Ecclesiae Pastorum; & Episcoporum: Itē Potestatum, Virtutum, & Dominationum.

3. *Aue Maria.*

Coronatur Regina sanctorum Patriarcharum; Prophetarum, & Martyrum atque Apostolorum. Itemque Thronorum, Cherubin, atque Seraphim, & creaturarum omnium personarum.

*Credo in Deum.*

Gratias itaque age (anima mea) Sanctissimę Trinitati omnium Creatori. Qui pro tua totiusque generis humani salute, non solum pro veteri ac terrestri Adamo, novum ac cælestem IESUM Christum mundi Redemptorem nobis donavit, sed etiã pro eo quod infelix quondã Eva nostrę quodãmodò exitit causã ruinæ (illud Adamo suggerendo peccatum quo ipse totum genus nostrum perdidit) novam nobis dedit beatissimam fœminam, immaculatam virginem MARIAM. Quæ nostræ, simili quasi modo,


do, facta est causa salutis (*Saluator nimirum in plurimis Redemptionis nostræ Mysterijs cooperando, & continuo pro nobis in cælis apud eundem Filium suum intercedendo*) longè plus nobis præstās beneficij, quàm illa altera intulit dāni.

Tibi autem ô sacratissima Virgo, quas demū gratias agam, pro immensa tua erga me, & vniuersum mundum benignitate? vel quibus ego homuncio te laudibus efferā? Cuius incomparabilē Excellentiam (*vt corpus vmbra & veritatem figura*) præsignificarunt clarissima maris stella, lunæ pulchritudo, splendor solis, rubus Moyfi ardens incōbustus, virga Aaronis, vellus Gedeonis, arca fœderis, speculū sine macula, puteus hortorum, fons aquæ viuæ, hortus conclusus, liliū cōuallis, palma in Cades, rosa in Iericho, speciosa oliua, excelsa cedrus Libani, cypressus in Sion, turris David, porta cæli, alięque res multæ, omnes quoque à condito mundo celebriores fœminæ, nec existis quicquam nec simul omnia tuas satis valeant exprimere singulares gratias, dotes, virtutes, & dignitates. Quę es tota pulchra, nulla vquam macula aspersa. Quę virgo semper existens, eum in vtero tuo, quem cæli capere non poterant, concepisti & mundo peperisti. Quæ es singularis Patris cœ-

lestis Sponsa, Mater Filij Dei, & supra omnes creatas personas Spiritu sancto repleta, ac totius mundi cælestis & terrestri inestimabilis gemma. Qualé te certissimè agnoscentes, & vbique terrarum sincerè cõfidentes, nos tui Catholici cliétuli, tuam admiramur singularem gratiã; tibi gratulamur præminentissimam gloriã; ad te confugimus, tuã prærogatiuam implorantes intercessionem: quia tu post Filiũ tuum es Aduocata nostra, Spes nostra, Refugium, Solatium, & Auxiliũ nostrum, suprema omniũ Domina & Regina; Mater totius boni, Mater enim Christi, Mater vtique Dei. Tuam ergo supplices deprecamur cælestem Maiestatem, vt nos audire & Filium tuũ pro nobis peccatoribus orare digneris, nunc, & in hora mortis nostræ, vt eiusdè digni efficiamur promissionibus Christi. Per eundem Dominum nostrum IESVM Christum, Dei & tuum Filium: Qui cum Patre & Spiritu sancto viuit & regnat Deus, per omnia secula seculorum,  
A M E N.

Corona Domini Nostri IESU  
CHRISTI, cum particularibus Diui-  
norum Mysteriorum punctis, inter  
recitandum meditandis.

*In nomine Patris, & Filij, ✝ &  
Spiritus Sancti. Amen.*



**A** E aeterno decreuit, & multo-  
ties praedixit piissimus Deus,  
Filiū suū ex virgine nasci-  
turū, per mortem Crucis  
humanū genus redempturū, & to-  
tum mundum iudicaturū.

Aduentus Domini nostri in  
hunc mundum.

1. *Pater noster.*

Missus Archangelus Gabriël à Deo, annunciat B. Virgini M A R I Æ, quòd ipsa concipiet Filium Dei. Dato autem virginis consensu, INCARNATUR CHRISTVS, Deus homo factus.

2. *Pater noster.*

Visitante & salutante sacra Virgine Elizabethâ, sanctificatur infans in utero Elizabethæ, & præ gaudio Christi præsentis, lætus exultat.

3. *Pater noster.*

Nascitur Dominus noster Bethleem, pannis inuoluitur, & reclinatur in præsepio. Angeli pastoribus Euangelizant, Natum esse SALVATOREM mundi; & canunt, GLORIA IN EXCELSIS DEO.

4. *Pater noster.*

Pastores festini vadunt Bethleë, Puerum visitant, & reuertuntur ad gregem, mirantes & glorificantes Deum, in omnibus, quæ audierant & viderant.

5. *Pater noster.*

Die octaua Circumciditur Puer, & vocatur nomen eius IESVS, id est, SALVATOR, Ipse enim saluum faciet populum suum à peccatis eorum.

6. *Pater noster.*

Tres Magi (Reges vel Principes, Gaspar, Melchior & Baltazar dicti) venientes ab Oriente Christum infantē adorant, & munera ei offerunt, aurum, thus, & myrrham.

7. *Pater noster.*

Præsentatur Dominus noster in Templo, & redimitur quinque siclis. Mater offert par turturū & duos pullos columbarum. Simeon accipit puerum in vlnas.

8. *Pater noster.*

Quærente Herode occidere Christum infantem, Ioseph admonitus per Angelū in somnis eadem nocte secedens, fugit cum Puerō & Matre eius in Ægyptum.

9. *Pater noster.*

Occidit tunc Herodes omnes pueros in Berlehem, & in finibus eius à bimatu & infra. Fugiunt demones ab Idolorū simulachris in Ægypto, Christo ibi præsentē.

10. *Pater noster.*

Defuncto Herode reuertūtur ex Ægypto in Nazareth Galilææ (Christo nondum septenni) non ausi redire in Iudæam propter Archelaum Filium Herodis.

1. *Aue Maria.*

Cooperatur B. Virgo Sanctissimæ Trinitati, & Christo Saluatori in his omnibus Mysterijs peragendis.

## Conuersatio Domini nostri in hoc mundo.

### 1. *Pater noster.*

IESVS annos natus duodecim, manet Hierosolymis in scijs parentibus. Post triduum inuenitur in Templo, sedens in medio Doctorum, illos audiens & interrogans.

### 2. *Pater noster.*

Interroganti Matri, de causa post illum morandi, respondet, Oportere se esse in his quæ patris sui sunt. Et descendens cum illis Nazareth, est eis subditus.

### 3. *Pater noster.*

Anno ætatis trigesimo, dum baptizatur à Ioanne, descendit super eum Spiritus sanctus in specie columbæ; & vox de cælo auditur: HIC EST FILIUS MEVS DILECTVS, IN QVO MIHI COMPLACVI.

### 4. *Pater noster.*

Ieiunat in deserto quadraginta diebus. Tentatus, demonem vincit, nos prius exemplo postea verbo instruens, ad pugnam cum spirituali hoste ineundum.

### 5. *Pater noster.*

Vocat discipulos, & eos mittit ut prædicent (sicut ipse) in ciuitatibus Iudææ penitentiam, ad regnum Dei, quod nunc appropinquat, consequendum.



6. *Pater noster.*

Doctrinam suam confirmat miraculis, Scripturis, rationibus, bonorum testimonijs, & sua ipsius tam sancta vita, vt nemo eum possit de vlllo peccato arguere.

7. *Pater noster.*

Premonet sepius Apostolos, quòd Hierosolymis tradendus sit Gentibus, illudendus, conspuendus, flagellandus, & crucifigendus, ac tertia die resurrecturus.

8. *Pater noster.*

Quo verò minùs in Passione scandalizentur, multa differit de gloria futura, & corà tribus Apostolis transfiguratur, aliquod suæ gloriæ specimen eis ostendens.

9. *Pater noster.*

Varijs tum verbis tum factis os saepe obstruit calumniantibus, errâtes conuincit, peccâtes arguit, & se multoties è manibus inimicorum miraculosè subtrahit.

10. *Pater noster.*

Intrat Hierosolymam pullo asinæ insidens, vbi magno cum triumpho exceptus, & Rex Israël salutatus, vendentes & ementes è Templo eijcit.

2. *Aue Maria.*

Participat sacra Virgo Mater de omnibus Filij actionibus secundis & aduersis; Verbum eius audiens, & fidelissimè custodiens.

*Nos immundos munda tuo sanguine.*



PATER NOSTER. AVE MARIA.

Exitus Domini nostri de  
hoc mundo.

1. *Pater noster.*

Manducat Dominus Agnum Pascha-  
lem cum duodecim Apostolis; lauat eo-  
rum pedes; & instruit sanctissimū Cor-  
poris & Sanguinis sui Sacramentum &  
Sacrificium, sub speciebus panis & vini.

2. *Pater noster.*

Tristis in horto ter orat vt non Cruci-  
gatur, Patris tamen voluntati suā sub-  
mittit; Sanguinem sudat, Ab angelo  
confortatur, & osculo Iudæ traditur.

3. *Pater noster.*

Vinctus ducitur ad Annam; & Caiphā;  
falso accusatur; illuditur; ceditur; cōspui-  
tur; à Petro ter negatur, & à Iudeorum  
concilio reus mortis iudicatur.

4. *Pater noster.*

Traditur Pilato vt crucifigatur; mitti-  
tur ad Herodem, cui cum multa vana in-  
terroganti nihil responderet, illusus &  
veste alba indutus remittitur Pilato.

5. *Pater noster.*

Iudæi petunt potius Barabbam quam  
IESVM dimitti. Quos vt placaret Pilatus  
facit I E S V M dirissime flagellari: *plagis  
inflictis (vt reuelatum dicitur) quinquies mille  
quadringentis nonaginta.*

6. *Pater noster.*

IESVM Coccino, Spinis, & Arūdine insignitum Pilatus Iudæis ostendit dicens: ECCE HOMO. Ipsi clamant, CRUCIFIGE, CRUCIFIGE eum.

7. *Pater noster.*

Pilatus suā protestans innocentiam lauat manus coram populo (*hec sibi & Filijs suis imprecante crimen*) tamē ne fortè Cæsarem offendat, IESVM iudicat Crucifigendum.

8. *Pater noster.*

Ablato coccino, sed spinea Corona in capite relicta, IESVS Crucem baiulat: ac sub eo pronus corruit. Et foeminas lamentantes de futuris in Ierusalem miseris premonet.

9. *Pater noster.*

IESVS inter duos crucifixus latrones in summis pœnis summam ostendit patientiam, & infinitam erga omnes (bonos & malos) charitatem.

10. *Pater noster.*

Post tres horas spontè TRADIT SPIRITUM. Anima statim in Limbo triumphat. Vesperic corpus de Cruce deponitur & honorificè sepelitur.

7. *Aue Maria.*

Hæc omnino patienti Domino omnium maximè cōpatitur alma Mater, dolores mortis multoties passa.

## Glorificatio Domini nostri post Passionem.

### 1. *Pater noster.*

Tertia die Dominus noster gloriosè Resurgit à morte, sanctos veteris Testamenti Patres liberans è limbo, Matri in primis tum alijs apparet, & cum illis per quadraginta dies versatur.

### 2. *Pater noster.*

Die quadragesima Ascendit in cælos, Sedetque ad dexteram Patris, vnicus singularis & proprius noster ad Deum Mediator existens. Per quem multos habemus Intermediatores ac Intercessores.

### 3. *Pater noster.*

In die Pentecostes Spiritum sanctum de cælo mittit visibilibus signis. Per quem Ecclesiam colligit, regit, & sanctificat, *omnibus diebus, vsque ad consummationem seculi.*

### 4. *Aue Maria.*

De Domini nostri Resurrectione & Ascensione Mater super omnes gauiſa, & singulari Spiritus sancti gratia repleta, anima quoque & corpore glorificata, cælorum constituitur Regina, & totius Ecclesiæ Aduocata.

*Credo in Deum.*

**I**Lle idem Dominus noster **I E S V S**  
 Christus, qui ante omnia secula huma-  
 ni generis præordinatus est Redemptor:  
 Qui tempore definito, in summa humili-  
 tate ex **M A R I A** virgine, natus est : qui  
 maximos subiuit labores, omnes ad pœ-  
 nitentiam vocans , omnes exemplo &  
 verbo ad gratiam inuitans , omnes utiq;  
 volens saluos fieri : Qui post infinita op-  
 probria & tormenta ignominiosissimam  
 & acerbissimã Crucis mortem sustinuit:  
 Qui deniq; gloriosè à morte Resurrexit:  
 in cælos Ascendit: ibique regnans, Eccle-  
 siam suam in terris continuò conseruat  
 & sanctificat : Hic ipse iterum veniet in  
 virtute multa & maiestate, omnium  
 Iudex Angelorum & hominum:  
 Singulis redditurus (prout be-  
 ne vel malè gesserint) pæ-  
 nam vel gloriam  
 sempiternam,  
 Amen.

## Rosarium quindecim orationū

Dominicarum & Angelicarum Salutationum cum vno Symbolo. In memoriam octo gaudiorum & septem dolorum B. Virginis MARIÆ.

*In nomine Patris & Filij ✝ & Spiritus Sancti. Benedicta sit sancta & indiuidua Trinitas, nunc, & semper, & in infinita secula seculorum. Amen.*

1. *Pater. Aue. Primum gaudium.*

Annunciat Archangelus Gabriel B. Virgini quòd ipsa Filium Dei concipiet.

2. *Pater. Aue. 2. gaudium*

Visitante Matre Dei Elisabethã, Infans in utero, ambæ Matres, Zacharias, cognati, & vicini exultant.

3. *Pater. Aue. 3. gaudium.*

Nascitur Christus. Angeli canunt. Pastores Infantem visitant. Magi adorant.

4. *Pater. Aue. 4. gaudium.*

Præsentante B. Virgine Filiū in Templo, Simeon lætus eum accipit in vlnas.

5. *Pater noster. Aue. Primus dolor.*

Ioseph cum Puerò & Matre nocte secedentes fugiunt in Ægyptum.

6. *Pater. Aue. 2. dolor.*

IESVM triduo amissum quærunt parentes eius, anno ætatis suæ duodecimo.

7. *Pater. Aue.* 3. *dolor.*

Anno ætatis trigesimo Christus Dominus valedicit Matri suæ (iam etiã viduæ) non ampliùs cum ea habitaturus.

8. *Pater. Aue.* 4. *dolor.*

Audit B. Virgo Filium vincitū teneri, flagellari, spinis coronari, & ad Crucē dam-

9. *Pater. Aue.* 5. *dolor.* (nari

Occurrit Filio suo Crucem baiulanti, videtque eum sub illa humi prostratum.

10. *Pater. Aue.* 6. *dolor.*

Videt Filium inter duos latrones Crucifixum, agonizantem, & morientem.

11. *Pater. Aue.* 7. *dolor.*

Corpus Filij accipit in vlnas, & dum illud contemplatur, ab ea aufertur, & sepelitur.

12. *Pater. Aue.* *Quintum gaudium*

Christus rediuiuus apparet Matri gloriosus, iam non ampliùs moriturus.

13. *Pater. Aue.* 6. *gaudium.*

Gaudet præ omnibus pia Mater de Filij sui Ascensione, & in cælis Exaltatione.

14. *Pater. Aue.* 7. *gaudium.*

Spiritus sancti gratia donisque tota roboratur & confirmatur Ecclesia.

15. *Pater. Aue.* 8. *gaudium.*

Anima & corpore assumitur in cælum, & super omnes Angelorum choros exaltatur, Regina cælorum.



*Credo in Deum.*

**S**anctissimus Dominus noster, in quo numquam poterat esse peccatum, & Beatissima virgo ab omni peccati labe semper præseruata, propositis sibi gaudijs dolores maximos sustinendo, in gloriam suam intrauerunt, nobis relinquentes exemplum, vt eorum sequamur vestigia.

Quanto igitur magis nos peccatis obnoxij, imperfectionibus repleti, & tentationum periculis circumdati, debemus necessarias æquanimiter ferre castigationes, vt spe gaudentes, in tribulatione patientes, orationi instantes, non fatigati animis, tandem cum illis conregnemus, conglorificemur, & cohæredes efficiamur gaudij æterni, quod nemo tollet à nobis. Quod ipse nobis cõcedat, qui nos suo sanguine redemit, per intercessionē piissimæ suæ Marris, & omnium Sanctorum, AMEN.

*Oremus.*

**C**hriste omnipotens, qui ab æterno Filius Dei existens, humanum genus in tempore Nascendo lætificasti, Patiendo & Moriendo à peccati captiuitate redemisti, Resurgendo ab inferis liberaisti, Ascendēdo in caelos adduxisti: præsta quæsumus, vt qui summis hisce beneficijs læti gaudemus, venientem quoque te Iudicem securè videamus, & gloriosum Remuneratorē habeamus. Qui viuus & regnas, cum Deo Patre, in vnitate Spiritus sancti Deus. Per omnia secula seculorum. AMEN.

*Laudate pueri Dominū, laudate nomen Domini.*



*A. de Vos invenit. Joann. Colbaert fecit.*

PATER NOSTER. AVE MARIA.

## SEPTEM PSALMI

POENITENTIALES,

cum Litanijs, dicuntur

flexis genibus.

*Antiph.* Ne reminiscaris.*Psalmus. 6.*

DOMINE ne in furore  
tuo arguas me: neque  
in ira tua corripias me.

Miserere mei Domi-  
ne, quoniam infirmus  
sum: sana me Domi-  
ne, quoniam contur-

bata sunt ossa mea.

Et anima mea turbata est valde: sed tu  
Domine vsquequo?

Conuertere Domine, & eripe animam  
meam: saluum me fac propter misericor-  
diam tuam.

Quoniam non est in morte qui memor  
sit tui: in inferno autem quis confitebi-  
tur tibi?

Labo-

Laborauī in gemitu meo, lauabo per singulas noctes lectum meum: lachrymis meis stratum meum rigabo.

Turbatus est à furore oculus meus: inueterauī inter omnes inimicos meos.

Discedite à me omnes qui operamini iniquitatem: quoniā exaudiuit Dominus vocem fletus mei.

Exaudiuit Dominus deprecationem meā: Dominus orationē meam suscepit.

Erubescant & conturbentur uehementer omnes inimici mei: conuertantur & erubescant valde velociter.

Gloria Patri & Filio.

*Psalmus 31.*

**B**Eati, quorum remissæ sunt iniquitates, & quorum tecta sunt peccata.

Beatus vir, cui non imputauit Dominus peccatū, nec est in spiritu eius dolus.

Quoniam tacui, inueterauerunt ossa mea: dum clamarem tota die.

Quoniam die ac nocte grauata est super me manus tua: conuersus sum in arumna mea dum configitur spina.

Delictum meum cognitum tibi feci, & iniustitiam meam non abscondi.

Dixi, confitebor aduersum me iniustitiam meam Domino: & tu remisisti impietatem peccati mei.

Pro hac orabit ad te omnis Sanctus, in tempore opportuno.

Veruntamen in diluuiio aquarum multarum, ad eum non approximabunt.

Tu es refugium meum à tribulatione quæ circumdedit me: exultatio mea, erue me à circumdantibus me.

Intellectum tibi dabo, & instruam te in via hac qua gradieris: firmabo super te oculos meos.

Nolite fieri sicut equus & mulus, quibus non est intellectus.

In chamo & fræno maxillas eorum constringe, qui non approximant ad te.

Multa flagella peccatoris, sperantem autem in Domino misericordia circumdabit.

Lætamini in Domino, & exultate iusti: & gloriamini omnes recti corde.

Gloria Patri & Filio.

*Psalmus 37.*

**D**omine ne in furore tuo arguas me, neque in ira tua corripas me.

Quoniam sagittæ tuæ infixæ sunt mihi, & confirmasti super me manum tuam.

Non est sanitas in carne mea à facie iræ tuæ, non est pax ossibus meis à facie peccatorum meorum.

Quo-

Quoniam iniquitates meæ supergressæ sunt caput meum : & sicut onus graue grauata sunt super me.

Putruerunt & corruptæ sunt cicatrices meæ, à facie insipientiæ meæ.

Miser factus sum, & curuatus sum vsq; in finē: tota die contristatus ingrediebar.

Quoniam lumbi mei impleti sunt illusionibus, & non est sanitas in carne mea.

Afflictus sum, & humiliatus sum nimis; rugiebam à gemitu cordis mei.

Domine, ante te omne desiderium meum, & gemitus meus à te non est absconditus.

Cor meum conturbatum est, dereliquit me virtus mea : & lumen oculorum meorum, & ipsum non est mecum.

Amici mei & proximi mei aduersum me appropinquauerunt & steterunt.

Et qui iuxta me erant, de longè steterunt : & vim faciebant, qui quarebant animam meam.

Et qui inquirebant mala mihi, locuti sunt vanitates : & dolos tota die meditabantur.

Ego autem tanquam surdus non audivam : & sicut mutus non aperiens os suum.

Et

Et factus sum sicut homo non audiens,  
& non habens in ore suo redargutiones.

Quoniam in te Domine speravi , tu  
exaudies me Domine Deus meus:

Quia dixi, ne quando supergaudeant  
mihi inimici mei:& dum commouentur  
pedes mei, super me magna locuti sunt.

Quoniam ego in flagella paratus sum,  
& dolor meus in conspectu meo semper.

Quoniam iniquitatem meam annun-  
ciabo, & cogitabo pro peccato meo.

Inimici autem mei viuunt, & confir-  
mati sunt super me : & multiplicati sunt,  
qui oderunt me iniquè.

Qui retribuunt mala pro bonis, detra-  
hebant mihi, quoniã sequebar bonitatẽ.

Ne derelinquas me Domine Deus  
meus: ne discesseris à me.

Intende in adiutorium meum, Domi-  
ne Deus salutis meæ.

Gloria Patri, & Filio.

*Psalmus. 50.*

**M**iserere mei Deus, secundum ma-  
gnam misericordiam tuam.

Et secundum multitudinem misera-  
tionum tuarum dele iniquitatem meam.

Amplius laua me ab iniquitate mea, &  
à peccato meo munda me.

F

Quo-

Quoniã iniquitatẽ meã ego cognosco,  
& peccatum meũ contra me est semper.

Tibi soli peccaui, & malum coram te  
feci: vt iustificeris in sermonibus tuis, &  
vincas cùm iudicaris.

Ecce enim in iniquitatibus conceptus  
sũ, & in peccatis concepit me mater mea.

Ecce enim veritatẽ dilexisti, incerta &  
occulta sapientiã tuã manifestasti mihi.

Asperges me Domine hysso, &  
mundabor: lauabis me, & super niuem  
dealbabor.

Auditui meo dabis gaudium & lætitiã,  
& exultabunt ossa humiliata.

Auerte faciem tuã à peccatis meis, &  
omnes iniquitates meas dele.

Cor mundum crea in me Deus: & spi-  
ritum rectum innoua in visceribus meis.

Ne proijcias me à facie tua, & spiritum  
sanctum tuum ne auferas à me.

Redde mihi lætitiã salutaris tui, &  
spiritu principali confirma me.

Docebo iniquos vias tuas: & impij ad  
te conuertentur.

Libera me de sanguinibus Deus, Deus  
salutis meæ: & exaltabit lingua mea, iu-  
sticiã tuã.

Domine labia mea aperies, & os meũ  
annunciabit laudem tuã.



Quoniã si voluisses, sacrificium dedit-  
sem utique, holocaustis non delectaberis.

Sacrificium Deo spiritus contribula-  
tus, cor contritum & humiliatum Deus  
non despicias.

Benignè fac Dñe in bona voluntate  
tua Sion, ut ædificentur muri Hierusalẽ.

Tunc acceptabis sacrificium iustitiæ,  
oblaciones & holocausta, tunc imponent  
super altare tuum vitulos.

Glória Patri & Filio.

*Psalmus* 101.

**D**omine exaudi orationem meam,  
& clamor meus ad te veniat.

Non auertas faciem tuam à me, in  
quacunque die tribulor, inclina ad me  
aurem tuam.

In quacunque die inuocauero te, velo-  
citer exaudi me.

Quia defecerunt sicut fumus dies mei,  
& ossa mea sicut cremium aruerunt.

Percussus sum ut fœnum, & aruit cor  
meum, quia oblitus sum comedere pa-  
nem meum.

A voce gemitus mei, adhæsit os meum  
carni meæ.

Similis factus sũ pelicano solitudinis,  
factus sum sicut nycticorax in domicilio.

Vigilauī, & factus sum sicut passer solitarius in tecto.

Tota die exprobrabant mihi inimici mei: & qui laudabant me, aduersum me iurabant.

Quia cinerem tanquam panem manducabam, & potum meum cum fletu miscebam.

A facie iræ indignationis tuæ, quia eleuans allisisti me.

Dies mei sicut vmbra declinauerunt, & ego sicut fœnum arui.

Tu autem Domine in æternum permanes, & memoriale tuum in generatione & generationem.

Tu exurgēs Dñe misereberis Sio: quia tēpus miserendi eius, quia venit tempus.

Quoniam placuerunt seruis tuis lapides eius, & terræ eius miserebuntur.

Et timebunt gentes nomē tuum Domine, & omnes reges terræ gloriam tuā.

Quia ædificauit Dominus Sion, & videbitur in gloria sua.

Respexit in orationem humilium, & non spreuit preces eorum.

Scribantur hęc in generatione altera: & populus qui creabitur, laudabit Dñm.

Quia prospexit de excelso sancto suo, Dominus de cælo in terram aspexit.

Vt

Vt audiret gemitus compeditorum, vt  
solueret filios interemptorum.

Vt annuncient in Sion nomē Domini:  
& laudem eius in Hierusalem.

In conueniendo populos in vnum, &  
reges, vt seruiant Domino.

Respondit ei in via virtutis suę, pau-  
citatē dierum meorum nuncia mihi.

Ne reuoces me in dimidio dierum  
meorum, in generatione & generatio-  
nem anni tui.

Initio tu Domine terram fundasti, &  
opera manuum tuarum sunt cæli.

Ipsi peribunt, tu autem permanes, &  
omnes sicut vestimentum veterascent.

Et sicut opertorium murabis eos, &  
mutabuntur, tu autem idem ipse es, &  
anni tui non deficient.

Filij seruorum tuorum habitabunt, &  
semen eorum in seculum dirigitur.

Gloria Patri, & Filio, & Spiritui sancto:  
Sicut erat in principio.

*Psalmus .129.*

**D**E profundis clamaui ad te Domi-  
ne, Domine exaudi vocem meam.

Fiant aures tuę intendentes in vocem  
deprecationis meę.

Si iniquitates obseruaueris Domine,  
F 3 Domi-

Domine quis sustinebit?

Quia apud te propitiatio est, & propter legem tuam sustinui te Domine.

Sustinuit anima mea in verbo eius, speravit anima mea in Domino.

A custodia matutina usque ad noctem, speret Israël in Domino.

Quia apud Dominum misericordia, & copiosa apud eum redemptio.

Et ipse redimet Israël, ex omnibus iniquitatibus eius.

Gloria Patri.

*Psalmus 142.*

**D**omine exaudi orationem meam: auribus percipe obsecrationem meam: in veritate tua, exaudi me in tua iustitia.

Et non intres in iudicium cum seruo tuo: quia non iustificabitur in conspectu tuo omnis viuens.

Quia persecutus est inimicus animam meam, humiliavit in terra vitam meam.

Collocavit me in obscuris sicut mortuos seculi: & anxius est super me spiritus meus, in me turbatum est cor meum.

Memor fui dierum antiquorum, mediatus sum in omnibus operibus tuis, & in factis manuum tuarum meditabar.

Expandi

Expandi manus meas ad te , anima mea sicut terra sine aqua tibi.

Velociter exaudi me Domine, defecit spiritus meus.

Non auertas faciem tuam à me : & similis ero descendentibus in lacum.

Auditam fac mihi manè misericordiam tuam: quia in te speraui.

Notam fac mihi viam in qua ambulè; quia ad te leuaui animam meam.

Eripe me de inimicis meis Domine, ad te confugi : doce me facere voluntatè tuam , quia Deus meus es tu.

Spiritus tuus bonus deducet me in terram rectam: propter nomè tuum Domine viuificabis me in æquitate tua.

Educes de tribulatione animam meã: & in misericordia tua disperdes omnes inimicos meos.

Et perdes omnes qui tribulant animã meam: quoniam ego seruus tuus sum.

Gloria Patri & Filio.

Antiphona. Ne reminiscaris Domine delicta nostra, vel parentũ nostrorũ, neq; vindictam sumas de peccatis nostris.

In quibusdam Litanijs additur : Parce Domine, parce populo tuo, quem redemisti pretioso Sanguine tuo : ne in æternum irascaris ei.

## LITANIÆ.

**K**Yrie eleison. Christe eleison.  
 KYrie eleison. Christi audi nos.  
 Christe exaudi nos.  
 Pater de cælis Deus, Miserere nobis.  
 Fili redemptor mundi Deus, misere-  
 re nobis.  
 Spiritus sancte Deus, miserere nobis.  
 Sancta Trinitas vnus Deus, miserere  
 nobis.  
 Sancta MARIA, ora pro nobis.  
 Sancta Dei genitrix ora.  
 Sancta virgo virginum ora.  
 Sancte Michaël ora.  
 Sancte Gabriël ora.  
 Sancte Raphaël ora.  
 Omnes sancti Angeli & Archangeli Dei  
 orate pro nobis.  
 Omnes sancti beatorum spirituum or-  
 dines orate.  
 Sancte Ioannes Baptista. ora.  
 Omnes sancti Patriarchæ & Prophetæ  
 Dei, orate pro nobis.  
 Sancte Petre ora.  
 Sancte Paule ora.  
 Sancte Andrea ora.  
 Sancte

Sancte Iacobe	ora.
Sancte Ioannes	ora.
Sancte Thoma	ora.
Sancte Iacobe	ora.
Sancte Philippe	ora.
Sancte Bartholomee	ora.
Sancte Matthee	ora.
Sancte Simon	ora.
Sancte Thadee	ora.
Sancte Matthia	ora.
Sancte Barnaba	ora.
Sancte Luca	ora.
Sancte Marce	ora.
Omnes sancti Apostoli & Euangelistæ, orate pro nobis.	
Omnes sancti discipuli Dñi, orate pro no.	
Omnes sancti Innocetes, orate pro nob.	
Sancte Stephane	ora.
Sancte Laurenti	ora.
Sancte Vincenti	ora.
Sancti Fabiane & Sebastianæ, orate pro nobis.	
Sancti Ioannes & Paule, orate pro nobis.	
Sancti Cosma & Damiane, orate pro nob.	
Sancti Gervasi & Prothasi, orate pro nob.	
Omnes sancti martyres, orate pro nobis.	
Sancte Silvester	ora.
Sancte Gregori	ora.
Sancte Ambrosii	ora.
F 5	Sancte

Sancte Augustine	ora.
Sancte Hieronyme	ora.
Sancte Martine	ora.
Sancte Nicolae	ora.
Omnes sancti Pontifices & Confessores,	
orate pro nobis.	
Omnes sancti Doctores	orate
Sancte Benedicte	ora.
Sancte Antoni	ora.
Sancte Bernarde	ora.
Sancte Dominice	ora.
Sancte Francisce	ora.
Omnes sancti Sacerdotes & Leuitæ,	
orate pro nobis.	
Omnes sancti Monachi & Eremitæ,	
orate pro nobis.	
Sancta Maria, Magdalena.	ora.
Sancta Agatha.	ora.
Sancta Lucia	ora.
Sancta Agnes	ora.
Sancta Cæcilia	ora.
Sancta Catharina	ora.
Sancta Anastasia	ora.
Omnes sanctæ virgines & viduæ,	orate
pro nobis.	
Omnes sancti & sanctæ Dei, intercedite	
pro nobis.	
Propitius esto,	parce nobis Domine.
Propitius esto,	exaudi nos Domine.
	Ab



- Ab omni malo, Libera nos Domine.  
 Ab omni peccato, libera nos Domine.  
 Ab ira tua, libera nos Domine.  
 Ab imminentibus hereticorum & omnium  
 inimicorum nostrorum periculis,  
 libera nos Domine.  
 A peste, fame & bello, libera nos Dñe.  
 A subitanea & improuisa morte, Libera  
 nos Domine.  
 Ab insidijs diaboli, libera nos Domine.  
 Ab ira, & odio, & omni mala voluntate,  
 libera nos Domine.  
 A spiritu fornicationis, libera nos Dñe.  
 A fulgure & tempestate, libera nos Dñe.  
 A morte perpetua, libera nos Dñe.  
 Per mysterium sanctæ incarnationis tuæ,  
 libera nos Domine.  
 Per aduentum tuum, libera nos Domine.  
 Per natiuitatem tuam, libera nos Domine.  
 Per baptismum & sanctum ieiunium  
 tuum, libera nos Domine.  
 Per crucem & passionem tuam,  
 libera nos Domine.  
 Per mortem & sepulturam tuam,  
 libera nos Domine.  
 Per sanctam resurrectionem tuam,  
 libera nos Domine.  
 Per admirabilem ascensionem tuam,  
 libera nos Domine.

Per aduentum Spiritus sancti paracleti,  
libera nos.

In die iudicij, libera nos.

Peccatores, te rogamus.

Vt nobis parcas, te rogamus.

Vt nobis indulgeas, te rogamus audi nos

Vt ad veram pœnitentiam nos perducere digneris, te rogamus audi nos.

Vt Ecclesiam tuam sanctam regere & cōseruare digneris, te rogamus audi nos

Vt domnum Apostolicū, & omnes Ecclesiasticos ordines in sancta religione cōseruare digneris. te rogamus.

Vt inimicos sanctæ Ecclesiæ humiliare digneris, te rogamus audi nos.

Vt ab hostilibus hæreticorum incurſibus Ecclesiam tuam protegere digneris, te rogamus audi nos.

Vt regibus & principibus Christianis pacem & veram concordiam [donare digneris.] [concedere & cōseruare digneris,] te rogamus audi nos.

Vt regibus & principibus Christianis vitam donare digneris, te rogamus.

Vt propugnatores tuos defendere & prosperare digneris, te rogamus.

Vt Turcarum conatus reprimere & ad nihilum redigere digneris, te rogamus.

Vt cuncto populo Christiano pacem & vnita-

unitatem largiri digneris, te rogamus.  
 Ut nosmetipsos in tuo sancto seruitio  
 confortare & conseruare digneris,  
 te rogamus audi nos.

Ut mentes nostras ad cælestia desideria  
 erigas, te rogamus audi nos.

Ut omnibus benefactoribus nostris sem-  
 piterna bona retribuas, te rogamus.

Ut animas nostras, fratrum, propinquo-  
 rum, & benefactorum nostrorum, ab  
 æterna damnatione eripias, te roga.

Ut fructus terræ dare & conseruare di-  
 gneris. te rogamus audi nos.

Ut omnibus fidelibus defunctis requiem  
 æternā donare digneris, te rogamus.

Ut nos exaudire digneris, te rogamus.  
 Fili Dei. te rogamus.

Agnus Dei, qui tollis peccata mundi,  
 parce nobis Domine.

Agnus Dei, qui tollis peccata mundi,  
 exaudi nos Domine.

Agnus Dei, qui tollis peccata mundi,  
 miserere nobis.

Christe audi nos.

Christe exaudi nos.

Kyrie eleyson. Christe eleison.

Pater noster, secretò.

*Vers.* Et ne nos inducas in tentationem

*Resp.* Sed libera nos à malo.

*Psalmus.*

**D**Eus in Adiutoriū meum intende,  
Domine ad adiuuandū me festina.

Confundantur & reuereantur, qui  
quarunt animam meam.

Auertantur retrorsum, & erubescant,  
qui volunt mihi mala.

Auertantur statim erubescences, qui  
dicunt mihi, euge, euge.

Exultent, & latentur in te omnes qui  
quarunt te: & dicant semper, magnifice-  
tur Dominus, qui diligunt salutare tuum.

Ego verò egenus & pauper sum, Deus  
adiuua me.

Adiutor meus, & liberator meus es tu,  
Domine ne moreris.

Gloria Patri, & Filio, &c.

*Versus.* Saluos fac seruos tuos. *Respon.*

Deus meus sperantes in te. *Vers.* Esto

nobis Domine turris fortitudinis. *Resp.*

A facie inimici. *Vers.* Nihil proficiat ini-

micus in nobis. *Respon.* Et filius ini-

quitatis non apponat nocere nobis.

*Versus.* Domine non secundū peccata

nostra facias nobis. *Resp.* Neque secun-

dūm iniquitates nostras retribuas nobis.

*Vers.* Oremus pro Papa nostro N. *Resp.*

Dominus cōseruet eum, & viuificet eum,

&

& beatum faciat eum in terra: & non tradat eum in animam inimicorum eius.

*Versus.* Oremus pro benefactoribus nostris. *Resp.* Retribuere dignare Domine omnibus nobis bona facientibus propter nomen sanctum tuum vitam æternam, Amen. *Versus.* Oremus pro fidelibus defunctis. *Respon.* Requiem æternam dona eis Domine: Et lux perpetua luceat eis. *Versus.* Requiescant in pace. *Resp.* Amen. *Vers.* Pro fratribus nostris absentibus. *Resp.* Saluos fac seruos tuos Deus meus sperantes in te. *Versus.* Mitte eis Domine auxilium de sancto. *Resp.* Et de Sion tuere eos. *Versus.* Domine exaudi orationem meam. *Resp.* Et clamor meus ad te veniat.

### *Oratio.*

**D**Eus, cui proprium est misereri semper & parcere, suscipe deprecationem nostram: vt nos & omnes famulos tuos, quos delictorum catena constringit, miseratio tuæ pietatis clemēter absoluat.

Exaudi quęsumus Domine supplicum preces, & consentium tibi parce peccatis: vt pariter nobis indulgentiã tribuas benignus & pacem.

Ineffabilem nobis Domine misericordiam

cordiam tuã clementer ostende: vt simul nos à peccatis omnibus eruas, & à pœnis, quas pro his meremur, benignus eripias.

Deus qui culpa offenderis, pœnitentia placaris: preces populi tui supplicantis propitius respice, & flagella tuã iracundia, quæ pro peccatis nostris meremur, auerte.

Omnipotens sempiterne Deus, misere famulo tuo N. Pontifici nostro, & dirige eum secundum tuam clementiam in viam salutis eternæ: vt te donante, tibi placita cupiat, & tota virtute perficiat.

Deus à quo sancta desideria, recta consilia, & iusta sunt opera: da seruis tuis illã quam mundus dare non potest pacem: vt & corda nostra mandatis tuis dedita, & hostium sublata formidine, tempora sint tua protectione tranquilla.

Vre igne sancti Spiritus renes nostros, & cor nostrum Domine: vt tibi casto corpore seruiamus, & mundo corde placeamus.

Fidelium Deus omnium conditor & redemptor, animabus famulorum, famularumq; tuarum, remissionem cunctorũ tribue peccatorum: vt indulgentiam, quã semper optauerunt, pijs supplicationibus consequantur.

Actio-

Actiōnes nostras quæsumus Domine aspirando præueni, & adiuuando prosequere: vt cuncta nostra oratio & operatio à te semper incipiat, & per te cœpta finiatur.

Omnipotentis sempiternæ Deus, qui viuorum dominaris simul & mortuorū, omniumque misereris, quos tuos fide & opere futuros esse prænoscis: te supplices exoramus, vt pro quibus effundere preces decreuimus, quosque vel præsens seculum adhuc in carne retinet, vel futurū iam exutos corpore suscepit; intercedentibus omnibus Sanctis tuis, pietatis tuæ clementia omnium delictorum suorum veniam consequantur. Per Dominum nostrum Iesum Christum Filium tuum, Qui tecum uiuit & regnat in vnitæte spiritus sancti Deus, Per omnia, &c. Amen.

*Vers.* Domine exaudi orationem meam.

*Resp.* Et clamor meus ad te veniat.

*Vers.* Benedicamus Domino.

*Resp.* Deo gratias.

*Vers.* Exaudiat nos omnipotens & misericors Dominus. *Resp.* Amen.

*Vers.* Et fidelium animæ per misericordiam Dei requiescant in pace.

*Respon.* Amen.

## S E Q V E N T I A.

**D**ies iræ, dies illa,  
Soluēt seclum in fauilla:  
Teste Dauid cum Sibylla.

Quantus tremor est futurus,  
Quando iudex est venturus  
Cuncta strictè discussurus?

Tuba mirum spargens sonum,  
Per sepulchra regionum,  
Coget omnes ante thronum.

Mors stupebit & natura,  
Cùm resurget creatura,  
Iudicanti responsura.

Liber scriptus proferetur,  
In quo totum continetur,  
Vnde mundus iudicetur.

Iudex ergo cùm sedebit,  
Quidquid latet, apparebit:  
Nil inultum remanebit.

Quid sum miser tunc dicturus?  
Quem patronum rogaturus,  
Dum vix iustus sit securus?

Rex tremendæ maiestatis,  
Qui saluandos saluas gratis,  
Salua me fons pietatis.

Recordare Iesu pie,  
Quòd sum causa tuæ viæ,  
Ne me perdas illa die.



Quærens me, sedisti lassus:  
Redemisti, crucem passus:  
Tantus labor non sit cassus.

Iustæ iudex ultionis,  
Donum fac remissionis  
Ante diem rationis.

Ingemisco, tanquam reus:  
Culpa rubet vultus meus:  
Supplicanti parce Deus.

Qui Mariam absolvisti,  
Et latronem exaudisti:  
Mihi quoque spem dedisti.

Preces meæ non sunt dignæ:  
Sed tu bonus fac benignè,  
Ne perenni cremer igne.

Inter oves locum præsta,  
Et ab hædis me sequestra,  
statuens in parte dextra.

Confutatis maledictis,  
Flammis acribus addictis,  
Voca me cum benedictis.

Oro supplex & acclinis,  
Cor contritum quasi cinis:  
Gere curam mei finis.

Lachrymosa dies illa,  
Qua resurget ex fauilla.  
Iudicandus homo reus:

Huic ergo parce Deus.

Pie Iesu Domine,  
Dona eis requiem, Amen.

*Propter nomen sanctum tuum esto mihi in auxilium.*



PATER NOSTER. AVE MARIA.

## ORATIO DIVI GREGORII

Papæ , quæ habetur in fine explanationum septem Psalmorum pœnitentialium .

**B**one IESV, Verbum Patris, splendor paternæ gloriæ, in quem desiderant Angeli prospicere, doce me facere voluntatem tuam: vt à Spiritu tuo bono deductus, ad beatam illam perueniam ciuitatem, vbi est dies æternus, & vnus omnium spiritus: vbi est certa securitas, & secura æternitas, & æterna tranquillitas, & tranquilla felicitas, & felix suauitas, & suavis iucunditas: vbi tu Deus cum Patre & Spiritu sancto viuus & regnas per infinita sæcula sæculorū, Amen.

*Alia Oratio ad Iesum.*

**O** Bone Iesu, ô piissime Iesu, ô dulcissime Iesu, ô Iesu fili Mariæ virginis, plene misericordia & pietate: ô dulcis Iesu, secundum magnam misericordiã tuam, miserere mei. O clementissime Iesu, te deprecor per illum sanguinem pretiosum, quem pro peccatoribus effundere voluisti, vt abluas omnes iniquitates meas, & in me respicias miserum & indignum humiliter veniam petentem, & hoc nomen sanctum IESV inuocantem. O nomen IESV, nomen dulce:

dulce: nomen Iesu, nomen delectabile:  
nomen Iesu, nomen confortans. Quid  
est enim Iesus, nisi saluator? Ergo Iesu,  
propter nomen sanctum tuum esto mihi  
Iesus, & salua me: ne permittas me dam-  
nari, quem tu de nihilo creasti, O bone  
Iesu, ne perdat me iniquitas mea, quem  
fecit omnipotens bonitas tua. O dul-  
cis Iesu, recognosce quod tuum est, &  
absterge quod alienum est. O benignis-  
sime Iesu, miserere mei, dum tempus  
est miserendi: ne damnes me in tempore  
iudicandi. Quæ utilitas in sanguine  
meo, dum descendero in æternam cor-  
ruptionem? Non mortui laudabunt te,  
Domine Iesu, neque omnes qui de-  
scendunt in infernum. O amantissime  
Iesu, ô desideratissime Iesu, ô mitis-  
sime Iesu, ô Iesu, Iesu, Iesu, admitte  
me intrare in numerum electorum tuo-  
rum: ô Iesu, salus in te credentium: ô  
Iesu, solatium ad te confugientium:  
ô Iesu, dulcis remissio omnium pecca-  
torum. O Iesu, fili Mariæ virginis,  
infunde in me gratiam, sapientiam, cha-  
ritatem, castitatem, & humilitatem:  
vt possim te perfectè diligere, te lau-  
dare, te perfrui, tibi seruire, & in te glo-  
riari, & omnes qui inuocant nomen  
tuum, quod est Iesus. Amen.

*Oratio.*

**D**Eus, qui gloriosissimum Nomen  
 IESV Christi Filij tui Domini no-  
 stri fecisti fidelibus tuis summo suavitatis  
 affectu amabile, & malignis spiritibus  
 tremendum atque terribile: concede pro-  
 piti us, vt omnes, qui hoc nomen IESV  
 deuotè venerantur in terris, sanctæ con-  
 solationis dulcedinem in præsentì perci-  
 piant, & in futuro gaudium exultatio-  
 nis & interminabilis beatitudinis obti-  
 neant in cælis. Per eundem Dominum  
 nostrum Iesum Christum Filium tuum,  
 qui tecum viuit & regnat in vnitæte Spi-  
 ritus sancti Deus, per omnia sæcula secu-  
 lorum. *Resp. Amen.*

## Iubilus S. Bernardi.

**I**esu dulcis memoria,  
 Dans vera cordis gaudia:  
 Sed super mel & omnia  
 Eius dulcis præsentia.

Nil canitur suauius,  
 Nil auditur iucundius,  
 Nil cogitatur dulcius,  
 Quàm Iesus Dei Filius.

Iesu spes pœnitentibus,  
 Quàm pius es petentibus,  
 Quàm bonus te quærentibus,

Sed

Sed quid inueniennibus?

Iesu dulcedo cordium,  
Fons viuus, lumen mentium,  
Excedens omne gaudium  
Et omne desiderium.

Nec lingua valet dicere,  
Nec litera exprimere:

Expertus potest credere,  
Quid sit Iesum diligere.

Iesum quero in lectulo,  
Claufo cordis cubiculo:  
Priuatim & in publico,  
Queram amore sedulo.

Cum Maria diluculo  
Iesum queram in tumulto:  
Clamore cordis quærulo,  
Mente queram, non oculo.

Tumbam profundam fletibus,  
Locum replens gemitibus,  
Iesu prouoluar pedibus,  
Scrietis hærens amplexibus.

Iesu Rex admirabilis,  
Et triumphator nobilis,  
Dulcedo ineffabilis,  
Totus desiderabilis.

Mane nobiscum Domine,  
Et nos illustra lumine,  
Pulsa mentis caligine,  
Mundum replens dulcedine.

Quan-

Quando cor nostrum vilitas,  
Tunc lucet ei veritas,  
Mundi vilescit vanitas,  
Et intus feruet charitas.

Amor Iesu dulcissimus,  
Et verè suauissimus:  
Plus millies gratissimus,  
Quàm dicere sufficimus.

Hoc probat eius passio,  
Hoc sanguinis effusio:  
Per quam nobis redemptio  
Datur, & Dei visio.

Iesum omnes cognoscite.  
Amorem eius poscite:  
Iesum ardentè quærite,  
Quærendo inardescite.

Sic amantem diligite,  
Amoris vicem reddite:  
In hunc odorem currite.  
Et vota votis reddite.

Iesus author clementiæ,  
Totius spes lætitiæ:  
Dulcoris fons & gratiæ,  
Veræ cordis delitiæ.

Iesu mi bone sentiam  
Amoris tui copiam:  
Da mihi per præsentiam,  
Tuam videre gloriam.  
Cùm dignè loqui nequeam,

De te tamen non fileam:  
 Amor facit vt audeam,  
 Cùm solùm de te gaudeam.

Tua Iesu dilectio,  
 Grata mentis refectio:  
 Replens sine fastidio,  
 Dans famem desiderio.

Qui te gustant, esuriunt:  
 Qui bibunt, adhuc sitiunt:  
 Desiderare nesciunt,  
 Nisi Iesum quem diligunt.

Quem tuus amor ebriat,  
 Nouit quid Iesus sapiat:  
 Quàm felix est, quem satiat:  
 Non est ultra quod cupiat.

Iesu decus Angelicum,  
 In aure dulce canticum,  
 In ore mel mirificum,  
 In corde nectar calicum.

Desidero te millies.  
 Mi Iesu quando venies?  
 Me laetum quando facies?  
 Me de te quando saties?

Amor tuus continuus,  
 Mihi languor assiduus:  
 Mihi Iesu mellifluus,  
 Fructus vitæ perpetuus.

Iesu summa benignitas,  
 Mira cordis iucunditas:



Incomprehensa bonitas,  
Tua me stringat charitas.

Bonum mihi diligere  
Iesum, nil vltra quærere:  
Mihi prorsus deficere.

Vt illi queam viuere.  
O Iesu mi dulcissime,

Spes suspirantis animæ:  
Te quærunt piæ lachrymæ:  
Te clamor mentis intimæ.

Quocunque loco fuero,  
Mecum Iesum desidero:  
Quàm latus, cùm inuenero:

Quàm felix, cùm tenuero!  
Tunc amplexus, tunc oscula,  
Quæ vincunt mellis pocula:  
Tunc felix Christi copula:  
Sed in his parua morula.

Iam quod quæsiui video,  
Quod concupiui teneo:  
Amore Iesu languedo,  
Et corde totus ardeo.

Iesus cùm sic diligitur,  
Hic amor non extinguitur:  
Non tepescit nec moritur,  
Plus crescit & accenditur,

Hic amor ardet iugiter,  
Dulcescit mirabiliter:  
Sapit delectabiliter.

Et delectat feliciter.

Hic amor missus cœlitus  
 Hæret mihi medullitus,  
 Mentem incendit penitus:  
 Hoc delectatur spiritus.

O beatum incendium,  
 Et ardens desiderium:  
 Dulce refrigerium,  
 Amare Dei filium.

Iesu flos matris virginis,  
 Amor nostræ dulcedinis:  
 Tibi laus, honor numinis,  
 Regnum beatitudinis.

Veni, veni, Rex optime,  
 Pater immensæ gloriæ:  
 Effulge clarè clariùs,  
 Iam expectatus sapius.

Iesu Sol serenior,  
 Et balsamo suavior.  
 Omni dulcore dulcior,  
 Præ cunctis amabilior.

Cuius gustus sic afficit,  
 Cuius odor sic reficit:  
 In quo mens mea deficit,  
 Solus amanti sufficit.

Tu mentis delectatio:  
 Amoris consummatio.  
 Tu mea gloriatio,  
 Iesu mundi saluatio.

Mi dilecte, reuertere, Consors pater-  
næ dexteræ: Hostem vicisti prospere,  
tam cœli regno fruere. Sequar, quo-  
quò ieris, Mihi tolli non poteris, Cùm  
meum cor abstuleris. Iesu laus nostri ge-  
neris. Cœli ciues occurrite, Portas ve-  
stras attollite, Triumphatori dicite: Ave  
Iesu Rex inclyte. Rex virtutum, Rex  
gloriæ, Rex insignis victoriæ: Iesu lar-  
gitor veniæ, Honor cœlestis curiæ. Tu  
fons misericordiæ, Tu veræ lumen  
patriæ: Pelle nubem tristitiæ, Dans  
nobis lucem gloriæ. Te cœli chorus  
prædicat, Et tuas laudes replicat: Iesus  
orbem latificat, Et nos Deo pacificat.  
Iesus in pace imperat, Quæ omnem sen-  
sum superat: Hanc mens mea deside-  
rat, Et ea frui properat. Iesus ad Pa-  
trem redijt, Cœleste regnum subiit:  
Cor meum à me transijt, Post Iesum si-  
mul abiit. Quem prosequamur laudi-  
bus, Votis, hymnis, & precibus: Ut  
nos donet cœlestibus cum ipso frui sedi-  
bus, Amen.

*Adoro te supplex, latens Deitas.*



*J. Collaert sculp.*

PATER NOSTER. AVE MARIA.

## ORATIONES DE VENERABILI SACRAMENTO.

*Oratio S. Thomæ Aquinatis.*

**A**Doro te supplex latens Deitas, quæ sub his figuris verè latitas, Tibi se cor meū totum subijcit: quia te contemplanis totum deficit. Visus gustus, tactus in te fallitur: sed auditu solo in te creditur. Credo quidquid dixit Dei filius: verbo veritatis nihil verius. In cruce latebat sola Deitas: sed hîc latet simul & humanitas. Ambo tamen credens atque confitens, peto quod petiuit latro pœnitens. Plagas sicut Thomas non intueor: Deum tamen meum te confiteor. Fac me tibi semper magis credere, in te spem habere, te diligere. O memoriale mortis Domini: panis verus, vitam præstans homini. Præsta meę menti de te viuere: teq; illi semper dulce sapere. Pie pelicane Iesu Domine, me immundū munda tuo sanguine: cuius vna stilla saluum facere totum mundum posset omni scelere. Iesu, quem velatum nunc aspicio, quando fiet istud quod tam sitio: vt reuelata cernens facie, visu sim beatus tuæ gloriæ? Amen.

*Alia Oratio.*

**A** Nima Christi sanctifica me, Corpus Christi salua me, Sanguis Christi inebria me, Aqua lateris Christi laua me, Passio Christi conforta me. O bone Iesu exaudi me, in tra vulnera tua absconde me, ne permittas me separari à te. ab hoste maligno defende me, in hora mortis meæ voca me, & iube me venire ad te, vt cum Sanctis tuis laudem te in secula sæculorum, Amen.

## HYMNVS S. THOMÆ

## AQUINATIS.

**P** Ange lingua gloriosi  
Corporis mysterium:  
Sanguinisque pretiosi,  
Quem in mundi pretium,  
Fructus ventris generosi,  
Rex effudit gentium.

Nobis datus, nobis natus  
Ex intacta virgine,  
Et in mundo conuersatus  
Sparsæ verbi semine:  
Sui moras incolatus  
Miro clausit ordine.

In supremæ nocte cœnæ  
Recumbens cum fratribus,  
Observata lege plenè

Cibus

Cibus in legalibus,  
Cibum turbæ duodenæ  
Se dat suis manibus.

Verbum caro, panem verum,  
Verbo carnem efficit:  
Fitque sanguis Christi merum,  
Etsi sensus deficit:  
Ad firmandum cor syncerum  
Sola fides sufficit.

Tantum ergo sacramentum  
Veneremur cernui:  
Et antiquum documentum  
Nouo cedat ritui:  
Præstet fides supplementum  
Sensuum defectui.

Genitori genitoque  
Laus & iubilatio,  
Salus, honor, virtus quoque,  
Sit & benedictio:  
Procedenti ab utroque  
Compar sit laudatio, Amen.

SEQUENTIA EIVSDEM  
AUTHORIS.

**L**auda Sion Salvatorem;  
Lauda ducem & pastorem;  
In hymnis & canticis.

Quantum potes, tantum aude:  
Quia maior omni laude,

Nec laudare sufficis.

Laudis thema specialis  
Panis viuus & vitalis,  
Hodie proponitur.

Quem in sacrae mensae cenae,  
Turbae fratrum duodenae,  
Datum non ambigitur,  
Sit laus plena, sit sonora,  
Sit iucunda, sit decora  
Mentis iubilatio.

Dies enim solennis agitur,  
In qua mensae primò recolitur  
Huius institutio.

in hac mensa noui regis,  
Nouum pascha nouae legis,  
Phase vetus terminat.

Vetustatem nouitas,  
Umbram fugat veritas;  
Noctem lux eliminat.

Quod in cena Christus gessit,  
Faciendum hoc expressit,  
In sui memoriam.

Docti sacris institutis,  
Panem vinum in salutis  
Consecramus hostiam.

Dogma datur Christianis,  
Quod in carnem transit panis,  
Et vinum in sanguinem.

Quod non capis, quod non vides,

Ani-



Animosa firmat fides,  
Præter rerum ordinem.  
Sub diuersis speciebus,  
Signis tantùm, & non rebus,  
Latent res eximiæ.

Caro cibus, sanguis potus:  
Manet Christus tamen totus,  
Sub vtraque specie.

A Sumente non concisus,  
Non confractus, non diuisus:  
Integer accipitur.

Sumit vnus, sumunt mille:  
Quantum isti, tantum ille,  
Nec sumptus consumitur.

Sumunt boni, sumunt mali  
Sorte tamen inæquali,  
Vitæ vel interitus.

Mors est malis, vita bonis:  
Vide paris sumptionis,  
Quàm sit dispar exitus.

Fracto demum sacramento,  
Ne vacilles: sed memento,  
Tantum esse sub fragmento,  
Quantum toto tegitur.

Nulla rei fit scissura:  
Signi tantùm fit fractura:  
Qua nec status, nec statura,  
Signati minuitur.

Ecce panis Angelorum:

Factus cibus viatorum:  
 Verè panis filiorum,  
 Non mittendus canibus.

In figuris præsignatur.  
 Cùm Isaac immolatur,  
 Agnus paschæ deputatur:  
 Datur manna patribus.

Bone pastor, panis vere  
 Iesù nostri miserere:  
 Tu nos pasce, nos tuere:  
 Tu nos bona fac videre,  
 In terra viuentium.

Tu qui cuncta scis & vales,  
 Qui nos pascis hic mortales:  
 Tuos ibi commensales,  
 Cohæredes & sodales,  
 Fac sanctorum cinium.  
 Amen. Alleluia.

*Oratio.*

**D**Eus qui nobis sub Sacramento mirabili Passionis tuæ memoriam reliquisti, tribue, quæsumus, ita nos corporis & sanguinis tui sacra mysteria venerari, vt redemptionis tuæ fructum in nobis iugiter sentiamus. Qui viuis & regnas cum Deo Patre, in vnitate Spiritus sancti Deus, per omnia secula seculorum, Amen.

*Alia ex B Ambrosio in prec. preparat. ad Missam.*

**S**umme Sacerdos & vere Pontifex Iesu Christe, qui obtulisti te Deo Patri, in ara Crucis Hostiã puram & immaculatam pro nobis miseris Peccatoribus, & qui dedisti nobis Carnem tuã ad manducandũ, & Sanguinẽ tuũ ad bibendum, fac me per Gratiã tuã semper illud de tanto Mystero credere, & intelligere, sentire, & firmiter retinere, dicere, & cogitare, quod tibi placet, & expedit Animæ meæ.

Panis sancte, panis viue, panis pulcher, panis munde, qui descendisti de Cælo, & das vitã mundo. Veni in cor meũ, & munda me ab omni inquinamento carnis & spiritus, intra in Animã meã, sana eam interiũs & exteriũs. Esto tutamentum & perpetua salus Corporis & Animæ meæ.

Repelle à me insidiantes mihi hostes, Recedant procul à præsentia tua, vt foris & intus per te munitus, recto tramite perueniã ad Regnũ tuũ, vbi non mysterijs, sicut in hoc tempore agitur, sed facie ad faciem te videbimus, cum tradideris Regnũ Deo Patri, & erit Deus omnia in omnibus. Tunc me de te te satiabis satietate mirifica, vt nec esuriam nec sitiã in æternũ. Qui cum eodẽ Deo Patre & Spiritu sancto viuis & regnas per omnia secula seculorum. Amen.

*Sub tuum præsidium confugimus S. Dei Genitrix.*



*M. de Vos inuent.  
Ioan. Collaert sculp.*

PATER NOSTER. AVE MARIA.

LITANIÆ QVÆ SINGV-  
 LIS DIEBVS FESTIS B. V.  
 & sabbati in Sacra Lauretana  
 æde Decantantur.

**K** Yrie eleison.  
 Christe eleison.

Kyne eleison. Christe audi nos.

Christe exaudi nos.

Pater de cœlis Deus, Miserere nobis.

Fili redēptor mundi Deus, Miserere no.

Spiritus sancte Deus, Miserere nobis.

Sancta Trinitas vnus Deus, Miserere no.

sancta Maria,

Sancta Dei genitrix

sancta virgo virginum,

Mater Christi,

Mater Diuinæ gratiæ,

Mater purissima

Mater castissima,

Mater inuiolata,

Mater intemerata,

Mater amabilis

Mater admirabilis,

Mater creatoris,

Mater saluatoris,

Virgo prudentissima,

Virgo veneranda,

Virgo prædicanda,

Oru pro nobis.

Virgo

Virgo potens,  
 Virgo clemens,  
 Virgo fidelis,  
 Speculum iustitiæ,  
 Sedes sapientiæ,  
 Causa nostræ lætitiæ,  
 Vas spirituale,  
 Vas honorabile,  
 Vas insigne deuotionis,  
 Rosa mystica,  
 Turris Dauidica,  
 Turris eburnea,  
 Domus aurea,  
 Fœderis Arca,  
 Ianua Cœli,  
 Stella matutina,  
 Salus infirmorum,  
 Refugium peccatorum,  
 Consolatrix afflictorum,  
 Regina Angelorum,  
 Regina Patriarcharum,  
 Regina Prophetarum,  
 Regina Apostolorum,  
 Regina Martyrum,  
 Regina Confessorum,  
 Regina Virginum,  
 Regina Sanctorum omnium, J  
 Agnus Dei, qui tollis peccata mundi,  
 parce nobis Domine.

Ora pro nobis.

Agnus

Agnus Dei, qui tollis peccata mundi,  
exaudi nos Domine.

Agnus Dei, qui tollis peccata mundi,  
miserere nobis.

*Oremus.*

**G**Ratiam tuam, quæsumus Domi  
ne, mentibus nostris infunde, vt  
qui Angelo nunciante Christi filij tui in-  
carnationem cognouimus, per passionem  
eius & Crucem, ad resurrectionis glori-  
am perducamur. Per eundem Christum  
Dominum nostrum. Amen.

O Clemens, O Pia, O dulcis Virgo Maria.



PATER NOSTER. AVE MARIA.



ALIAE LITANIAE B. MARIAE  
VIRGINIS IN AEDE  
Lauretana dici solitæ.

**K** Yrie eleison.  
Christe eleison.

Kyrie eleison.

Christe audi nos.

Christe exaudi nos.

Pater de cœlis Deus, Miserere nobis.

Fili Redemptor mundi Deus, Miserere

Spiritus sancte Deus, Miserere nobis.

Sancta Trinitas vnus Deus, Miserere no.

Sancta Maria,

Sancta virgo virginum,

Mater viuentium,

Mater pulchræ dilectionis,

Mater sanctæ spei,

Paradisus voluptatis,

Lignum vitæ,

Domus sapientiæ,

Porta cœli,

Desiderium collium æternorum,

Ciuitas refugij,

Gloria Hierusalem,

Sanctuarium Dei,

Tabernaculum foederis,

Altare thymiamatis,

Ora pro nobis.

Scala

Scala Iacob,  
 Speculum sine macula,  
 Liliū inter spinas,  
 Rubus ardens incumbustus,  
 Vellus Gedeonis,  
 Thronus Salomonis,  
 Turris eburnea,  
 Faus distillans,  
 Hortus conclusus,  
 Fons signatus,  
 Puteus aquarum viuentium,  
 Nauis institoris de longè portans  
 panem.

Stella matutina,  
 Aurora consurgens,  
 Pulchra, vt Luna,  
 Electa vt Sol,  
 Castrorum acies ordinata.

Solium gloriæ Dei,  
 Acunctis periculis, libera nos Virgo  
 gloriosa.

Per salutarem Conceptionem tuam,  
 libera nos Virgo gloriosa.

Per sanctam Natiuitatem tuam, libera  
 nos Virgo gloriosa.

Per admirabilem Annunciationem tuam,  
 libera nos Virgo gloriosa.

Per immaculatam Purificationem tuam,  
 libera nos Virgo gloriosa.

Per

Ora pro nobis.

Per gloriosam Assumptionem tuam,  
libera nos Virgo gloriosa.

Peccatores. Te rogamus audi nos.

Vt veram pœnitentiam nobis impetrare  
digneris, Te rogamus audi nos.

Vt societates tibi peculiari obsequio de-  
uotas conseruare & augere digneris,  
Te rogamus audi nos.

Vt Ecclesiæ sanctæ cunctoq̃ue populo  
Christiano pacem & vnitatem impe-  
trare digneris, Te rogamus audi nos.

Vt omnibus fidelibus defunctis requiem  
æternam impetrare digneris, Te ro-  
gamus audi nos.

Mater Dei, Te rogamus audi nos.

Agnus Dei, qui tollis peccata mundi,  
Parce nobis Domine.

Agnus Dei, qui tollis peccata mundi,  
Exaudi nos Domine.

Agnus Dei, qui tollis peccata mundi,  
Miserere nobis.

*Vers.* Ora pro nobis sancta Dei Genetrix.

*Resp.* Vt digni efficiamur promissionibus  
Christi.

*Oremus.*

**P**ietate tua, quæsumus Domine, no-  
strorum solue vincula peccatorum, &  
intercedente Beata Maria, cum omni-  
bus

bus Sanctis tuis, nos famulos tuos, benefactores, atque loca nostra in omni sanctitate custodi, omnesque consanguinitate, affinitate, atque familiaritate nobis coniunctos, à vitijs purga, virtutibus illustra, pacem & salutem nobis tribue, hostes visibiles & inuisibiles remoue; carnalia desideria repelle; aërem salubrem & fertilitatem indulge, amicis, & inimicis nostris charitatem largire, atque Oppidum Lauretanum, cum omnibus in eo habitantibus ab omni peste, infideliumque feritate & potentia illa sum conserua, & omnibus fidelibus viuus & defunctis in terra viuentium vitam & requiem æternā concede, & Pontificem nostrum N. Protectorem omnes Prælatos, & cunctum populum Christianum ab omni aduersitate custodi; & benedictio tua sit super nos semper. Per Christum Dominum nostrum. Amen.

*Planctus B. Mariæ Virginis.*

**S** Tabat mater dolorosa,  
Iuxta crucem lachrymosa,  
Dum pendeat Filius.

Cuius animam gementem,  
Contristantem & dolentem,  
Pertransiuit gladius.

O quam

O quam tristis & afflicta  
Fuit illa benedicta,  
Mater vnigeniti.

Quæ mærebat & dolebat,  
Et tremebat, cùm videbat  
Nati pœnas inclyti.

Quis est homo qui non fleret,  
Chruti matrem si videret  
In tanto supplicio?

Quis posset non contristari,  
Piam matrem contemplari,  
Dolentem cum filio?

Pro peccatis suæ gentis,  
Vidit Iesum in tormentis,  
Et flagellis subditum.

Vidit suum dulcem natum,  
Morientem desolatum,  
Dum emisit spiritum.

Eia mater fons amoris,  
Me sentire vim doloris,  
Fac vt tecum lugeam.

Fac vt ardeat cor meum,  
In amando Christum Deum,  
Vt sibi complaceam.

Sancta mater istud agas.  
Crucifixi fige plagas  
Cordi meo validè.

Tui nati vulnerati,  
Tam dignati pro me pati,

Poenas mecum diuide.

Fac me verè tecum flere,  
Crucifixo condolere,  
Donec ego vixero.

Iuxta crucem tecum stare,  
Te libenter sociare.  
In planctu desidero.

Virgo virginum præclara,  
Mihi iam non sis amara,  
Fac me tecum plangere.

Fac vt portem Christi mortem.  
Passionis eius sortem,  
Et plagas recolere.

Fac me plagis vulnerari,  
Cruce fac inebriari,  
Ob amorem filij.

Inflammatum & accensus,  
Per te virgo sim defensus  
In die iudicij.

Fac me cruce custodiri  
Morte Christi præmuniri,  
Confoueri gratia.

Quando corpus morietur,  
Fac vt animæ donetur  
Paradisi gloria, Amen.

*Vers.* Tuam ipsius animam doloris gladius pertransiuit.

*Resp.* Vt reuelentur ex multis cordibus cogitationes.

*Oratio.*

*Oratio.*

**I**Nterueniat pro nobis, quęsumus Domine Iesu Christe , nunc & in hora mortis nostrę , apud tuam clementiam beata virgo Maria mater tua , cuius sacratissimam animam , in hora tuę passionis , doloris gladius pertansuit. Per te Iesu Christe Saluator mundi : Qui cum Patre & Spiritu sancto viuis & regnas Deus , in secula seculorum.

Concede nos famulos tuos , quęsumus Domine Deus , perpetua mentis & corporis sanitate gaudere , & gloriosa beatę Marię semper virginis intercessionē à præsentī liberari tristitia , & æterna perfrui lætitia.

Deus qui corda fidelium sancti Spiritus illustratione docuisti, da nobis in eodem Spiritu recta sapere, & de eius semper consolatione gaudere.

Ecclesię tuę, quęsumus Domine, preces placatus admitte: vt destructis aduersitatibus , & erroribus vniuersis, secura tibi seruiat libertate.

Deus omnium fidelium Pastor & Rector , famulum tuum N. quem Pastorem Ecclesię tuę præesse voluisti , propitius respice : da ei , quęsumus , verbo

H

&amp;

& exemplo, quibus præ est, proficere, vñ ad vitam, vñ cum grege sibi credito, perueniat sempiternam.

Defende, quæsumus Domine, beata Maria semper virgine intercedente, istam ab omni aduersitate familiam; & toto corde tibi prostratam, ab hostium propitius tuere clementer insidijs.

Omnipotens sempiterne Deus, qui facis mirabilia magna solus, prætende super famulos tuos, & super congregationes illis commissas, Spiritum gratiæ salutatis: & vt in veritate tibi placeant, perpetuum eis rorem tuæ benedictionis infunde.

Deus largitor pacis, & amator charitatis, da famulis tuis veram cum tua voluntate concordiam, vt ab omnibus, quæ nos pulsant, tentationibus liberemur. Per Christum Dominum nostrum. Amen.

COMMENDATIO AD  
VIRGINEM MARIAM.

**O** Domina mea, sancta Maria, me in tuam benedictam fidem, ac singularem custodiam, & in finem misericordiæ tuæ, hodie & quotidie, & in hora exitus mei, & animam meam, &  
corpus



corpus meum tibi commendo : omnem  
 spem meam & consolationem meam,  
 omnes angustias & miseras meas, vitam  
 & finem vitæ meæ tibi committo : vt  
 per tuam sanctissimam intercessionem,  
 & per tua merita , omnia mea dirigantur  
 & disponantur opera , secundum tuam  
 tuique filij voluntatem, Amen.

*Alia Oratio ad Virginem.*

**O** Maria, Dei genitrix, & virgo gra-  
 tiosa, omnium desolatorum ad te  
 clamantium consolatrix vera, per illud  
 magnum gaudium, quo consolata es,  
 quando cognouisti Dominum iesum die  
 tertia à mortuis impassibilem resurrexis-  
 se, sis consolatrix animæ meæ: & apud  
 eundem tuum & Dei Natum vnigeni-  
 tum, in die nouissimo, quando cum  
 anima & corpore ero resurrecturus, & de  
 singulis meis factis rationem redditurus,  
 me digneris iuuare: vt perpetuæ dam-  
 nationis sententiam per te, pia mater &  
 virgo, valeam euadere, & cum electis  
 Dei omnibus ad æterna gaudia feliciter  
 peruenire. Amen.

A N T I P H O N Æ D E  
B. M A R I A V I R G I N E,

*Ad Dominica prima Aduentus, vsque ad Purificationem inclusiue.*

**A**lma Redemptoris mater, quæ  
peruia cæli  
Porta manes, & stella maris, succur-  
re cadenti,  
Surgere qui curat, populo : tu quæ ge-  
nuisti,  
Natura mirante, tuum sanctum geni-  
torem,  
Virgo prius ac posterius, Gabriëlis ab  
ore.

Sumens illud Aue, peccatorum miserere.

*In Aduentu, Vers.* Angelus Domini  
nunciauit Maria.

*Resp.* Et concepit de Spiritu sancto.

Oremus. *Oratio.*

**G**ratiam tuam, quæsumus Domine,  
mentibus nostris infunde : vt qui  
Angelo nunciante Christi Filij tui incar-  
nationem cognouimus, per passionem  
eius & crucem ad resurrectionis gloriam  
perducamur : Per eundem Christum  
Dominum nostrum.

*Resp.* Amen.

*Post*

*Post Natiuitam. Vers.* Post partum  
virgo inuolata permansisti.

*Resp.* Dei genitrix intercede pro nobis.

Oremus. *Oratio.*

**D**Eus, qui salutis eterne, beatę Marię  
virginitate fœcunda, humano gene  
ci præmia præstitisti: tribue quæsumus,  
vt ipsam pro nobis intercedere sentia  
mus, per quam meruimus auctorem vitæ  
suscipere, Dominũ nostrum Iesum Chri  
stum Filium tuum. *Resp.* Amen.

*A Purificatione vsque ad Feriam quintam in  
Cena Domini exclusiue, Antiphona.*

**A**Ve Regina cælorum,  
Aue Domina Angelorum:

Salve radix sancta,

Ex qua mundo lux est orta.

Gaude gloriosa,

Super omnes speciosa.

Vale valde decora.

Et pro nobis semper Christum exora.

*Vers.* Dignare me laudare te virgo sa  
crata.

*Resp.* Da mihi virtutẽ contra hostes tuos.

Oremus. *Oratio.*

**C**oncede misericors Deus fragilitati  
nostrę præsidium: vt qui sanctę Dei  
genitricis memoriam agimus, intercessio  
nis eius auxilio à nostris iniquitatibus

H 3

resurga-

resurgamus. Per eundem Christum Dominum nostrum. *Resp.* Amen.

*Tempore Paschali vsque ad Octauam Pentecostes exclusiue, Antiphona.*

**R**egina cæli lætare, alleluia. Quia quem meruisti portare, alleluia. Resurrexit, sicut dixit, alleluia. Ora pro nobis Deum, alleluia.

*Vers.* Gaude & lætare virgo Maria, alleluia.

*Resp.* Quia surrexit Dñs verè, alleluia.

*Oremus.*

**D**eus qui per resurrectionem Filij tui Domini nostri Iesu Christi, familiam tuã lætificare dignatus es: presta quesumus, vt per eius genitricem virginem Mariam, perpetuè capiamus gaudia vitæ. Per eundem Christum Dominum nostrum. *Resp.* Amen.

*Ab Octaua Pentecostes vsque ad Aduentum exclusiue, Antiphona.*

**S**alue Regina, mater misericordiæ. Vita, dulcedo, & spes nostra salue. Ad te clamamus exules filij Euę. Ad te suspiramus, gementes & flentes in hac lachrymarum valle. Eia ergo aduocata nostra, illos tuos misericordes oculos ad

nos conuerte. Et Iesum, benedictum fructum ventris tui, nobis post hoc exilium ostende. O clemens, ô pia, ô dulcis virgo Maria.

*Vers.* Ora pro nobis sancta Dei genitrix,

*Resp.* Ut digni efficiamur promissionibus Christi.

*Oremus.*


**O**mnipotens sempiterne Deus, qui gloriosæ Virginis matris Mariæ corpus & animam, ut dignum filij tui habitaculum effici mereretur, Spiritu sancto cooperante præparasti: da, ut cuius commemoratione lætatur: eius pia intercessione ab instantibus malis & à morte perpetua liberemur. Per eundem Christum Dominum nostrum.

*Resp.* Amen.

*Vers.* Diuinum auxilium maneat semper nobiscum.

*Resp.* Amen.

*Tuam ipsius animam pertransibit gladius.*



5. PATER NOSTER.

EXERCITIVM  
QVOTIDIANVM,

*Cùm manè surgis, muniens te signo  
sanctæ crucis, dic:*

In nomine Patris, & Filij, & Spiritus  
sancti, Amen.

Benedicta sit sancta & individua Trini-  
tas, nunc, & semper, & per infinita  
secula seculorum.

**P**ater noster, qui es in cælis. Sancti-  
ficetur nomen tuum. Adueniat  
regnum tuum. Fiat voluntas tua, sicut  
in cælo in terra. Panem nostrum quo-  
tidianum da nobis hodiè. Et dimitte no-  
bis debita nostra, sicut & nos dimitti-  
mus debitoribus nostris. Et ne nos in-  
ducas in tentationem. Sed libera nos à  
malo. Amen.

**A**ve Maria, gratia plena, Dominus  
tecum: benedicta tu in mulieribus,  
& benedictus fructus ventris tui Iesus.  
Sancta Maria, mater Dei, ora pro nobis  
peccatoribus, nunc, & in hora mor-  
tis nostræ. Amen.

H 5

Credo

**C**redo in Deum Patrem omnipotentem, creatorem cæli & terræ. Et in Iesum Christum, Filium eius unicum; Dominum nostrum. Qui conceptus est de Spiritu sancto, natus ex Maria virgine. Passus sub Pontio Pilato, crucifixus, mortuus, & sepultus. Descendit ad inferna: tertia die resurrexit à mortuis. Ascendit ad cælos: sedet ad dexteram Dei Patris omnipotentis. Inde venturus est iudicare viuos & mortuos. Credo in Spiritum sanctum. Sanctam Ecclesiam Catholicam, Sanctorum communionem. Remissionem peccatorum carnis resurrectionem. Et vitam æternam. Amen.

**C**onfiteor Deo omnipotenti, beatæ Mariæ semper virgini, beato Michaëli Archangelo, beato Ioanni Baptistæ, sanctis Apostolis Petro & Paulo, & omnibus Sanctis, quia peccaui nimis cogitatione, verbo, & opere, mea culpa, mea culpa, mea maxima culpa. Ideo precor beatam Mariam semper virginem, beatum Michaëlem Archangelum, beatum Ioannem Baptistam, sanctos Apostolos Petrum & Paulum, & omnes Sanctos, orare pro me ad Dominum Deum nostrum.

Misere.



**M**eretur nostri omnipotēs Deus:  
& dimissis omnibus peccatis no-  
stris, perducatur nos ad vitam aeternam.

*Resp.* Amen.

Indulgentiam,absolutionem,& remis-  
sionem omnium peccatorum nostrorum,  
tribuat nobis omnipotens & misericors  
Dominus. *Resp.* Amen.

Dignare Domine die isto sine peccato  
nos custodire. Miserere nostri Domine,  
miserere nostri. Fiat misericordia tua Do-  
mine super nos, quemadmodum spera-  
uimus in te. Domine exaudi orationem  
meam, & clamor meus ad te veniat.

*Oratio.*

**D**omine Deus omnipotens, qui ad  
principium huius diei nos perue-  
nire fecisti: tua nos hodie salua virtute  
vt in hac die ad nullum declinemus pec-  
catum, sed semper ad tuam iustitiam fa-  
ciendam, nostra procedant eloquia, diri-  
gantur cogitationes & opera. Per Chri-  
stum Dominum nostrum, Amen.

*Oratio.*

**A**ngele, qui meus es custos pietate  
superna, me tibi commissum serua,  
defende, guberna. Amen.

Benedictio. Dominus nos benedicat,  
& ab omni malo defendat, & ad vitam

perducatur æternam: & fidelium animæ  
per misericordiam Dei requiescant in  
pace, Amen.

*Cum mane, meridie, & vesperi salutationis  
Angelicæ signum datur.*

Angelus Domini nunciauit Mariæ, &  
concepit de Spiritu sancto. Ave Maria.

Ecce ancilla Domini, fiat mihi secun-  
dum verbum tuum. Ave Maria, &c.

Et verbum caro factum est,  
& habitauit in nobis. Ave Maria, &c.

*Oratio.*

**G**ratiam tuâ, quæsumus Dñe, men-  
tibus nostris infunde: vt qui Ange-  
lo nunciante, Christi Filij tui incarna-  
tionem cognouimus, per passionem eius  
& crucem, ad resurrectionis gloriam per-  
ducamur. Per eundem Christum Domi-  
num nostrum, Amen.

Fidelium animæ per misericordiam Dei  
requiescant in pace, Amen.

*Ante inchoationem Officij.*

*Oratio.*

**A**ctiones nostras, quæsumus Domi-  
ne, aspirando præueni, & adiuuân-  
do prosequere: vt cuncta nostra oratio &  
operatio à te semper incipiat, & per te cœ-  
pta finiatur. Per Christum Dñm nostrum. Am̃

*Post*

*Post officium. Oratio.*

**S** Vscipe clementissime Deus, precibus & meritis beatę Marię semper virginis, & omnium Sanctorũ & Sanctarum, officium seruitutis nostrę: & si quid dignum laude egimus, propitius respice: & quod negligenter actum est, clementer ignosce. Qui in Trinitate perfecta viuis & regnas Deus, per omnia secula seculorum. Amen.

*In aspersione aquę benedictę.*

Asperges me Domine hyssopo, & mundabor: lauabis me, & super niuem dealbabor.

*Ad sacrosanctum Eucharistię Sacramentum. Oratio.*

Aue verum corpus natum de Maria virgine. Verę passum, immolatum in cruce pro homine. Cuius latus perforatũ, vnda fluxit sanguine. Esto nobis pręgustatum mortis in examine. O dulcis, O pie: O Iesu fili Marię, miserere mei. Amē.

*Oratio ante Missam.*

**C**lementissime Pater misericordiarum, & Deus totius consolationis, qui non semel tantũ Filium tuum vni genitum in cruce nostrę reparationi impendisti, sed eius oblationem, tibi acceptissimam, in Ecclesia tua quotidie reno-

uari, ad eius fructum in nobis renouandum, voluisti: tribue nobis quæsumus, tam admirando huic, & tam salutari tuæ pietatis mysterio, sic attentè, reuerenter, & amanter interesse, vt eius participationem quàm efficacissimè consequi valeamus. Per eundem Dominum, &c.

*Benedictio mensæ pro secularibus.*

Benedicite. *Resp.* Dominus, *Oratio.*  
Benedic, Domine, nos, & hæc tua dona, quæ de tua largitate sumus sumpturi.  
Per Christum Dominum nostrum.

*Resp.* Amen.

*Gratiarum actio post mensam.* Benedicamus Domino. *Resp.* Deo gratias.

*Oratio.* Agimus tibi gratias omnipotens Deus, pro vniuersis beneficijs tuis. Qui viuis & regnas in secula seculorum.

*Resp.* Amen. Kyrie eleison. Christe eleison. Kyrie eleison. Pater noster

*secretò.* *Vers.* Et ne nos inducas in tentationem. *Resp.* Sed libera nos à malo.

*Vers.* Sit nomen Domini benedictum.

*Resp.* Ex hoc nunc & vsque in seculum.

*Oremus.*

**R**etribuere dignare, Domine, omnibus nobis dona facientibus propter nomen tuum vitam æternã. *Resp.* Amen.

*Vers.* Et fidelium animæ per misericordiam  
diam

diam Dei requiescant in pace. *Res. Amē.*

*Cū vadis dormitum, muniens te signo  
S. Crucis, dic.*

In nomine Patris, & Filij, & Spiritus  
sancti, Amen.

*Examen conscientie, puncta quinque  
complectens.*

1. Domino nostro Deo, pro beneficijs  
acceptis, gratiæ agendæ sunt.
2. Ab eodem, pro cognitione & expul-  
sione peccatorū, gratia efflagitanda est.
3. De admissis præsentis die peccatis ratio  
ab anima nostra exigenda est, per ho-  
ras singulas, ex quo surreximus, vesti-  
gando. Et primò quidem circa cogita-  
tionem, deinde circa loquelam, atque  
operationem.
4. Expetenda est venia de delictis.
5. Proponenda est, cum Deigratia, emen-  
datio.

*Deinde iunctis manibus: Benedicta sit san-  
cta & indiuidua Trinitas, nunc, & sem-  
per, & per infinita seculorum secula.  
Pater noster. Ave Maria. Credo.  
Confiteor. &c. vt supra.*

*Hymnus.*

**T**E lucis ante terminum,  
Rerum creator poscimus:

Vt

Vt solita clementia,  
Sis præsul ad custodiam.

Procul recedant somnia,  
Et noctium phantasmata:  
Hostemque nostrum comprime,  
Ne polluantur corpora.

Præsta Pater omnipotens,  
Per Iesum Christum Dominum:  
Qui tecum in perpetuum  
Regnat cum sancto Spiritu. Amen.

*Antiph.* Salua nos Domine vigilantes, custodi nos dormientes: vt vigilemus cum Christo, & requiescamus in pace. Custodi nos Domine vt pupillam oculi: sub vmbra alarum tuarum protege nos. Dignare Domine nocte ista sine peccato nos custodire. Miserere nostri Domine, miserere nostri. Fiat misericordia tua Domine super nos, quemadmodum sperauimus in te Domine exaudi orationem meam, & clamor meus ad te veniat.

*Oratio.*

**V**isita quæsumus Domine habitacionem istam, & omnes insidias inimici ab ea longè repelle: Angeli tui sancti habitent in ea, qui nos in pace custodiât, & benedictio tua sit super nos semper. Per Christum Dominum nostrum. Amen.

Angele

Angele Dei , qui custos es mei , me tibi commissum pietate superna , hac nocte illumina, custodi, rege, gubernata. Amen.

*Benedictio.* Benedicat & custodiat nos omnipotens & misericors Dominus, Pater, & Filius, & Spiritus sanctus. Amen.

*Oratio preparatoria ad Confessionem  
Sacramentalem.*

**C**onditor cæli & terræ , Rex regum, & Dominus dominantium, qui me de nihilo fecisti ad imaginem & similitudinem tuam, & me proprio tuo sanguine redemisti , quem ego peccator non sum dignus nominare nec inuocare, nec corde cogitare. Te suppliciter deprecor , & humiliter exoro , vt clementer respicias me seruum tuum nequam. Et miserere mei, qui misertus fuisti mulieri Cananæ, & Mariæ Magdalenæ : qui pepercisti publicano , & latroni in cruce pendenti. Tibi cōfiteor Pater pijsime peccata mea: quæ si volo abscondere, non possum tibi Domine. Pater mihi Christe , quem ego nuper multū offendi, cogitando, loquendo, operando , & in omnibus modis , in quibus ego fragilis homo & peccator peccare potui, mea culpa, mea culpa, mea maxima

maxima culpa. Ideo Domine precor tuam clementiam, qui de celo pro mea salute descendisti, qui David à peccati lapsu erexisti, parce mihi Domine, parce mihi Christe, qui Petro te neganti pepercisti. Tu es creator meus, & redemptor meus. Dominus meus, & saluator meus; rex meus, & Deus meus. Tu es spes mea, & fiducia mea; gubernatio mea, & auxiliatio mea; consolatio mea, & fortitudo mea; defensio mea, & liberatio mea; vita mea, salus mea, & resurrectio mea, lumen meum, & desiderium meum; adiutorium meum, & patrocinium meum. Te deprecor & rogo adiuua me, & saluus ero: governa me, & defende me: conforta me, & consolare me: confirma me, & lætificame: illumina me, & visita me. Suscita me mortuum, quia factura & opus tuum sum. Domine ne despicias me, quia famulus & seruus tuus sum, quamuis malus, quamuis indignus & peccator, sed qualiscunq; sim, siue bonus, siue malus, semper tuus sum. Ad quem ergo fugiam, nisi ad te vadam? Si tu me eiicis, quis me recipiet? Si tu me despicias, quis me aspiciet? Recognosce me ergo indignum ad te refugientem, quamuis sim vilis & immundus: quia si vilis & immundus sum, potes me munda



mundare: si cæcus sum, potes me illuminare: si infirmus sum, potes me sanare: si mortuus & sepultus sum, potes me resuscitare: quia maior est misericordia tua, quàm iniquitas mea: maior est pietas tua, quàm impietas mea: plus potes dimittere, quàm ego cõmittere, & plus parcere quàm ego peccator peccare. Non ergo despicias Domine, neque attendas multitudinem iniquitatum mearum: sed secundũ multitudinem miserationum tuarũ miserere mei, & propitius esto mihi maximo peccatori, Dic animẽ meã: Salus tua ego sum. Qui dixisti; Nolo mortem peccatoris, sed magis vt conuertatur & viuat: cõuertere me Domine ad te, & noli irasci cõtra me. Deprecor te clementissime Pater propter misericordiam tuam, supplico & exoro, vt perducas me ad bonum finem, ad veram pœnitentiam, puram confessionem, & dignam satisfactionem omnium peccatorum meorum, Amen.

*Oratio ante confessionem Sacramentalem.*

**S**Vscipe confessionem meã, pijsime ac clemētissime Dñe Iesu Christe, vnica spes salutis animẽ meã, & da mihi (obsecro) contritionem cordis, & lachrymas oculis meis, vt defleã diebus ac noctibus  
omnes

omnes negligentias meas cū humilitate  
& puritate cordis. Appropinquet oratio  
mea in conspectu tuo Domine. Si iratus  
fueris cōtra me, quem adiutorē quēram?  
quis miserebitur iniquitatibus meis? Me-  
mento mei Domine, qui Cananēam &  
Publicanū vocasti ad pœnitentiā, & Pe-  
trum lachrymantē suscepisti, Dñe Deus  
meus, suscipe preces meas. Saluator mūdi  
Iesu bone, qui te crucis morti dedisti, vt  
peccatores saluos faceres, respice me mi-  
serū peccatorē, inuocantē nomen tuū: &  
noli sic attendere malū meū, vt obliuis-  
caris bonū tuum: & si commisi vnde me  
damnare potes, tu nō amisisti vnde salua-  
re soles. Parce ergo mihi, qui es saluator  
meus, & miserere peccatrici animæ meæ  
Solue vincula eius, sana vulnera. Domine  
Iesu, te desidero, te quēro, te volo: ostēde  
mihi faciē tuā, & saluus ero. Emitte igitur  
pijsime Dñe, meritis purissimæ & imma-  
culatæ semper virginis genitricis tuæ  
Mariæ & Sanctōrū tuorum, lucem tuam  
& veritatem tuam in animam meam,  
quæ omnes defectus meos in veritate  
mihi ostendat, quos confiteri me oportet,  
atque iuuet & doceat ipsos plenè &  
contrito corde explicare. Qui viuus &  
regnas.

*Oratio post confessionem.*

**S**It tibi Domine, obsecro, meritis beate semper virginis genitricis tuę Maria, & omnium Sanctorum, grata & accepta ista confessio mea: & quicquid mihi defuit nunc & alias de sufficientia contritionis, de puritate & integritate confessionis, suppleat pietas & misericordia tua, & secundum illam digneris me habere plenius & perfectius absolutum in cęlo. Qui viuis, &c.

## ORATIO ANTE SANCTAM COMMVNIONEM.

**A**D mensam dulcissimi conuiuij tui, pie Domine Iesu Christe, ego peccator de propriis meritis nihil pręsumens, sed de tua confidens misericordia & bonitate, accedere vereor & contremisco. Nam cor & corpus habeo multis criminibus maculatum, mentem & linguam non caute custoditam. Ergo o pia deitas, o tremenda maiestas, ego miser inter angustias deprehensus, ad te fontem misericordię recurro, ad te festino sanandus: sub tuam protectionem fugio: & quem iudicem sustinere nequeo, saluatorem habere suspiro. Tibi Domine plagas meas ostendo: tibi verecundiam meã dere-

detego. Scio peccata mea multa & magna, pro quibus timeo. Spero misericordias tuas, quarum non est numerus. Respice in me oculis misericordiae tuae, Domine Iesu Christe, Rex aeternae, Deus & homo, crucifixus propter hominem. Exaudi me sperantem in te: miserere mei pleni misericordiae & peccatis: tu qui fontem miserationis nunquam manare cessabis. Salve salutaris victima, pro me & omni humano genere, in patibulo crucis oblata. Salve nobilis & pretiose sanguis, de vulneribus crucifixi Domini mei Iesu Christi profluens, & peccata totius mundi abluens. Recordare Domine creaturae tuae, quam tuo sanguine redemisti: poenitet me peccasse; cupio emendare quod feci. Aufer ergo a me, clementissime Pater, omnes iniquitates & peccata mea: ut purificatus mere & corpore, dignè degultare merear sancta sanctorum: & concede, ut sancta prelibatio corporis & sanguinis tui, quam ego indignus sumere intendo, sit peccatorum meorum remissio, sit delictorum perfecta purgatio, sit turpium cogitationum effugatio, bonorumque sensuum regeneratio, operumque tibi placentium salubris efficacia, anime quoque & corporis, contra inimicorum meorum insidias, firmissima tutio. Amen.

*Alia Oratio sancti Thomæ Aquinatis  
ante Communionem.*

**O**mnipotens sempiterne Deus, ecce accedo ad Sacramentum vnigeniti Filij tui Domini nostri Iesu Christi. Accedo tanquam infirmus ad medicū vitæ, immundus ad fontē misericordiæ, cæcus ad lumē claritatis æternæ, pauper & egenus ad Dominū cæli & terræ. Rogo ergo immensæ largitatis tuæ abundantiam, quatenus meam curare digneris infirmitatē, lauare foeditatem, illuminare cæcitatē, ditare paupertatem, vestire nuditatē: vt te panem Angelorum, Regem regum, Dominum dominantium, tanta suscipiã reuerentia & humilitate, tanta contritione & deuotione, tãta puritate & fide, tali proposito & intentione, sicut expedit salutis animæ meæ. Da mihi quæso, Domini corporis & sanguinis non solum suscipere Sacramentum, sed etiam rem & Virtutem Sacramenti. Omitissime Deus, da mihi corpus vnigeniti Filij tui Domini nostri Iesu Christi, quod traxit de virgine Maria, sic suscipere, vt corpori suo mystico merear incorporari, & inter eius membra connumerari. O amantissime Pater, cōcede mihi dilectum Filiū tuum, quem

quem nunc velatum in via suscipere propono, reuelata tandem facie perpetuo contemplari. Qui tecum, &c.

*Oratio S. Thomae Aquinatis post  
Communionem.*

**G**RATIAS tibi ago Domine sancte, Pater omnipotens, aeternae Deus, qui me peccatorem, indignum famulum tuum, nullis meis meritis, sed sola dignatione misericordiae tuae, satiare dignatus es pretioso corpore & sanguine Filij tui Domini nostri Iesu Christi. Et deprecor, ut haec sancta Communio non sit mihi reatus ad poenam, sed intercessio salutaris ad veniam. Sit mihi armatura fidei, & scutum bonae voluntatis. Sit vitiorum meorum euacuatio, concupiscentiae & libidinis exterminatio, charitatis & patientiae, humilitatis & obedientiae augmentatio, contra insidias inimicorum omnium, tam visibiliu[m] quam inuisibiliu[m], firma defensio: motuum meorum, tam carnalium quam spiritualiu[m], perfecta quietatio, in te vno ac vero Deo firma adhaesio, atque mei finis felix consummatio. Et precor te, ut ad illud ineffabile conuiuium me peccatorem perducere digneris: vbi tu cum Filio tuo, & Spiritu sancto, Sanctis tuis es



ambiat, te quærat, te inueniat, ad te tendat, ad te perueniat, te meditetur, te loquatur, & omnia operetur in laudem & gloriam nominis tui, cum humilitate & discretione, cum dilectione & delectatione, cum facilitate & affectu, cum perseverantia vsque in finem: & tu sis solus semper spes mea, tota fiducia mea, diuitiæ meæ, delectatio mea, iucunditas mea, gaudium meum, quies & tranquillitas mea, pax mea, suauitas mea, odor meus, dulcedo mea, cibus meus, refectio mea, refugium meum, auxilium meum, sapientia mea, portio mea, & possessio mea, thesaurus meus, in quo fixa & firma & immobiliter semper sit radicata mens mea & cor meum, Amen.

*Alia oratio post Communionem.*

**I**neffabilem misericordiam tuam, Domine Iesu Christe, humiliter exoro, ut hoc Sacramentum corporis & sanguinis tui, quod indignus suscepi, sit mihi purgatio scelerum, sit fortitudo fragilium, sit contra mundi pericula firmamentum, sit impetratio veniæ, sit stabilimentum gratiæ, sit medicina vitæ, sit memoria tuæ passionis, sit contra debilitatem



litatem fomentum , sic viaticum meæ  
 peregrinationis. Euntem me conducatur,  
 errantem me reducat , reuertentem me  
 suscipiat , titubantem me teneat, cadentem  
 me erigatur, & perseverantem me in  
 gloriam introducat. O altissime Deus,  
 beatissima præsentia corporis & sanguinis  
 tui sic immutetur palatum cordis  
 mei , vt præter te nullam vnquam  
 sentiat dulcedinem , nullam amet pulchritudinem,  
 nullum quærat illicitum amorem , nullam  
 desideret consolationem, nullam admittat  
 vnquam delectationem , nullum curet honorem,  
 nullam timeat crudelitatem. Qui vivis &  
 regnas cum Deo Patre in unitate  
 Spiritus sancti Deus  
 per omnia secula seculorum. Amen.



MODVS UTILITER  
AVDIENDI SACRVM.

I.

Ante Sacrum.

**C**ogita te sacrum audiendo eosdē prorsus animi motus sentire debere, quas sensisses si passioni Christi præsens interfuisses, & illum in sacra crucis ara sui corporis hostia, & pretiosi sanguinis effusione, mundum Patri reconciliantem cōtemplatus fuisses: est enim Missa sacrificij illius vera & viua representatio, vbi idem sacerdos Christus, eademque hostia, & fructus sacrificij.

ORATIO ANTE SACRVM.

**R**edemptor humani generis Christe Iesu, tot tantisque à te sumus aucti promeritis, tantisque post assumptā carnē beneficijs cumulati: vt prorsus de tuo erga nos amore addubitare non possim. Hoc attestatur tuæ vitæ ac mortis religiosissima & cum omni æternitate adæquanda memoria: hoc prædicant ista, quæ tu extare volebas in humanū genus, monimenta diuini amoris sempiterna Passus es, Saluator clementissime, mortem ignominiosissimam: vitam propter me duxisti contemptissimā: Nec vllis libera-

litis finibus hæc tanta beneuolentia arceri potuit. Sed vilitatem tuam, abiectionem, ignominiam omnibus omnium seculorū mortalibus notam esse atque testatam voluisti. Imò verò vt tuo beneficio ego gratus & pius, in maximi beneficii memoria, esse possim, acerbissimā tuā mortē, & luctuosissimi funeris exequias, quotidie de integro præcipis celebrari. Concede obsecro mihi tuam gratiam, ne otiosus sanctissimæ oblationi tuæ assistā: sed vt meritam tibi Deo immortalī gratiā iustis honoribus persoluā. Concute terrenas animę mex cogitationes, & contemne duritiem cordis mei, tantorum commemoratione beneficiorum.

ORATIO AD B. VIRGINEM MARIAM, Ante Sacrum.

**O** Mater pietatis & misericordię, beatissima Virgo Maria, ego miser & indignus peccator ad te cōfugio toto corde & affectu, & precor tuam pietatem, vt sicut dulcissimo filio tuo in cruce pendēti astitisti, & simul cum illo sacrificium immaculatum corporis & sanguinis eius in mundi redemptionem Deo Patri obtulisti; ita nobis omnibus hęc & in tota Ecclesia huic sacrificio hodie præsentibus clemen-

clementer assiltere digneris, vt tuis adiuti precibus, dignam & acceptabilem hostiã summæ Trinitati offerre, & diuinos eius fructus percipere valeamus, Amen.

2.

*Dum Sacerdos facit confessionem.*

*Perpende quàm graua fuerint, tum primi parentis, tum alia omnia totius mundi peccata, propter quæ tollenda Dei Filius incarnari & mori voluit. Tua corã Deo agnosce & confitere; & roga vt pretiosus Christi sanguis, qui hic offerendus est, & tuas & totius mundi sordes misericorditer abluat.*

ORATIO.

**S**ANCTissime & pijssime Iesu, splendor ipse æternæ gloriæ, non indigneris, quæso, mihi seruo tuo, quòd te aduentantem, puro, sancto, & immaculato non accipiã hospitio: sed ecce in ipso ad tanta mysteria ingressu, inuito ad labes animæ purgandas, paralyticum, quem suum scelus de sanitate ac mente deturbauit, offero pristinæ saluti restituendum: animam meã, misera ægritudine afflictam, ostendo. Pudet me, Domine, deformitatis, inopiæ, & vilitatis meæ. Et hoc cui conquerar, mi Iesu, nisi tibi ipsi, qui misericordissimus es medicus animarum. Ignosce mihi, omnium concupiscentiarũ maculis

noratissimo. Agnosco & confiteor, purissimā vitam à te mihi donatam, omni decore esse inquinatam: quapropter obsecro, vt quicquid vanitas cogitationum, verborū leuitas, ac operum prauitas, maculis aspersit, tu precioso tuo sanguine eluere, ac tuo supplicio expiare digneris. Da mihi omnia merita, omnes virtutes, omnes iustitias, omnem denique decorē vitæ, passionis, ac mortis tuæ. Largire mihi quoque omnia promerita ac virtutes Beatissimę virginis Marię, omnium Sanctorum tuorum, & præcipuè quorū hodie festiuitas in regno tuo celebratur.

3.

*In prima Missę parte vsque ad offertorium vitam Christi, quæ varijs ceremonijs à Sacerdote representatur, meditando percurres: Eius in incarnatione charitatem, in natiuitate paupertatem, in circumcissione dolores, in tota vita obedientiam, in prædicatione zelum animarum ingentem, defatigationes, famem, sitim, miracula, & id genus alia, vel simul omnia, vel singula, prout affectus feret, considerando.*

## O R A T I O.

**A** Mantissime humani generis saluator Christe Iesu, mundi creator ac redemptor, vtinam ita mihi pietas esset in referendis gratijs iucūda: sicut tibi mea  
salus

salus chara fuit , cùm miserabilis nostræ  
tum damnationis tum calamitatis mise-  
ric ordia captus, de regalibus sedibus , de  
mellifluo corde Patris, intra regionis mi-  
seræ fines descendisti , & hanc à natura  
communem lucem accepisti:

O Iesu amantissime , quantopere nos  
ab initio dilexisti? Procreasti nos, & hoc  
spiritu vitali donasti: & cùm prorsus ab  
omni tutore orbari, nullius fidem imple-  
rare potuissemus , salutem hominum in  
tua esse tutela voluisti : & ne finis aut  
exitus aliquis tuæ erga nos benevolentie  
reperiretur, maximis vinculis propinqui-  
tatis & affinitatis hominibus coniungi,  
& hominum agnatione ac gente teneri  
es dignatus. Adeoque pauper effectus es,  
nostræque miserie ita gustasti amaritudi-  
nem: vt ipso natiuitatis tuæ tempore, nec  
tantillum rei haberes hæreditariæ , vbi  
puerilia tua membra hospitio accipi pos-  
sint. Vix dum in lucem susceptus eras , &  
adhuc inter castissima matris tuæ brachia  
iacebas, necdum cuiquam verbum dixe-  
ras: cùm crudeles homines vitam, quam  
à parente sanctissima acceperas, adimere  
quærebant. Et cùm triginta ferè annos,  
sub matris obediētia latens, in hominum  
ignoratione versatus fuisses, in profuen-

te Iordanis aqua ablutus, atque in summa illa famis & solitudinis patientia, ab hoste es laceffitus Iesu dulcissime, hoc modo nostram es redemptionem exorsus: ita salutem nostram es operatus, his pœnis atque ærumnis infantiam tuam consecrasti: his calamitatibus vitam exposuisti, atque vsque ad consumptionem tui, in laboribus & aduersitatibus, in vigilijs & lachrymis, in orationibus & prædicationibus, in fame & siti, in frigore & æstu, in itineribus & persecutionibus, temet ipsum pro nobis afflixisti. Hæ fuerunt, amantissime Iesu, diuitiæ illæ, hæ merces, quibus viles nos homunciones comparasti: tanti nos faciens, vt amore nostri vitam tuam non modò in pœnas & opprobria, sed in extremum etiam discrimen vltro offerres. Adoro igitur te, Saluator noster, benedico te, & gratias ago tibi, pro innocentia tua singulari, pro vita tua & viuendi integritate sanctissima, pro doctrina saluberrima, pro peregrinatione laboriosissima, pro discipulorū vacatione, pro beneficiorum erogatione, atque pro inæstimabili dilectione. Et per hæc omnia, ardentissimam charitatem tuam obsecro, vt me vilissimum, perfidia peccatorum à te distractum, in tuam gratiam reducas.



reducas, & me innocentia ac misericordia tua, à libidinum impetu & scelerum labe vindicare non desinas: seruum perpetuò fidelè me tibi efficias, reges, tuque solus me, amantissime, secundum tuum beneplacitum, perpetuò possideas.

4.

*Dum legitur Euāgelium attētus stabis, & spiritualem aliquem ex eo fructū colligere conaberis. Quòd si symbolum dicatur, illud cum Sacerdote recitando, breuem fidei professionem facies.*

5

*Ab offertorio ad eleuationem cogita Christi immensam charitatem, quæ tum toto vitæ suæ tempore, tum maximè triduo ante passionem Hierosolymam veniens, & postea orans in horto se Deo Patri obtulit, ut nostris peccatis satis faceret, & hostia viua nos Deo reconciliaret. Tu similiter Deo Patri cum Filij hostia te ipsum totum offeras.*

ORATIO.

OBLATVS EST, QVIA IPSE VOLVIT

**V**Erè pius, verè misericors es Iesu clementissime: quis enim hoc attentasset, nisi tu offerri voluisses? Nam cum nihil pretiosius, nihil amabilius & charius te ipso habuissemus, quis in te pro peccatis & sceleribus nostris animaduertere præsumpisset? Sola nostræ calamita-

tis misericordia te cepit, sola charitas te induxit, vt cum propter paupertatem, & miseriam nostram, soluendo non essemus, & ab omni prorsus auxilio destitueremur: tu ipse pretium factus, debitum nostre perditionis sanguine tuo pretiosissimo persoluiisti: nostram salutem, quam vitam tuam, chariorē duxisti. Quid enim tu vnquam commisisti? quod scelus tuum? que noxa tua? que causa mortis? Ego, ego sum tui plaga doloris, tuæ culpa occisionis. O mirabilis dignatio; peccat iniquus, & punitur iustus: offendit impius, & datur pius. Quid Rex meus & Deus meus, quid retribuam tibi pro omnibus, que tribuisti mihi? Ecce quicquid optimum, charissimum, pretiosissimum habemus, nimirum te ipsum, tibi iterum atque iterum offerre volumus: Veni ergo, & de altissimo gloriæ tuæ solio descende. Ecce proferimus tibi Deo, rerum omnium Creatori & Saluatori, primitias ex tuis creaturis & donis, Panem & vinum aqua mixtum, in carnem & sanguinem tuum mox consecranda. Digneris summe Deus hanc oblationem, placatus pro cuncto populo tuo quem acquisiisti sanguine tuo, accipere. Et quoniam, Benignissime Iesu, quanta nos beneuolentia complectaris, antequam vinculis, & verberibus, atque omni supplicio

ex-

excruciatuſ necaretis, ſatis declarati: Cū inter varia laudis & honoris præconia, quibus te a ſello infidentē plebs cū ramis arborū occurrēs excepit, vrbis, imò magis animarum exitium & perniciem deſſens, vim lachrymarū profudiſti. Oro obſecroque hanc tuā charitatem, tuaſq; lachrymas obteſtās: da mihi pari lætitia te Chriſtum in Sacramento præſentē excipere: & ita ad complectendū te ſeruatorē procedere per ſancta deſideria, ſicut plebs illa deuota in die Palmarū tibi obuiā prodijt. Da etiam nos ipſos, noſtraq; omnia, pro tanto beneficio aſpernari & contemnere: ſicut illi veſtimenta, ante conſpectū tuū ſternentes, abiecerunt in via. Sanctus, Sanctus, Sanctus, Dominus Deus. &c.

6.

*Post præſationem orabis pro omnibus Eccleſie ſtatibus, parentibus tuis, & amicis, &c.*

## O R A T I O.

**S**Vmme Sacerdos & vere Pontifex Ieſu Chriſte, tibi humani generis redemptori, pro ſalute in primis mea, ſupplico: vt quoniam me ab initio in tua fide & poteltate poſuiſti: nullā partem, neq; animi neque corporis, vacuam tua tutela relinquo: & omnē infeſtiſſimū hoſtium impetum à me propulſes. Oro etiam: Dñe

I 7 .

pro

pro vniuersa sancta Ecclesia Catholica  
pro omnibus Christianorū Rectoribus  
pro Episcopo præsertim & Rege nostro  
pro religiosis atque secularibus, cuncti sc̄q̄  
in te credentibus, qui tuo amori suū stu-  
dium consecrarunt. Præsta, Domine Rex  
æterne, tibi Deo dicatis continentiam, vir-  
ginibus castitatem, coniugatis sanctimo-  
niam, pœnitentibus indulgentiam, viduis  
& orphanis tutelam, pauperibus auxi-  
lium, peregrinatibus reditum, lugenti-  
bus consolationē; optimis vt in bonitate  
semper consistant, bonis & mediocribus  
vt meliores fiant, prauè agentibus & de-  
linquentibus vt citò se ad meliorem fru-  
gem recipiant. Obtestor te Saluator dul-  
cissime, per orationes Patriarcharum, per  
merita Prophetarū, per suffragia Aposto-  
lorum, per constantiam Martyrum, per  
fidem Confessorū, per castitatem Virgi-  
num, & per intercessionē omnium San-  
ctorum, qui tibi ab omni æternitate pla-  
cuerunt. Per te Iesum agnum Paschalem,  
qui agnus ipse iam iam pro nobis immo-  
landus, cum discipulis comedens, corpus  
tuum & sanguinem sub specie panis &  
vini sumenda eisdē tradidisti, id ipsumq̄;  
in nobis in tuæ dilectionis & nostræ redē-  
ptionis memoriam fieri, præcipiens, insti-  
tuiti.

tuisti. Oro te bone Iesu, ignosce omnibus iniquitatibus meis, & quidquid negligētiæ, quidquid delicti, circa hoc tremendū Eucharistiæ Sacramentum admisi, ea deleas charitate, qua te nobis donasti. Accēde cor meum, flagrantissimo huius diuinissimi Sacramenti amore & desiderio.

7.

*Quando eleuatur corpus & sanguis Christi Domini, imaginaberis te Christum videre in cruce suspensum, & ex eius vulneribus largiter decurrentē sanguinem. Orabis vt te & totum mundū expurget, charitate inflammet, & ad se trahat: quia ipse est qui dixit, cum exaltatus fuero à terra, omnia traham ad meipsum.*

ORATIO S. THOMÆ  
AQUINATIS.

**A** Doro te supplex latens Deitas, quæ sub his figuris verè latitas. Tibi se cor meū totum subijcit: quia te contemplanis totum deficit. Visus, gustus, tactus in te fallitur: sed auditu solo in te creditur. Credo quicquid dixit Dei filius: verbo veritatis nihil verius. In cruce latebat sola Deitas: sed hīc latet simul & humanitas. Ambo tamen credens atque confitens, peto quod petiuit latro pœnitens. Plagas sicut Thomas non intueor: Deū tamen

tamen meum te confiteor. Fac me tibi  
semper magis credere, in te spem habere,  
te diligere. O memoriale mortis Domini,  
panis verus, vitam prestans homini. Pre-  
sta meæ menti de te viuere, teq; illi sem-  
per dulce sapere. Pie pelicane Iesu Do-  
mine, me immundū munda tuo sangui-  
ne: cuius vna stilla saluum facere totum  
mundum posset omni scelere. Iesu, quem  
velatum nunc aspicio, quando fiet istud  
quod tam sitio: vt reuelata cernens facie,  
visu sim beatus tuæ gloriæ? Amen.

8.

*Post eleuationem contemplare Christum in al-  
tari crucis positum, eius vulnera singula & dolores  
considera, & aeterno Patri pro tuis toriusq; mundi  
peccatis offer. Vel Christum roga, vt septem illa  
verba, quæ in cruce dixit, iam ex altari tanquam e  
cruce proferat; & pro peccatoribus, qui etiam hoc  
tempore illum crucifigunt, oret Patrem, dicens: Pa-  
ter parce illis, quia nesciunt quid faciunt.*

*Te beatæ Virgini quasi adstanti commendet, &  
filialem erga illam affectū largiatur, vt S. Ioanni:  
Mulier ecce filius tuus; ecce mater tua; vt nimirū  
illam in tuam accipias.*

*Voce illa, Sitio, excitet te ad maiorem salutis  
tuæ, & aliorum curam, & animarum zelum. Hoc  
enim erat quod in cruce clamabat, & nunc in alta-  
ri clamat, Sitio.*

Omnibus

Omnibus in mortis agone constitutis operam ferat  
& solatiwm, dicatq; illis quod Latroni, Hodie me-  
cum eris in paradiso. Qui se propter te à Patre suo  
derelictum testatus est, concedat, vt nunquam à te  
derelinquatur, sed perpetuæ passionis suæ memo-  
ria, & mundicontemptu profecto te secum crucifi-  
gat, vt tibi mundus crucifixus sit, & tu mundo.

Consumment in te & perficiat Christianæ vitæ  
debitum, quod in virtutum omnium perfectione  
consistit. Ea enim est consummatio, quā nobis me-  
ritus est Christus passione sua: Ideo dixit, consum-  
mata sunt; nam vna oblatione consummauit san-  
ctificatos. Denique qui Patri suo animam suam  
commendauit, dicens: In manus tuas commēdo spi-  
ritum meum; concedat, vt post vitam Christianè  
actam, animam tuam in manus eius commendare,  
& cum fiducia & pace mori, valeas.

ORATIO QVA REPRÆ-  
SENTAT HOMO DEO PATRI  
PASSIONEM FILII.

*Ex meditationibus D. Augustini.*

**A** Spice pie Pater, pijsimum filium,  
pro me tam impia passum. Respi-  
ce clementissime Rex, quis patitur, &  
reminiscere benignus pro quo patitur.  
Nōne hic est, mi Domine, innocens ille,  
quem vt seruum redimeres, filium tradi-  
disti? Numquid non auctor vitæ hic est,  
qui

qui vt ouis ad occisionem ductus, tibi q̄  
vsque ad mortem obediens factus, atro-  
cissimæ non timuit necis genus subire?  
Recole totius salutis dispensator, quia  
hic est ipse, quem etsi ex tua virtute ge-  
nuisti, meæ tamē infirmitatis participem  
feri voluisti. Verè hæc est tua Deitas, quæ  
meam induit naturā, quæ crucis ascendit  
patibulum, quæ in assumpta carne, triste  
tulit supplicium. Reduc, Domine Deus  
meus, oculos tuæ maiestatis super opus  
ineffabilis pietatis. Intuere dulcem natū  
toto corpore extensum: cerne manus in-  
noxias, pia manantes sanguine, & remit-  
te placatus scelera, quæ patrarunt manus  
meæ. Cōsidera inerme latus, crudeli per-  
fossus cuspide, & renoua me sacro fonte,  
quem inde credo fluxisse. Vide immacu-  
lata vestigia, quæ non steterunt in via  
peccatorum, sed semper ambulauerunt  
in lege tua, diris infixæ clauis: & per fice  
gressus meos in semitis tuis, & fac me  
odio habere benignus omnes vias iniqui-  
tatis. Viam iniquitatis amoue à me, &  
fac me propitius viam veritatis eligere.  
Oro te Rex Sanctorum, per hunc Sanctū  
Sanctorū, per hunc redemptorem meū,  
fac me currere viam mandatorum tuo-  
rum: vt ei valeam spiritu vniri, qui mea  
non



non horruit carne vestiri. Nunquid non attendis, pie Pater, adolescentis filij charissimi caput, niuea ceruice deflexa, preciosissimam resolutū in mortem? Aspice, micissime cōditor, dilectæ sobolis humanitatē, & miserere super infirmi plasmatis debilitatem. Candet nudum pectus, rubet cruentum latus, tensa arent viscera, decora languent lumina, regia pallēt ora, procera rigent brachia, crura pendēt marmorea, rigat terebratos pedes beati sanguinis vnda. Specta, gloriose genitor, gratissimæ prolis lacerata membra: & memorare benignus, quæ in ea est substantia. Conspicere Dei hominis pœnam, & relaxa conditi hominis miseriam: Vide redemptoris supplicium, & redempti dimitte delictum. Hic est Dñe mi, quem propter peccata populi tui percussisti, licet ipse sit dilectus, in quo tibi bene placuisti. Hic est ille innocens, in quo dolus non est inuentus, & tamen inter iniquos deputatus est. Te igitur oro, patere per hunc filiū tuum exorari. Memento etiā quæso Pater sanctissime omniū creditiū, qui Christianæ & piæ lucis hanc vsuram perdiderunt. Memento M. Ne in iudicio cum eis contendas, ne à sinistris eos statuas, sed eos tecū in sempiternā requiē susci-

suscipias: vbi te S. S. Trinitatem cum omnibus electis videant & celebrent. Pater noster, &c. Agnus Dei, qui tollis peccata mundi, &c.

9.

*Quando Sacerdos est cōmunicaturus, excita pariter animæ tuæ, vires, vt spiritualiter cōmunicet, Spiritualiter communicare, est certissima fide Christū in altari presentē confiteri & venerari: Deinde inflammato cordis affectu desiderare, si expediret, per realē etiam Sacramenti perceptionē ei vniri, & diuinos Eucharistiæ fructus recipere. Itaq; Christū orare debes, vt Spirituali saltē modo in animā tuā veniat, & thesauros suæ gratiæ in eam effundat: vt suo pretioso sanguine, & summa humilitate, superbiam tuam conterat, mundet sordes, & impuras cōerceat cogitationes, & suavi fortique amoris vinculo sibi coniungat. Qui tres effectus maxime pētendi videntur.*

ORATIO PRO CONSEQUENDIS  
EVCHARISTIÆ FRUCTIBVS.

*Accipite & comedite, hoc est enim corpus meum.*

**O** Sacrum, ô excellens conuiuium, in quo Christus sumitur, Christi corpus olim infantix vagitibus afflictum, iuuentutis sudoribus vexatū, ieiunijs maceratum, itineribus fessum, affectum flagris, cum mortuis deputatum, deniq; in dextera Patris omnipotētis collocatum,

pro-

proponitur. O Iesu, ô Christe benedi cte, sis in æternū benedi ctus, qui in eminentissimo glorię tuę folio, atq; in sacerdotis manibus idem vis contineri, & meæ animæ cibis fieri non dedignaris. Obsecro Dñe, vt quam olim in naturæ cõmunis fragilitate, ab hostibus teterrimis in crucē sublatu, salutē acquisiisti, hodie per hunc sacratissimū cibum animæ, redditam ac restitutā accipere possimus. Medere, O Iesu, quotidianis conscientiaę meę vulneribus. Noli, ô benignissime Samaritane, seruum tuū, misera ægritudine afflictū debilitatumq; in præteritis relinquere. Ecce ego ille idem, quem olim incolumitate donasti; nondū prorsus, propter frequentes cū latronibus conflictus, egrimonia leuatus: Nec vnquā pristina restituar sanitati, nisi prius tuo sanguine expiatus fuero. Rogo vt in communi nostro dolore, pietati ac indulgentiaę tuæ seruias. Concede ad meā hodie seruire salutem, & Patris tui placationem, quòd pro omnium redemptione dignatus es impendere.

Amor, qui te traxit è cęlo, vt perditum Adam redimeree, ipse te commoueat, vt me eiusdem peccati fociū, per hoc SS. Sacrificium, à perpetua scelerum seruitute liberet. Refice vires, satia & exple hoc  
pane

pane vitæ viuo & vero: & extingue in nobis omnem famem carnalium & secularium desideriorū. Redemptor mi, expelle à me spiritum superbiæ, & concede propitius thesaurū humilitatis tuæ. Saluator mi, da mihi solidam fidem, spem congruam, charitatem continuā. Rector mi, auerte à me vanitatē, mentis inconstantiam, oris obscœnitatem, oculorū elationem, ventris intemperantiam, opprobria proximorum, sceleta detractionum; inanis gloriæ appetitū. Reseca in me, factor mi, temeritatem iniquam, pertinaciam, inquietudinē, somnolentiam, mentis stuporem, linguæ effrenationē. Deus meus, misericordia mea, oro te, da mihi misericordiæ opera, pietatis studia: da mihi bonos imitari, malos cauere, virtutes amplecti, vitia extirpare. Da quod iubes Dñe, & iube quod vis: Dilata os animæ meæ, vt te panem Angelorū, panem cælestē capere possit: vt possim adulescere in virum perfectū, & occurrere in ætatem plenitudinis tuæ, ac post hanc vitā, pleno & dilatato ore, desiderabilissimæ diuinitatis tuæ suauitate perfrui merear.

10.

*In fine Sacri resurgentem à mortuis Christū, & in cælos ascendentem, supplex ora, vt à corruptione vitæ*

*Vitæ resurgere te faciat, & in cælū cor tuum trahat, nec patiatur, illa præcipuè die, terrenis te sordibus inquinari, aut implicari nugis: sed præstet, vt in finem tuum, id est, cælestem beatitudinem intentis perpetuò oculis, valeas intueri.*


ORATIO.


**D**omine Iesu Christe, qui ascendens in cælū, omniū animos aduocasti ad cælestia, & nobis maximā spem illa cōsequendi dedisti: Ecce & nunc viua hostia missus es, & oblatus pro nobis Patri: Cogita quæso de nobis, & benedic animis nostris, vt non ad captandā vitæ huius vanissimā iucunditatē sed ad regni perennis beatitudinē cōsectandam eamus, & ad cælestia desideranda & quæreda, corpore reuertamur ad nostra, mēte verò tibi vni omniū conditori & moderatori cōsociari, nunquā à te diuelli ac distrahi, patiamur. Denique præsta, vt cum viuīs & defunctis, extremo iudicij die, in illa bonorū multitudine, læti sub aspectum tuum venire possimus.

APPROBATIO.

Hic tractatus precum & exercitiorum, ex variis approbatis libellis recollectus, nil nisi deuotionem & pietatem spirat; utilis qui omnium cuiuscunque status & conditionis sit manibus teratur. Quare dignum iudico, vt typis mandetur, & in multorum vsum producat. 6. Iulij, Anno. 1600.

Egbertus Spitholdius S. T. L. ac Ecclesiæ  
Cathed. Antverp. Canonic. & plebanus.





— # 1

GEO. PERBODY

232

.91

2712

1604

ca

5384962

27ME15



#1

1 Bachele pour moyse  
vous de Meville en suite  
L'usage

